



## **КЪАНУННЫНЬ ТЕКРАРЫ КИТАБЫ**

Къануннынъ Текрары акъкъындаки китап — Алла Къануннынъ чокъусы эмирлернинъ текрарланувыдыр. Бу акъта китапнынъ серлевасы да айта. Иорданнынъ башкъа тарафына кечкен исраиллиер (Нуннынъ огълу Ехонтуадан ве Калевден гъайры) Синай дагъында олгъан Акъикъатнынъ ачылмасы ве Тевратнынъ баҳшыш этильмесине я шаат олмадылар, я да бу шей оларнынъ акъылларында къалмады, чонки олар о заман (40 йыл эвельси) бала эдилер. Шу янъы несильге Муса Раббининъ адындан Тевратнынъ эмирлерини экиндже кере текрарлай. О, Къануннынъ мундериджесини баягъы сербест анълата, мында къуру язылгъангъа эмиет бермейип, эмирлернинъ рухий мαιети еудийлернинъ юреклерине тесир этип ятсын деген манада бере.

Озъ ваазынынъ бириндже къысмында Муса сахра бою долашкъан вакъытта халкъынынъ башындан кечкен эписи адиселерни хатырлата (Къануннынъ Текрары 1-3). Экиндже къысмында о, Къануннынъ эсас ерлерини текрарлай, анълата ве инкишаф эте. Къануннынъ шу ерлеринде пак намуслыкънынъ, севгининъ ве инсанитетликнинъ руху хусусий бир кучьнен косътериле. Бойле чизгилер Алла сайлагъан халкъынынъ хусусиетлери оладжакъ эдилер (Къануннынъ Текрары 4-27).

Китапнынъ учонджи къысмында Муса кене халкъны сайлавгъя кетире: я Аллагъа хызмет этмек, я да Аллагъа къаршы чыкъмакъ. О, биринджи ве экинджи къаарарнынъ нетиджеси не оладжагъыны эвельден айтып, халкъкъа яшайыш ве олюм, багъышлав ве къаргъыш арасында сайламагъа имкян бере (Къануннынъ Текрары 28-30). Китап, илериде исраиллиердинъ Ханаангъа кирежегинен багълы олгъан сонъки эмирлеринен, Мусанынъ келеджекни акс эткен йырынен ве Муса берген багъышлавынен ве онынъ олюмини тасвирилген икъянен бите.

# 1

## Мусанынъ насиатлары

<sup>1</sup>Бу сёзлерниң эписини Муса бүтүн Исраильге Иордан озенини кечмезден әвель, Аравадаки сахрада, Къызыл денъиз оғонде, Паран ве Тофел, Лаван, Хацерот ве Ди-Захав ерлеринде айта әди.

<sup>2</sup>Хорев<sup>\*</sup> еринден Кадеш-Барнеа шеэринедже Сеир дагъларындан кечип кеткен ёлның узунлыгъы он бир кунълюктири.

<sup>3</sup>40-ынджы йылы<sup>\*\*</sup>, 11-инджи айның биринджи күнү Муса Исраиль әвлялтарына РАББИнинъ оларгъа бүтүн эмир эткенини текәрлады.

<sup>4</sup>Муса, Хешбон шеэринде яшагъан аморлыларның падишасы Сихонны ве, Аштарот ве Эдрей шеэрлеринде яшагъан, Башанның падишасы олгъан Огны енъген әди. <sup>5</sup>Энди исе Иордан озенининъ шаркъ янында, Моав топрагъында Муса бу Къанунны анълатып башлады:

<sup>6</sup>— Алламыз олгъан РАББИ Хорев еринде бизге бойле айтты: «Бу дагъларда яшагъаныңыз етер! <sup>7</sup>Аман турып, ёлгъа чыкъынъыз. Аморлыларның дагълы топрагъына кетинъиз, Аравада, дагъларда ве вадийде, Негевде ве денъиз ялысында, ханаанлыларның топрагъында ве Ливанда, буюк Фират деръясынадже яшагъан

---

\* <sup>1,2</sup>Хорев — дагълы топракъ, анда Синай дагъы ерлешкен әди. Шунынъ ичюн де бу ад кимерде Синай дагъының экинджи ады киби къулланыла әди.

\*\* <sup>1,3</sup>Мысыр мемлекетинден чыкъкъан соңъ.

къомшу халкъларгъа барынъыз. <sup>8</sup>Бакъынъыз, Мен бу топракъны энди сизге бердим. РАББИ бу ерлерни Ибраим, Исхакъ ве Якъуп деделеринъизге ве оларның әвлятларына бермеге ант этти. Барынъыз да, оларның саиплери олунъыз».

### **Муса къадыларны вазифеге къоя**

<sup>9</sup>О заман мен сизге айттым: «Сизлерниң екяне ёлбашчынъыз олмагъя такъатым ёкъ. <sup>10</sup>Алланъыз олгъан РАББИ сизни чокълаштырды, ве сизлер энди кок йылдызлары киби чокъсынъыз. <sup>11</sup>Деделеринъизни Алласы олгъан РАББИ сизинъ бугуньки сайынъызын бинъ къят чокълаштырын ве, сөз бергени киби, сизге буюк яхшылықълар этсин! <sup>12</sup>Лякин юклеринъиз, агъырлықъларынъыз ве даваларынъызын мен бир озюм насыл котерип олурым? <sup>13</sup>Озълеринъизге акъыллы, анълагъан ве къабилелеринъизде белли олгъан акъайларны сайланызы да, мен оларны сизлерге башлыкъ этип къоярым».

<sup>14</sup>Сиз манъя бойле джевап къайтардынъыз: «Айткъаның яхшыдыр». <sup>15</sup>Сонъ мен къабилелеринъизниң башлықъларындан акъыллы ве белли олгъан адамларны алдым да, оларны бинъбашы, юзбашы, эллибашы, онбашы ве ре берлер этип, къабилелеринъизге башлыкъ этмеге къойдым.

<sup>16</sup>О заман къадыларынъызгъа эмир этип, бойле дедим: «Семетдешлеринъизниң даваларыны дикъкъатнен динъленъиз ве, дава семетдешлер арасында оламы я да семетдеш ве ят халкълардан олгъан адам арасындамы, адалетли суд этинъиз. <sup>17</sup>Суд эткенде, адамлар арасында фаркъ этменъиз. Эм адий, эм буюк адамның лафына къулакъ асынъыз. Адамлардан къоркъманъыз, чонки

махкеме — Алланынъ ишидир. Сиз чезип оламагъан даваларны исе манъа кетириңгиз, мен оларны бакъарым».

<sup>18</sup> О заман мен, бутюн япаджакъларынъыз акъкъында сизге эмирлер бердим.

### Муса Кадеш-Барнеадан джасусларны ёллай

<sup>19</sup> Соң биз Хорев еринден ёлгъа чыкътыкъ, сиз корыген бутюн бу буюк ве къоркъунчлы сахрадан кечип, РАББИ эмир эткени киби, аморлыларнынъ дагълы топракъларына кеттик ве Кадеш-Барнеа шеэрине кельдик. <sup>20</sup> Мен сизге бойле дедим: «Мына, сиз аморлыларнынъ дагълы топрагъына келип чыкътынъыз. Алламыз олгъан РАББИ оны бизге береджек ола. <sup>21</sup> Бакъынъыз, Алланыз олгъан РАББИ бу топракъны сизинъ огюнъизге къойды. Энди, баба-деделеринъиздинъ Алласы олгъан РАББИ сизге айткъаны киби, онынъ саиплери олунъыз. Къоркъманьыз ве рухтан тюшменъиз!»

<sup>22</sup> Лякин сиз эпинъиз яныма келип, бойле айттынъыз: «Огюмизге акъайларны ёллайыкъ. Олар бу топракъны яхшы оренсингилер ве къайтып, бизге къайсы ёлдан кетмеге ве къайсы шеэрлерге кирмеге айтсынлар». <sup>23</sup> Мен буны бегендим ве эр бир къабиледен бир адам, эписи олып он эки адам сайлап алдым. <sup>24</sup> Ёлгъа чыкъып, олар дагълы мемлекетке котерильдилер, Эшкол вадийине бардылар ве оны яхшы орендилир. <sup>25</sup> О тарафынъ махсулларындан бираз алып, бизге кетирдилер ве бойле сёзлер айттылар: «Алламыз олгъан РАББИ бизге беректкъан ерлер яхшылдыр!»

<sup>26</sup> Лякин сиз кетмеге истемединъиз, Алланыз олгъан РАББИнинъ эмирине къаршы исъян котердинъиз. <sup>27</sup> Чадырларынъызда хошнутсыз мырылдалап, бойле айттып

башладынъыз: «РАББИнинъ бизни кореджек козю ёкъ, шунынъ ичюн О, аморлыларнынъ къолуна берип ёкъ этмек ичюн, бизни Мысырдан алып чыкъкъандыр. <sup>28</sup> Биз энди къайда кетейик? Агъа-къардашларымыз: “О халкъ бизден чокъ, бойлары да юксекче. Шеэрлери балабан, пекитильген диварлары кокке тие. Биз анда анакълыларны\* биле корьдик”, — айтып, бизни рухтан тюшюрдилер».

<sup>29</sup> О заман мен сизлерге бойле дедим: «Олардан къоркъманыз, рухтан тюшменъиз! <sup>30</sup> Алланъыз олгъан РАББИ сизинъ огюнъизде кетмекте. Козюнъиз огюнде Мысырда ве сахрада япкъаны киби, О, сиз ичюн дженк этеджек. <sup>31</sup> Алланъыз олгъан РАББИ, баба огълуны къолда ташыгъаны киби, сизни бу сахрада къолда ташыды, ве сиз шуны корьдинъиз. Бутюн ёл бою, бу ергедже кельмезден эвель, О, сизни ташый эди».

<sup>32</sup> Лякин бунъа бакъмадан, сизлер Алланъыз олгъан РАББИге ишанмадынъыз. <sup>33</sup> О исе, сизлерге чадырларынызынъы ерлештиремек ичюн ер къыдырып, сизинъ огюнъизде кете эди. О, геджесинен атеште, куньдюзи исе булут ичинде кетип, кетеджек ёлунъызынъ косътере эди.

### Рабби Исраильни джезалай

<sup>34</sup> РАББИ сизинъ сёзлеринъизни эшитип, гъазапланды ве бойле айтып ант этти: <sup>35</sup> «Мен баба-деделеринъизге яхши топракъны бермеге ант эттим. Амма бу яман несильден олгъан ич бир адам оны корьmez. <sup>36</sup> Ялынъыз Ефунненинъ огълу Калев оны кореджек. Мен, энди

---

\* <sup>1.28</sup> Анакълылар – Ханаан мемлекети джениобинде яшагъан, Анакъ адлы девден асыл олгъан халкъ.

аягъы баскъан топракъны онъа ве онынъ эвлятларына берерим, чонки о, РАББИни эр бир шейде динъледи».

<sup>37</sup> Сизлер ичюн РАББИ манъа да гъазапланды ве бойле деди: «Сен де анда кирмезсинъ. <sup>38</sup> Сенинъ ярдымджаинъ олгъан Нуннынъ огълу Ехощуа анда киреджек. Онъа юрек бер, чонки онынъ саесинде исраиллиер топракънынъ саиплери оладжакъ. <sup>39</sup> Сиз, уфакъ балаларымыз ёлда гъайып оладжакъ, деген олсантыз да, олар сизинъ яманны яхшыдан айырмагъа бильмеген огъулларынъыз-нен берабер анда кирерлер. О топракъны оларгъа берерим де, олар онынъ саиплери олур. <sup>40</sup> Сиз исе айланып, Къызыл денъизге таба, сахрагъа ёл алышыз».

<sup>41</sup> Сонъ сиз манъа бойле джевап къайтардынъыз: «Биз РАББИни огюнде гуна къазандыкъ. Барайыкъ да, Алламыз олгъан РАББИ эмир эткени киби, дженк-лешейик».

Эр биринъиз оэз силянъызынъ алдынъыз да, дагъларгъа котерильмеге азырландынъыз. <sup>42</sup> Лякин РАББИ манъа бойле деди: «Оларгъа айт: “Котерильменъиз дагъларгъа, дженк этменъиз, чонки Мен аранъызда олмам ве душманларынъыз сизни енъеджеклер”».

<sup>43</sup> Мен сизлерге буны айтып бердим, лякин сиз динълемединъиз ве, РАББИни сёзюне къаршы чыкъып, кибирленинъиз ве дагъларгъа кеттинъиз. <sup>44</sup> О дагъларда яшагъан аморлылар сизге къаршы чыкъып, балкъуртлар киби сизлерни къуваладылар ве Сеир дагъларында тап Хорма шеэрине баргъандже сизни тар-мар эттилер. <sup>45</sup> Сизлер къайттынъыз ве РАББИни огюнде агълдынъыз. Лякин РАББИ давушынъызынъ эшитмеди ве сизни къабул этмеди.

### **Сахрада кечирильген йыллар**

<sup>46</sup> Сонъ чокъ кунълер девамында сиз Кадеш шеэринде яшадынъыз, бутюн бу узакъ вакъыт ичинде анда единъиз.

## **2**

<sup>1</sup> Сонъ биз айланып, РАББИ манъа айткъанына коре, Къызыл денъизге таба, сахрагъа ёл алдыкъ ве чокъ вакъыт Сеир дагъларынынъ чевре-четинде юрдик. <sup>2</sup> Сонъ РАББИ манъа бойле деди: <sup>3</sup> «Бу дагълы топракънынъ чевре-четинде юргенинъиз етер энди, шимальге тараф ёл алынъыз. <sup>4</sup> Халкъкъа бойле эмир эт: “Сеир еринде сизинъ сой-сопларыныз, Исаңынъ эвлятлары яшайлар. Шимди сиз оларнынъ топрагъына киреджек оласынъыз. Олар сизден къоркъаджакълар, лякин козь-къулакъ олунъыз. <sup>5</sup> Оларнен дженклеменъиз, чонки Мен оларнынъ топрагъындан сизге аякъ басмагъа биле ер бермем. Сеир дагълы топрагъына Мен Исаңынъ эвлятларыны саип этип къойдым. <sup>6</sup> Ашайджакъ ашынъызын ве ичеджек суунъызын олардан акъчагъа сатын алынъыз”».

<sup>7</sup> Керчектен де, Алланызыз олгъян РАББИ эр бир туткъан ишинъизде сизге бахыт берди. Бу буюк сахра бою юргенинъизде, О, сизге мукъайт ола эди. Къыркъ йыл девамында Алланызыз олгъян РАББИ сизлернен эди, ве сиз ич бир шейге муҳтадж дегиль единъиз.

<sup>8</sup> Сонъ биз, Сеир еринде яшагъан ве сой-сопларымыз олгъян Исаң эвлятларынынъ янындан кечтик. Биз Элат ве Эцион-Гевер шеэрлеринден баргъан Арава ёлунен кечтик ве сонъ айланып, Моав сахрасы ёлундан кеттик.

<sup>9</sup> РАББИ манъя бойле деди: «Моавлыларны раатсызлама ве оларнен дженклешме. Мен оларнынъ топрагъындан сизлерге саип олмакъ ичюн бир шей бермем, чонки Ар шеэрине Мен Лутнынъ эвлятларыны саип этип къойдым».

(<sup>10</sup> Эвель анда эмлилер яшай экен. Олар кучълю ве чокъ сайылыш халкъ ве анакълылар киби юксек бойлу экенлер. <sup>11</sup> Адамлар оларны, анакълыларны киби, рефалылар деп сая эдилер. Моавлылар исе оларгъа эмлилер деййлер. <sup>12</sup> Сеир еринде исе эвель хорлулар яшай экен, лякин Исаивнынъ эвлятлары оларнынъ топрагъыны басып алыш, оларны ёкъ эткен ве оларнынъ ерине анда яшамакъ ичюн ерлешкен. Израиллилер де РАББИ оларгъа берген топракъта, оларнынъ шахсий оладжакъ топрагъында айны шу шейни яптылар.)

<sup>13</sup> РАББИ деди: «Энди барып, Зеред вадийини кечиньиз», ве бизлер Зеред вадийини кечтик.

<sup>14</sup> Кадеш-Барнеа шеэринден кеткен күнөмизден Зеред вадийини кечкен вакътынадже 38 йыл кечти. РАББИ бизге ант эткени киби, шу арада бизим ордуларымызда дженк эткен несильден ич бир акъай къалмады.

<sup>15</sup> Олар эписи гъайып олмагъандже, РАББИ оларнынъ ордусыны ёкъ эте эди.

<sup>16</sup> Халкъта силяны къолуна алмагъя имкяны олгъан акъайларнынъ эписи гъайып олгъан сонъ, <sup>17</sup> РАББИ манъя бойле деди: <sup>18</sup> «Бугунь сен Моав топрагъына кирип, Ар шеэрининъ янындан кечеджексинъ. <sup>19</sup> Аммонлыларгъя якъынлашкъан сонъ, оларны раатсызлама, оларнен дженклешме, чонки аммонлыларнынъ топрагъындан сизлерге саип олмакъ ичюн бир шей бермем. Мен онъя Лутнынъ эвлятларыны саип этип къойдым».

(<sup>20</sup> Шу топракъны даа рефалыларнынъ топрагъы деп сая эдилер. Бир заманда олар анда яшай экен. Аммонлылар исе оларны замзумлылар деп адландыралар. <sup>21</sup> Олар къуветли, чокъ сайылы ве анакълылар киби юксек бойлу экенлер, лякин РАББИ аммонлыларнынъ козълери огюнде оларны ёкъ эткен. Аммонлылар топракънынъ саиплери олып, анда ерлешкен. <sup>22</sup> Сеир дагълы топрагъында яшагъан Исаевнынъ эвлятлары ичюн РАББИ айны шу шейни япкъян. Оларнынъ козълери огюнде О, хоруларны ёкъ эткен. Олар ернинъ саиплери олып, анда ерлешкен, ве бу куньгедже анда яшайлар. <sup>23</sup> Кафтор\* адасындан чыкъкъян кафторлылар исе, Гъаза шеэринедже койлерде яшагъан авлыларны ёкъ этип, оларнынъ ерлеринде ерлешкен эди.)

<sup>24</sup> «Турунъыз ве ёлгъа чыкъып, Арнон деръясыны кечинъиз. Мына, Мен Хешбоннынъ падишасы олгъан аморлы Сихонны ве онынъ топрагъыны сенинъ къолунъя бердим. Онен дженкни башлап, ернинъ саibi ол. <sup>25</sup> Энди бутюн ер юзүнде яшагъан халкълар сенинъ акъкъынъда эшиткенинен, къоркъу ве дешет тюбюне къалырлар. Мен буны япып башларым. Сенинъ огюнъде олар къалтырайджакълар ве чекишеджеклер».

### Исраиллиер Сихон падишаны енъелер

<sup>26</sup> Соң мен Хешбон падишасы Сихонгъа Кедемот сахрасындан хаберджилеримни селямнен ёлладым: <sup>27</sup> «Манъа сенинъ топрагъынъдан кечмеге разылыкъ бер. Бир ёлнен кетип, не сагыгъа, не де согъя бурулмам. <sup>28</sup> Аш

\* <sup>2.23</sup> Кафтор — Крит адасы.

ве сувны манъя ақъчагъа сат, ве мен ашап-ичерим. Тек кечмеге разылыкъ бер манъя.<sup>29</sup> Айны шу шейни Сеир топрагъында яшагъан Исаинъ эвлятлары ве Арда яшагъан моавлылар япты. Соң мен Иордан озенинден кечип, Алламыз олгъан РАББИ бизге береджек топракъ-къа кирдежегим».

<sup>30</sup>Лякин Хешбон падишасы Сихон бизге озь топрагъындан кечмек ичюн разылыкъ бермеди, чонки Аллань олгъан РАББИ рухуны исрап, юргини исе инат эткен. Бойле этип, О, оны сенинъ къолунъа бермеге ниет эте эди. Шу шейни де япты.

<sup>31</sup>Соң РАББИ манъя бойле айтты: «Бакъ, Мен Сихонны топрагъынен берабер сенинъ къолунъа берип башладым. Онынъ топрагъына саиплик этип башла».

<sup>32</sup>Соң Сихон бутюн ордусынен берабер Яхаң шеэри янында бизге къаршы дженкнен чыкъты. <sup>33</sup>Алламыз олгъан РАББИ оны бизим къолумызгъа берди, ве биз оны, оғыулларыны ве бутюн ордусыны енъдик. <sup>34</sup>О заман биз онынъ эписи шеэрлерини запт этип, шеэрлерини, акъайларыны, къадынларыны ве балаларыны Аллагъа берип, бутюнлей ёкъ эттик. Кимсени сагъ къалдырмадыкъ. <sup>35</sup>Ялынъыз озылеримизге туварларны ве биз запт эткен шеэрлерден гъаниметни алдыкъ. <sup>36</sup>Арон вадийининъ сынъырында олгъан Ароэр шеэрinden ве вадийининъ ортасында ерлешкен башкъа шеэрден башлап, Гилад ерине къадар, бизден къуветли шеэр ёкъ эди. Алламыз олгъан РАББИ эписини къолумызгъа берди. <sup>37</sup>Ялынъыз аммонлыларнынъ топрагъына, Ябок вадийининъ янында яткъан ерлерге, дагълы топракъта ерлешкен шеэрлерге, — Алламыз олгъан РАББИ эмир эткен ич бир ерге якъынлашмадыкъ.

**3****Исраиллиер Ог падишаны енъелер**

<sup>1</sup>Сонъ биз ондан айланып, Башангъа тараф ёл алдыкъ.  
Башаннынъ падишасы Ог бутюн ордусынен берабер  
Эдрей шеэри янында бизге къаршы дженкнен чыкъты.  
<sup>2</sup>РАББИ манъя бойле деди: «Ондан къоркъма, чюнки  
Мен оны, бутюн онынъ ордусыны ве топрагъыны сенинъ  
къолунъя энди бердим. Хешбонда яшагъан аморлылар-  
нынъ падишасы Сихонгъа не япкъан олсанъ, айны шу  
шнейни Оггъа да япаджакъсынъ».

<sup>3</sup>Сонъ Алламыз олгъян РАББИ Башаннынъ падиша-  
сы Огны эм де онынъ бутюн ордусыны бизим къолумыз-  
гъа берди. Биз оларны енъип, кимсени сагъ къалдырмадыкъ.  
<sup>4</sup>О заман биз онынъ эписи шеэрлерини запт эттик.  
Оларнынъ запт этильмеген шеэрлери къалмады. **60** ше-  
эрни, бутюн Аргов виляетини, Огнынъ Башан ериндеки  
падишалыгъыны запт эттик. <sup>5</sup>Бу шеэрлеринъ эписи ян-  
ларына барылмаз дивар, юксек араба къапу ве мандаллар-  
нен пекитильген эдилер. Олардан гъайры даа чокъ чев-  
ре-чети пекитильмеген къасабалар бар эди. <sup>6</sup>Биз оларны  
айырып, бутюнлей ёкъ эттик. Хешбоннынъ падишасы  
Сихонгъа япкъанымыз киби, эписи шеэрлерни, акъайлар,  
къадынлар ве балаларынен берабер бутюнлей ёкъ эттик.  
<sup>7</sup>Лякин эписи туварларны ве шеэр халкъындан тутып ал-  
гъанларымызын озылеримизге гъанимет оларакъ алдыкъ.

<sup>8</sup>Бойлеликнен, о заман биз бу эки аморлыларнынъ па-  
дишаларындан Иордан деръясындан шаркъта яткъан, Ар-  
 non вадийинден Хермон дагъына къадар топракъларыны

алдыкъ. <sup>9</sup>Цидонлылар Хермонгъа Сирион дейлер, аморлылар исе – Сенир. <sup>10</sup>Тюзлюк ерде олгъан эписи шеэрлерни, бутюн Гилад ерини ве Салека ве Эдрейге къадар бутюн Башан ерини алдыкъ. Салека ве Эдрей – Башан ериндеки Огнынъ падишалыгъында шеэрлер эдилер. <sup>11</sup>Башанннынъ падишаасы Ог сонъки рефалы эди. Онынъ демирден япылгъан тёшегининъ<sup>\*</sup> узунлыгъы дёрт метр, кенълиги эки метр<sup>\*\*</sup> эди. О, шимди де аммонлыларнынъ къолунда, Рабба шеэриндедир.

### **Иорданннынъ шаркъ тарафында яшамакъ ичюн ерлешкен къабилелер**

<sup>12</sup>О заман биз шу топракънынъ саиплери олдыкъ. Арнон вадийиндеки Ароэр шеэрinden башлап, Гилад дагълы топрагъынынъ ярысыны онынъ шеэрлеринен бебар бер мен Рубен ве Гад къабилелерине бердим. <sup>13</sup>Гилад ерининъ къалгъаныны ве Огнынъ падишалыгъы олгъан бутюн Башан ерини мен Менашшенинъ яры къабилесине бердим, бутюн Аргов виляетини бердим. Бутюн Башан ерине «рефалыларнынъ топрагъы» дейлер. <sup>14</sup>Менашшенинъ къабилесинден олгъан Яир гешурлыларнен ве маакъалыларнен сынныргъа къадар бутюн Аргов виляетини алды. Башан ерини о, озы адынен Хавот-Яир адландырды. Бугуньгедже бу онынъ адыдыр. <sup>15</sup>Макиргэ<sup>\*\*\*</sup> мен

\* <sup>3.11</sup> Я да «саркофаг, табут».

\*\* <sup>3.11</sup> Дёрт метр, эки метр – къадимий еудийдже «докъуз аммах, дёрт аммах». Бир аммах – къаарарнен 0,45–0,5 метр.

\*\*\* <sup>3.15</sup> Макир – Менашшенинъ оғълу. Яир исе Макиринъ эвлятларындан бири эди.

Гилад ерини бердим. <sup>16</sup> Рубенлилерге ве гадлыларгъа мен Гиладдан башлап Арнон вадийине къадар топракъны бердим. Онынъ бир сынъыры вадийнинъ ортасындан кече эди. Топракънынъ башкъа сынъыры — Яббок вадийи, аммонлыларнен сынъырлана эди. <sup>17</sup> Араваны ве Иордан озенини бердим. Топракънынъ сынъыры Киннерет голюнден Араванынъ денъизинедже, я да Тузлу денъизгедже ве онынъ шаркъ тарафында яткъан Фисга байырынынъ этеклеринедже узана эди.

<sup>18</sup> О заман мен сизге бойле эмир бердим: «Алланызы олгъан РАББИ бу топракъны, онынъ саиплери олунъыз деп, сизге берди. Лякин дженк этип олгъанлар эписи силяланып, агъа-къардашларынъыз исраиллиернинъ огюнден кетинъиз. <sup>19</sup> Тек апайларынъызnen балаларынъыз ве туварларынъыз (билим ки, туварларнынъ сайысы чокъ) мен сизлерге берген шеэрлерде къалсынлар. <sup>20</sup> Башта РАББИ, сизге раатлыкъ бергени киби, агъа-къардашларынъызгъа да раатлыкъ береджек, ве олар, Алланызы олгъан РАББИ Иордан озенининъ башкъа тарафында оларгъа берген топракънынъ саиплери оладжакълар. Сонъ эпинъиз Мен сизге саипликке берген ерлеринъизге къайтаджакъсынъыз».

<sup>21</sup> Ехощуагъа мен о вакъыт бойле эмир бердим: «Алланызы олгъан РАББИ бу эки падишагъа эписи япъланларыны озъ козълеринънен коръдинъ. Сен кечеджек бутюн падишалыкъларгъа да РАББИ айны шу шейни япаджакъ. <sup>22</sup> Олардан къоркъманъыз, чонки Алланызы олгъан РАББИ Озю сизлер ичюн дженк эте».

### **Рабби Мусагъа Ханаангъа кирмеге ясакъ эте**

<sup>23</sup> О заман мен РАББИге ялвардым: <sup>24</sup> «Эй, РАББИ-ТААЛЯ! Сен Озъ къуулунъа уулыгъынъны ве къудретинъни косътерип башладынъ. Коклерде я да ер юзюнде къайсы бир алла Сенинъ япкъанларынъ ве къудретли ишлеринъ киби бир шейни япа биле? <sup>25</sup> Манъя, Иордан озенинден кечип, онынъ башкъа тарафында яхшы топракъны, эм де шу яхшы дагълы топракъны ве Ливан ерини корымеге разылыкъ бер!»

<sup>26</sup> Лякин РАББИ сиз ичюн манъя гъазапланып мени динълемеди. РАББИ манъя бойле деди: «Етер! Бир даа бу акъта манъя бир шей айтма. <sup>27</sup> Фисга дагъынынъ тёпесине котерилип, деньизге ве шимальге, дженюп ве шаркъ тарафларына бакъ. Козълеринънен бакъ, чонки сен бу Иордан озенинден кечмезсинъ. <sup>28</sup> Ехощуагъа насиат бер, онъя юрек берип, оны къавийлештири, чонки о, бу халкънынъ башында олып, озенден кечеджек ве сен кореджек топракъны оларгъа пай этип береджек».

<sup>29</sup> Соң биз Бет-Пеор ерининъ къаршысында, вадийде токътадыкъ.

## **4**

### **Муса халкъны къандыра**

<sup>1</sup> Шимди, Израиль, мен сизге огратеджек низамнамелер ве къаарларны динъле. Оларны тутсанъыз, чокъ яшайджакъсыз, топракъкъа киреджексиз ве онынъ саиплери оладжакъсыз. Баба-деделеринъизнинъ Алласы олгъян РАББИ сизге бу топракъны бере. <sup>2</sup> Сизге эмир

эткенлериме бир шей къошманъыз, бир шейни де эксильтменъиз. Лякин мен сизге буюргъан, Алланъыз олгъан РАББИнинъ эмирлерини тутунъыз.

<sup>3</sup> Баал-Пеорнен<sup>\*</sup> РАББИ нелер япкъаныны озь козьлеринъизнен коръдинъиз. Баал-Пеорнынъ пешинден юрген эр адамны Алланъыз олгъан РАББИ аранъыздан ёкъ этти. <sup>4</sup> Сизлер исе, Алланъыз олгъан РАББИге ишанчлы къалыш, бугунь де эпинъиз сагъ-селяметсинъиз.

<sup>5</sup> Аллам олгъан РАББИ манъя эмир эткени киби, мен сизлерни низамнамелер ве къаарларгъа огrettим. Сизлер саип олмакъ ичюн кирген топрагъынъызда оларны тутмагъа борджлусынъыз. <sup>6</sup> Оларны унутмайып тутунъыз, чонки онынъ ичюн башкъа халкълар сизни акъыллы ве анълагъан, деп сайджакълар. Бутюн бу низамнамелер акъкъында эшиктенинен, олар бойле айттарлар: «Ялынъыз бу милlet — акъыллы ве анълагъан халкътыр!»

<sup>7</sup> Алламыз олгъан РАББИге дуа эткенимизде эр вакъыт О бизге пек якъындыр. Аллалары о къадар якъын олгъан насылдыр бир къудретли милlet бармы? <sup>8</sup> Бугунь мен огюнъизге бутюн бу къанунны къоям. О къадар адатли низамнамелер ве къаарларгъа бойсунып яшагъан насылдыр бир къудретли халкъ бармы?

<sup>9</sup> Амма козъ-къулакъ олып, буны акъылларынъызда къатты тутунъыз! Козълеринъизнен коръген ишлерни унутманъыз, олар омюрбиялла юреклеринъизден чыкъыш кетмесинлер. Лякин бу ишлер акъкъында огъулларынъызгъа ве торунларынъызгъа икяе этинъиз.

---

\* <sup>4,3</sup> Баал-Пеор — моавлыларның алласы.

<sup>10</sup> О күнү сиз Алланъыз олгъан РАББИнинъ оғюнде Хорев еринде турмакъта әдинъиз. О вакъыт РАББИ манъа бойле айтты: «Халкъны Меним оғюмде топла. Мен оларгъа эмирлеримни береджегим. Соң олар омюрбия Менден къоркъмагъа оғренеджеклер ве оғъулларыны да бунъа оғретеджеклер». <sup>11</sup> Сиз якъынлашып, дагъ тюбюнде турдынъыз. Бу дагъ коклергедже котерильген атешнен янмакъта эди, амма къара булатлары ве зифт къаранлыгъынен къапалгъан эди. <sup>12</sup> РАББИ атеш ичинден сизлернен лаф этти. Сөзлерни айтаяткъан сесини эшилтинъиз, ич бир къыяфетни исе корьмединъиз. Тек сесини эшилтинъиз. <sup>13</sup> О сизлерге Озъ васиетини — Он Эмирини — берди ве оны тутмагъа буюрды, эм де оны эки таш лева устюнде язды. <sup>14</sup> О заман РАББИ низамнамелер ве къаарларны сизге оғретмеге манъа буюрды, сиз саип олмакъ ичюн кирежек топракъта оларны туладжакъ әдинъиз.

### Муса путперестликтен сакъындыра

<sup>15</sup> Буны акъылларынъызда къатты тутунъыз! РАББИ Хорев еринде атеш ичинден сизлернен лаф эткен күнү сиз ич бир къыяфетни корьмединъиз. <sup>16</sup> Шунынъ ичюн бозулманъыз ве озюнъизге ич бир пут япманъыз. Ич бир шекильге ошагъан путны, акъай я да апай бичимли путны япманъыз. <sup>17</sup> Ер юзюндеки насылдыр айван бичимли, коклерде учкъан насылдыр къанатлы къуш бичимли, <sup>18</sup> ер устюнде сюйрекленип юрген маҳлюкъ бичимли, я да ер тюбюндеки, сувдаки насылдыр балыкъ бичимли путны япманъыз. <sup>19</sup> Шунынъ ичюн де, кокке бакъып, кунеш, ай, ве йылдызларны, — бутюн кок ордусыны корьгенинен,

ёлдан урулып, оларгъа бель букип, хызмет этменъиз, чюнки Алланъыз олгъан РАББИ оларны кок тюбюнде яшагъан эписи халкълар ичюн тайинледи.<sup>20</sup> Сизлерни исе РАББИ демир ириткен собадан, Мысырдан алып чыкъты. Чюнки О, бугунь олгъанынъыз киби, Онынъ шахсий халкъы оладжагъынъызы истей ёди.

<sup>21</sup> РАББИ сизлер ичюн манъа ачувланды ве, мен Иордан деръясындан кечмейджегиме ве Алланъыз олгъан РАББИ сизге мирас оларакъ береджек яхши топракъкъа кирмейджегиме ант этти. <sup>22</sup> Мен Иорданынъ башкъа тарафына кечмейип, бу топракъта оледжегим, сиз исе кечип о яхши топракънынъ саиплери оладжакъсынъыз.<sup>23</sup> Сакъынынъыз, Алланъыз олгъан РАББИ-нинъ сизге берген васиетини унутманъыз ве О сизге эмир эткени киби, ич бир шекильге ошагъан путны озюнъизге япманъыз.<sup>24</sup> Чюнки Алланъыз олгъан РАББИ — эписини якъып ёкъ эткен атештир. О — кунъджю Алладыр.

<sup>25</sup> Сизде оғұулларынъыз ве торууларынъыз дөгъып, ве сиз бу топракъта къартайып харап олсанъыз, бир де бир шекильге ошагъан путны япып, Алланъыз олгъан РАББИнинъ козю оғонде бу яманлыкъны япсанъыз ве оны ачувландырсанъыз,<sup>26</sup> мен бугунь кок ве ерни шаат оларакъ чагъырып ант этем ки, бу топракътан мытлакъа тез-тез гъайып оладжакъсынъыз. Онынъ саиплери олмакъ ичюн сиз бугунь Иорданы кечсеньиз де, анда чокъ вакъыт яшамайджакъсынъыз, лякин мытлакъа ёкъ оладжакъсынъыз.<sup>27</sup> О заман РАББИ сизни халкълар арасында дагъытаджакъ. РАББИ сизни тюрлю миллетлернен къарыштыраджакъ, ве оларнынъ арасында сизинъ сайынъыз аз оладжакъ.<sup>28</sup> Анда сиз адам къолларынен

таш ве агъачтан япылгъан, козълери коръмеген, къулакълары эшитмеген, аш ашамагъан ве бурунларынен къокъу алмагъан аллаларгъа хызмет этеджексинъиз.

<sup>29</sup>Лякин анда Алланъыз олгъан РАББИни къыдырып башласанъыз, эгер Оны джан-юректен къыдырсанъыз, тападжакъсынъыз. <sup>30</sup>Беляларгъа огърагъанда, сонъки куньлерде бу шейлернинъ эписи башынъызгъа тюшкенде, сизлер Алланъыз олгъан РАББИге айланаджакъсынъыз ве Онынъ сесини динълейджексинъиз. <sup>31</sup>Чюнки Алланъыз олгъан РАББИ – мераметли Алладыр. О сизлерни къалдырмайджакъ ве сизлерни ер юзюнден сильмейджек, баба-деделеринъизге ант этип, оларгъа берген васиетни унутмайджакъ.

<sup>32</sup>Сизден эвель олгъан, чокътан кечкен заманлар акъкъында, Алла ер юзюнде адамны яраткъан куньден башлап бугуньге къадар заманлар акъкъында сорап бакъ. Коклернинъ бир четинден башкъа четинедже сора: бу буюк ишке ошагъан бир шей олып кечкен эдими, я да онъя ошагъан бир шей акъкъында эшиткен эдилерми?

<sup>33</sup>Сизлер, атеш ичинден лаф эткен Алланынъ сесини эшиттинъиз ве сагъ къалдынъыз. Башкъа бир халкъ оны, сизлер киби, эшиттими? <sup>34</sup>Алланъыз олгъан РАББИ баргъанда, джезалар берип, бельгилер косътерип, аджайип шейлер япып, дженк этип, къудрети ве къуветинен козълеринъиз огюнде Мысырдан башкъа миллетнинъ арасындан Озюне миллет сайлап алды. Башкъа аллалар, Алланъыз олгъан РАББИ сизге япкъаны киби, буны япмагъа тырыштымы?

<sup>35</sup>Ялынъыз Алла – РАББИ олгъаныны сизге косътерильген эди. Ондан башкъасы ёкъ. <sup>36</sup>Сизни огретmek

ичюн, О коклерден сизге Озюнинъ сесини эшитмеге чаресини берди, ер юзюнде исе Озюнинъ буюк атешини сизге косътерди, ве сиз Онынъ сёзлерини атеш ичинден эшиттинъиз.<sup>37</sup> О сизинъ баба-деделеринъизни севе эди. Шунынъ ичюн О, оларнынъ эвлятларыны сайлады ве сизлерни Озюнинъ буюк къудретинен Озю Мысырдан алыш чыкъты.<sup>38</sup> Сизден буюк ве къудретли миллетлердинъ мулькюни алыш, сизинъ огюнъизден оларны къуваджакъ, сизлерни топракъларына кирсетеджек ве оларны сизинъ мулькюнъиз этип, сизге береджек ниетинде эди.

<sup>39</sup> Шимди шуны билинъиз ве юреклеринъизге къюнъыз: РАББИ — тёпедеки кокте ве ашагъыдаки ер юзюнде олгъан Алладыр. Ондан башкъасы ёкъ.

<sup>40</sup> Мен бугунь сизге буюргъан Онынъ низамнамелерини ве эмирлерини тутунъыз. Соң сизге ве эвлятларынызгъя яхши оладжакъ, ве Алланъыз олгъан РАББИ сизге эбедин береджек топракъта чокъ вакъыт яшайджакъсынъыз.

### Сыгъынакъ шеэрлери

<sup>41</sup> Соң Муса Иорданынъ шаркъ тарафында учь шеэр сайлап айырды. <sup>42</sup> Башкъа адамны аселет дегиль, эвельден онен душманлыкъта олмайып ольдюрген эр бир адам анда къачып кетмек мумкцион эди. О, бу шеэрлерден бирине къачып кетип, озъ джаныны къуртара-джакъ эди. <sup>43</sup> Мына бу шеэрлер: рубенлилерни топрагъында — тегиз ерде, сахрада олгъан Бецер шеэри, гадлыларнынъ топрагъында — Гилад еринде олгъан Рамот шеэри ве менашелилерни топрагъында — Башан еринде Голан шеэри.

### **Муса сёзюни башлай**

<sup>44</sup> Исраиль огъулларына Муса айтып берген къанун будыр. <sup>45</sup> Булар — шаатлыкълар, низамнамелер ве къараплардыр. Исраиллилер Мысырдан чыкъкъан сонъ, Муса буларны <sup>46</sup> Иордандан кечмезден эвель, Бет-Пеорнынъ къаршысында олгъан вадийде, Сихоннынъ топрагъында айтты. Сихон аморлыларнынъ падишасы олгъан ве Хешбон шеэринде яшагъан эди. (Мысырдан чыкъкъан сонъ, Муса ве исраиллилер бу падишагъа уджюм этип енъген ве <sup>47</sup> онынъ топрагъынынъ саиплери олгъан. Олар Башаннынъ падишасы Огнынъ топрагъыны да запт эткен. Бойледже, Иорданнынъ шаркъ тарафында олгъан аморлыларнынъ эки падишасынынъ топракъларыны алгъан. <sup>48</sup> Бу топракълар Арнон вадийиндеки Ароэр шеэрinden башлап, Хермон деп адлангъан Сирион дагъынадже ерлешкен. <sup>49</sup> Иордандан шаркъта олгъан бутюн Арава ери Фисга дагъынынъ этеклериндеки Араванынъ денъизине къадар оларнынъки олгъан эди.)

## **5**

### **Он Эмир**

<sup>1</sup> Муса бутюн Исраильни чагъырып оларгъа бойле деди:

— Исраиль, мен бугунь сизге айтаджакъ низамнамелер ве къарапларны динъленъиз, огенинъиз ве оларны гъайретнен тутунъыз. <sup>2</sup> Алламыз олгъан РАББИ Хорев еринде бизлерге васиет берди. <sup>3</sup> РАББИ бу васиетни деделеримизге дегиль, бизлерге, бугунь сагъ олгъанларгъа

берди. <sup>4</sup>РАББИ сизлернен дагъ янында юзьме-юзь атеш ичинден лаф этти. <sup>5</sup>Мен исе РАББИнинъ айткъанларыны сизге еткизмек ичюн, РАББИнен сизинъ араньызыда турмакъта эдим, чонки сизлер атештен къоркъып, дагъгъа котерильмеген эдинъиз. РАББИ о заман бойле деди: <sup>6</sup>«Мен — Алланъ олгъан РАББИ. Мен сени Мысыр топрагъындан, къуллукъ эвинден чыкъардым. <sup>7</sup>Менден гъайры сенде башкъа аллалар олмасын. <sup>8</sup>Озюнъе ич бир шекильге: тёпедеки кокте, ашагъыдаки ерде ве ер тюбюндеки сувда олгъанларның шекилине ошагъан путны япма. <sup>9</sup>Оларгъа табынма ве хызмет этме, чонки Мен — Алланъ олгъан РАББИ, куньджю Алладырым. Эгер насылдыр бир адам Мени ред этип, гуна къазанса, Мен онынъ балаларыны, торунларыны ве торунларынынъ оғъулларыны джезалайджагъым. <sup>10</sup>Ким исе Мени севсе ве эмирлеримни тутса, Мен онынъ эвлятларының биньинджи несилине къадар биле садыкъ къаладжагъым.

<sup>11</sup>Алланъ олгъан РАББИнинъ адыны нафиле айтма, чонки РАББИ Онынъ адыны нафиле айткъан адамны къабаатсыз къалдырмайджакъ.

<sup>12</sup>Раатлыкъ куню сен ичюн мукъаддес олсун. Алланъ олгъан РАББИ эмир эткени киби, оны тут. <sup>13</sup>Алты кунь чалыш ве эр бир тюрлю ишлеринъни яп. <sup>14</sup>Единдже куню исе — Алланъ олгъан РАББИге ибадет этмек ичюн раатлыкъ куню. Бу куню бир тюрлю иш этменъиз: не сен, не оғълунъ, не къызынъ, не къулунъ, не хызметчи къызынъ, не оғюозинъ, не эшегинъ, не де бир тюрлю туварынъ, не сизде ят халкълардан олгъан адам, чонки сен киби къулунъ да, хызметчи апайынъ да раатлансынлар. <sup>15</sup>Мысыр топрагъында сен де къул олгъанынъны акъылынъда тут.

Лякин Алланъ олгъан РАББИ сени андан буюк къудретини ве къуветини косътерип алып чыкъты. Онынъ ичюн Алланъ олгъан РАББИ сизге раатлыкъ кунюни тутмагъя эмир этти.

<sup>16</sup> Алланъ олгъан РАББИ эмир эткени киби, ана-бабанъны урмет эт. Сонъ яшайышынъ узакъ оладжакъ, ве Алланъ олгъан РАББИ санъа береджек топракъта эр ишинъ онъундан келеджек.

<sup>17</sup> Адамнынъ джаныны алма.

<sup>18</sup> Аиле садыкълыгъыны бозма.

<sup>19</sup> Хырсызлама.

<sup>20</sup> Башкъа адамгъа къаршы ялан шаатлыкъ этме.

<sup>21</sup> Башкъасынынъ апайыны арзу этме, онынъ не эвини, не тарласыны, не къулуны, не хызметчи апайыны, не огюзини, не эшегини, не де бутон мал-мулькюни истеме».

### Халкъынынъ къоркъу ве ваделери

<sup>22</sup> Бу сёзлерни РАББИ бутон джемаатынызгъа дагъ устюнде, атеш, булут ве къаранлыкъ ичинден кучълю сеснен айтты. Башкъа бир шей айтмайып, оларны эки таш левасында язып манъа берди.

<sup>23</sup> Сиз, къаранлыкъ ичинден кельген сесни эшиткенинъизнен, дагъ атешнен янгъанынен, эписи къабиле башлыкъларынъыз ве акъсакъалларынъыз яныма кельдилер

<sup>24</sup> ве бойле айттылар: «Мына Алламыз олгъан РАББИ бизге Озюонинъ шуретини ве уулыгъыны косътерди. Атеш ичинден сесини де эшиттик. Бугунь биз буны корьдик: Алла адамнен лаф этип ола, ве о адам сагъ къала.

<sup>25</sup> Я энди биз не ичюн ольмек керекмиз? Буюк атеш бизни якъып ташлар! Эгер биз Алламыз олгъан РАББИнинъ

сесини эшитсең, оледжекмиз. <sup>26</sup>Чюнки, бизден гъайры, атеш ичинден лаф эткен Тири Алланынъ сесини эшитип де сагъ къалгъан джан бармы? <sup>27</sup>Сен озюнъ якъынлашып, Алламыз олгъан РАББИнинъ айткъанларыны динъле. Сонъ Алламыз олгъан РАББИнинъ санъа бутюн айткъанларыны бизге айтып бер. Биз исе эписини динълермиз ве шуны япармыз».

<sup>28</sup>Сиз мennen лаф этип айткъанларынызыны РАББИ эшитти ве манъа бойле деди: «Бу халкънынъ санъа айткъанларыны эшиттим. Оларнынъ бутюн айткъанлары яхшыдыр. <sup>29</sup>Ах, эгер олар керчектен де Менден къоркъып, омюргилля Меним эмирлеримни беджермеге джан-юректен истегейдилер! Оларгъа ве огъулларына эбедин яхши олур эди! <sup>30</sup>Бар да, оларгъа айт: “Чадырларынызыгъа къайтынъыз”. <sup>31</sup>Озюнъ исе мында Мennen къал. Мен санъа бутюн къанунны, низамнамелер ве къаарларны айтаджагъым. Сен шуны оларгъа огret. Мен оларгъа мульк оларакъ береджек топракъта онъа риает этсинлер».

<sup>32</sup>Сакъынынъыз, Алланызыз олгъан РАББИ эмир эткени киби, айны шу шейни япынъыз. Не онъгъа, не де согъа айланмайып, <sup>33</sup>Алланызыз олгъан РАББИ эмир эткен ёлундан юрюнъиз. Сонъ сиз сагъ олурсынъыз, ве ишлеринъиз яхши олып, мульк оларакъ аладжакъ топрагъынъызда чокъ яшарсынъыз.

## 6

### Буюк Эмир

<sup>1</sup>Мына къанун, низамнамелер ве къаарлар. Алланызыз олгъан РАББИ шуны сизге огretмеге буюрды.

Барып, топракънынъ саиплери олгъан сонъ, анда оны тутмакъ керексинъиз.

<sup>2</sup>Сонъ сен Алланъ олгъан РАББИден къоркъып, мен сизге буюргъан бутюн эмирлерни ве къаарарларны сакъларсынъ ве оларны огъулларынънен ве торунларынънен берабер тутарсынъ. О заман яшайышынъ узакъ олур. <sup>3</sup>Динъле, Исраиль, ве эписини акъылынъда сакълап тут! О заман, деделеринъизнинъ Алласы олгъан РАББИ сизге айткъаны киби, сютнен бал акъкъан топракъта сизге яхши олур ве сиз пек чокълашырынъыз.

<sup>4</sup>Динъле, Исраиль! РАББИ – Алламыздыр, РАББИ – Бирден-Бирдир! <sup>5</sup>Алланъ олгъан РАББИнъни бутюн юрегинънен, бутюн джанынънен, бутюн кучюнънен сев. <sup>6</sup>Мен санъа бугунь буюргъан бу сёзлер юрегинъде къалсынлар. <sup>7</sup>Оларны балаларынъа огret. Эвинъде отургъанда, ёл бою кеткенде, яткъанда-тургъанда олар акъкъында айт. <sup>8</sup>Унутмамакъ ичон, оларны къолунъа багъла ве козълеринъ арасында оларны ас. <sup>9</sup>Оларны эвинъинъ къапуларына ве араба къапуларынъа яз.

### Сакъындырув ве насиатлар

<sup>10-11</sup>Шу топракъта сен къурмагъан балабан ве яхши шеэрлер, сен толдурмагъан чешит мал-мулькке толу олгъан эвлер, сен къаядан кесмеген къюлар, сен сачмагъан юзюмликлер ве зейтюн тереклери бар. РАББИ бу топракъны Ибраим, Исхакъ ве Якъуп деделеринъизге бермеге ант эткен. Алланъ олгъан РАББИ сени бу топракъка алып кельгенинен ве сен анда тойгъандже ашагъанынен, <sup>12</sup>сакъын, РАББИни унутма. О, сени Мысыр топрагъындан, къуллукъ эвинден алып чыкъты. <sup>13</sup>Алланъ

олгъан РАББИден къоркъ, Онъа хызмет эт ве тек Онынъ адынен ант эт.<sup>14</sup> Башкъа аллаларнынъ, чевре-чединъизде олгъан халкъларнынъ аллаларынынъ пешинден кетме.<sup>15</sup> Чюнки аранъыздаки Алланъ олгъан РАББИ – куньджю Алладыр. Бакъ, Алланъ олгъан РАББИнинъ гъазабы санъа къаршы къызып, сени ер юзюнден ёкъ этмесин.<sup>16</sup> Масса еринде япъяннынъыз киби\*, Алланъыз олгъан РАББИни сынаманъыз.<sup>17</sup> Алланъыз олгъан РАББИ сизге буюргъан эмирлерни, шаатлыкъларны ве низамнамелерни къатты суретте тут.<sup>18-19</sup> РАББИнинъ огюнде догъру ве яхшы ишлер яп. Сонъ санъа яхшы олур, ве сен, РАББИ деделеринъе бермеге ант эткен гузель топракъкъа кирип, РАББИ айткъаны киби, эписи душманларынъны сенден къувалап, онынъ саиплеро олурсынъ.

<sup>20</sup> Эгер огълунъ бираздан сенден сораса: «Алламыз олгъан РАББИ сизге буюргъан шаатлыкълар, низамнамелер ве къаарлар недир?», <sup>21</sup> огълунъа бойле джевап къайтар: «Биз Мысыр мемлекетинде фыравуннынъ къуллары эдик, лякин РАББИ бизни буюк къудретинен Мысырдан алыш чыкъты.<sup>22</sup> РАББИ козюмизнинъ огюнде бельгилер косътерди ве буюк адтайип шейлер япты, Мысыргъа, фыравунгъа ве онынъ бутюн эвине белялар ёллады.<sup>23</sup> О бизни андан къуртарды, чюнки деделеримизге бермеге ант эткен топракъкъа бизни кетирмеге ве оны бизге бермеге истей эди.<sup>24</sup> Сонъ РАББИ бизге эписи бу къаарларны тутмагъа ве Ондан къоркъмагъа буюрды. Сонъ бизге омюорбilla яхшы олур ве, бугунъ олгъаны киби, биз сагъ къалырмыз.<sup>25</sup> Эгер биз Алламыз

---

\*<sup>6.16</sup> Чыкъыш 17.1-7.

олгъан РАББИнинъ огюнде, О, бизге буюргъаны киби, эписи бу къанунларны тутсақъ, бу бизге инсафлыкъ деп танылыр».

## 7

<sup>1</sup>Топракънынъ саиплери олмакъ ичюн, сиз анда кетеятасыз. Алланъ олгъан РАББИ сени анда кетиргенинен, ве сенинъ козюнъден чокъ сайылы миллетлерни: хитлиерни, гиргашлыларны, аморлыларны, ханаанлыларны, перизлиерни, хивлиерни ве евуслыларны — сенден кучълю ве чокъ сайылы олгъан еди миллетни къувалагъанынен, <sup>2</sup>Алланъ олгъан РАББИ оларны сенинъ къолунъба бергенинен ве сен оларгъа уджюм эткенинен, оларны айырып, бутюнлей ёкъ эт. Оларнен анълашма тизме ве мераметли олма. <sup>3</sup>Эвленип, оларнынъ сой-соплары олманъыз. Къызларынъызын огъулларына акъайгъа берменъиз, огъулларынъызгъа да къызларыны алманъыз. <sup>4</sup>Чюнки олар огъулларынъызын, башкъа аллаларгъа хызмет этмек ичюн, Менден узакълаштырылар. О заман РАББИнинъ гъазабы сизге къаршы къызар, ве О, сизни тез-тез ёкъ этер. <sup>5</sup>Оларгъа бойле япнызыз: къурбан чалгъан ерлерини йыкъынъыз, пут ташларыны парланъыз, Ашера путуна табынма диреклерини кесинъиз, путларыны да атешке якъынъыз.

### Алланынъ халкъы

<sup>6</sup>Чюнки сен — Алланъ олгъан РАББИнинъ азиз халкъысынъ. Алланъ олгъан РАББИ сени, Озюнинъ шахсий халкъы япмакъ ичюн, ер юзюндеки бутюн халкълардан сайлап алды. <sup>7</sup>РАББИ сизни севгени ве сайлагъанынъ

себеби — сизинъ эписи халкълардан чокъ сайылы олгъанынъыз ичюн дегиль. Аксине, сен эписи халкълардан аз сайылы эдинъ.<sup>8</sup>Лякин О, сени севгени ичюн ве О, деделеринъизге берген антыны туткъаны ичюн. Шунынъ ичюн де РАББИ сизни къудретинен къуллукъ эвинден, Мысыр падишасы олгъан фыравунның къолундан алып чыкъкъан ве сатын алгъан.<sup>9</sup>Бойлеликнен, буны билинъиз: Аллань олгъан РАББИ — керчек Алладыр. О — ишанчлы Алла. Эгер адам Алланы севсе ве эмирлерини тутса, Алла онынъ бинъинджи несилине къадар Озъ васиетини къорчалай ве садыкъ къала.<sup>10</sup>Эгер адам Алланы саймаса исе, О оны ачыкъ-айдын джезалай ве ёкъ эте. Алла беклемез, Оны саймагъан адамны О, тез джезалай-джакъ.<sup>11</sup>Бойлеликнен, мен бугунь санъа беджермек ичюн буюргъан эмирлерни, низамнамелерни ве къаарларны тут.

### **Итаатлыкъ ичюн багъышлавлар**

<sup>12</sup>Эгер сизлер бу къаарларны эшиткенинъизнен, оларны тузып, беджерсенъиз, Алланың олгъан РАББИ, деделеринъизге ант эткени киби, васиетни тутаджакъ ве садыкъ къаладжакъ,<sup>13</sup> сизни севеджек, сизге яхшылыкълар эйледжек ве чокъ сайылы япаджакъ. О сизге чокъ балалар багъышлайджакъ ве топракъны берекетли этеджек, сизге богъдай, яш шарап ве зейтюн яғыны береджек, тувар ве къой-эчкимерининъ сюрюлеринде дөгъгъанларыны да багъышлайджакъ. РАББИ шуны, деделеринъизге бермеге ант эткен топракъта япаджакъ.<sup>14</sup>РАББИ сизге эписи халкълардан зияде баҳтлы этеджек. Сизде не баласы олмагъан къадын, не де къысыр тувар олмаз.<sup>15</sup>РАББИ сизден эписи хасталыкъларны узакълаштырыр. Сиз

бильген дешетли Мысыр хасталықъларынынъ ич бирини ёлламаз. Лякин оларны сизни кореджек козълери олмагъан халкъларнынъ эписине ёллар. <sup>16</sup> Сен, Алланъ олгъан РАББИ сизге береджек эписи халкъларны ёкъ этеджексинъ. Козълеринъ аджымасын оларны. Оларнынъ алларына хызмет этме, чонки бу сен ичюн къапкъандыр. <sup>17</sup> Сен юрегинъде: «Бу миллетлер менден буюк. Мен оларнынъ мал-мулькюни насыл этип тутып аладжагъым?» — деп башласанъ, <sup>18</sup> олардан къоркъма, Алланъ олгъан РАББИ фыравунгъа ве бутюн Мысыргъа нелер япқынныны мытлакъа акъылынъда тут: <sup>19</sup> сен корыген буюк белляларны, бельгилер ве аджаип шейлерни, РАББИнинъ буюк къуветини ве къудретини. Буларны косътерип, Алланъ олгъан РАББИ сени андан чыкъарды. Алланъ олгъан РАББИ сен къоркъкан бутюн халкъларгъа да айны шу шейни япаджакъ. <sup>20</sup> Соң Алланъ олгъан РАББИ оларгъа ат чибинлерини ёллайджакъ, ве сенден сакъланып къалгъан сойлары да гъайып оладжакълар. <sup>21</sup> Олардан къоркъма, чонки Алланъ олгъан РАББИ, буюк ве къоркъунчлы Алла сеннендир. <sup>22</sup> Бу миллетлерни Алланъ олгъан РАББИ сенден яваш-яваш къувалар. Санъа оларны тез къырмагъа олмаз. Къырсанъ, кийик айванлар санъа къаршы пек чокъ олур. <sup>23</sup> Алланъ олгъан РАББИ оларны къолунъа берер. О, оларны пек теляшландырып олюмге кетирир. <sup>24</sup> О, оларнынъ падишаларыны къолунъа берер, ве сен коклер тюбюнде адларынынъ эсерини биле къалдырмазсынъ. Оларнынъ эписини ёкъ этерсинъ, сизге къаршы кимсе турып оламаз. <sup>25</sup> Аллаларынынъ путларыны атешке якъынъыз. Путларнынъ устюндеки кумюшни ве алтынны истеме, оны озюнъе алма. Алсанъ, о санъа

къапкъан олур. Алланъ олгъан РАББИ ичюн бу шей пистир.<sup>26</sup> Ич бир пис шейни эвинъе кирсетме. Олмаса, о олгъаны киби, сен де айырылып, бутюнлей ёкъ этиль-мелисинъ. Ондан мытлакъа джиренип четлеш, чонки о, айырылып, бутюнлей ёкъ этильмелидир.

## 8

### **Алланынъ халкъына бағышланаджакъ топракъ акъкъында**

<sup>1</sup>Мен бугунь сизге буюргъан бутюн къанунны гъайретнен тутунъыз. Соңь сиз сагъ-селямет яшап, чокълашырысынъыз ве баба-деделеринъизге бермеге РАББИ ант эткен топракъка барып, онынъ саиплери олурсынъыз. <sup>2</sup>Мына энди 40 йыл девамында Алланъ олгъан РАББИ сахра бою сизни алып бара эди. Бутюн бу ёлны акъылынъызда тутунъыз. О, сизни юваш юрекли этмек ичюн, сынамакъ ве юреклеринъизде олгъаныны, Онынъ эмирлерини сакълайджакъсызмы-ёкъмы бильмек ичюн, шу шейни япты. <sup>3</sup>РАББИ сизни юваш юрекли этти, ач-лыкънен къыйнады ве не сиз, не деделеринъиз бильген маннагъа тойдурга эди, чонки О, сизге косътермеге истеди ки, адамгъа сагъ олмакъ ичюн ялынъыз аш ашамакъ етерли дегиль, лякин онъя РАББИнинъ агъзындан чыкъкъан эр сөз керек. <sup>4</sup>Мына энди 40 йыл девамында урбаларапынъ ипранмай, аякъларынъ шишмей эди. <sup>5</sup>Юрэгинъизде тутунъыз: адам огълуны догъру ёлгъа къойгъаны киби, Алланъ олгъан РАББИ де сизни догъру ёлгъа къоя. <sup>6</sup>Бойлеликнен, Алланъ олгъан РАББИден къоркъып ве Онынъ ёлундан юрип, эмирлерини беджеринъиз.

<sup>7</sup>Чюнки Алланъ олгъан РАББИ сизни яхшы топракъ-  
къа алып бармакъта. Бу топракъта: вадийлерде ве дагъ-  
ларда, — деръялар, чокъракълар ве терен чешмелер бар,  
<sup>8</sup>богъдай, арпа, юзюм, инджир ве нар тереклери, зейтюн  
ягъты ве бал да бар. <sup>9</sup>Анда бол аш ашайджакъсынъ ве бир  
шайге мухтадж олмайджакъсынъ. Бу топракъта къаялар-  
да демир бар, дагълардан бакъыр тапып аладжакъсынъ.  
<sup>10</sup>Ашап-тойгъанда, Алланъ олгъан РАББИни алгышы-  
ла, чюнки О санъа шу яхшы топракъны берген.

### Алланы унутманъыз

<sup>11</sup>Сакъын, мен бугунь санъа берген къанунны, къаарар-  
ларны ве низамнамелерни тутмайып, Алланъ олгъан РАБ-  
БИни унутма. <sup>12</sup>Ашап-тойгъанынънен, яхшы эвлер къурып  
оларда яшагъанынънен, <sup>13</sup>туварлар ве къой-эчкilerинъ  
чокълашкъанынен, кумюш ве алтынларынъ чокъ олгъа-  
нынен, — сенинъ бутюн мал-мулькюнъ бол олгъанынен,  
<sup>14</sup>сакъын, юргинъ юксек олмасын, Алланъ олгъан РАБ-  
БИни унутма. О, сени къуллукъ эвинден, Мысыр топра-  
гъындан алып чыкъкъан, <sup>15</sup>зеэрли йыланларынен, чаянла-  
рынен ве сувсуз, къуру ерлеринен толу буюк ве къоркъунч-  
лы сахрадан сени алып кетирген, чакъмакъташ къаясындан  
сизге сув чыкъаргъан, <sup>16</sup>сени юваш юрекли этип сынамакъ  
ве сонъундан сизге яхшылыкъ япмакъ ичюн, сахрада санъа  
деделеринъиз бильмеген маннаны ашаткъан эди. <sup>17</sup>Сен  
иchinъиден: «Меним къуветим ве буюк къудретим бу бай-  
лыкъны манъа кетирди», — деме деп, <sup>18</sup>лякин Алланъ ол-  
гъан РАББИни акъылынъда тут деп, Алла шуны япкъан.  
Шу байлыхъны къазанмакъ ичюн РАББИ санъа къуд-  
рет бере, бойлеликнен, баба-деделеринъе антнен берген

vasietinи беджере. Бугунь О, оны беджерди. <sup>19</sup> Насыл да олса, сен Алланъ олгъан РАББИни унутып, башкъа аллаларнынъ пешинден кетсөнъ ве оларгъа табынып, хызмет этсөнъ, сизни шаат тутам: сиз мытлакъа гъайып оладжакъсынъыз. <sup>20</sup> Козълеринъиз огюнде РАББИ гъайып этеджек миллетлер киби, сиз де гъайып оладжакъсынъыз, чюнки сиз Алланызы олгъан РАББИни сесини эшитмединъиз.

## 9

### Озъ-озюнъизни алдатманъыз

<sup>1</sup>Динъле, Ибраиль! Шимди сен, сенден буюк ве кучьлю миллетлерни мулькюни алмакъ ичюн, Иорданынъ башкъа тарафына кечмектесинъ. Оларнынъ шеэрлери балабан, пекитильген диварлары коклерге тие. <sup>2</sup>Анда чокъ сайылы ве юксек бойлу халкъ, анакълылар яшай. Сен оларны билесинъ ве олар акъкъында эшиткен эдинъ: «Анакъынъ эвлятларына къаршы ким чыкъып олур?» <sup>3</sup>Бугунь исе буны биль: Алланъ олгъан РАББИ огюнъден кете. О — эписини якъып ёкъ эткен атештир. О, оларны сенинъ огюнъде ёкъ этеджек. О, оларны санъа бойсундыраджакъ. РАББИ санъа айткъаны киби, сен оларнынъ мулькюни тез-тез запт этеджексинъ ве озълериини ёкъ этеджексинъ.

<sup>4</sup>Алланъ олгъан РАББИ оларны огюнъден къувалагъан сонъ, юргинъде бойле айтма: «Мен пек инсафлыдырым. Шунынъ ичюн де РАББИ мени, бу топракъынъ саibi олмакъ ичюн, алыш кетирди». Лякин бу миллетлерни яманлыгъы ичюн РАББИ оларнынъ мулькюни запт

эте.<sup>5</sup> Сенинъ кетип, бу топракънынъ саibi олмакънынъ себеби сенинъ инсафлыгъынъ ве юргинънинъ догърулыгъы дегиль. Шу миллетлернинъ яманлыгъы ичюн Алланъ олгъан РАББИ оларны огюнъден къувалай. Чюнки Онынъ, баба-деделеринъизге, — Ибраим, Исхакъ ве Якъупкъа берген антыны беджермеге ниети бар.

### **Эвельки гуналарынъызынъ акъылда тутунъыз**

<sup>6</sup>Шунынъ ичюн, буны биль: сенинъ догъру яшайышынъ ичюн дегиль Алланъ олгъан РАББИ санъа бу яхши топракънынъ саibi олмагъа разылыкъ бере. Сен — энъсеси къаткъан бир халкъсынъ.<sup>7</sup> Сахрада Алланъ олгъан РАББИни не къадар чокъ ачувландыргъанынъны унутма, шуны акъылынъда тут. Мысыр топрагъындан чыкъкъан куньден башлап бу ерге кельгендже сиз РАББИге къаршы чыкъа эдинъиз.<sup>8</sup> Хоревде сиз РАББИни ойле ачувландырдынъыз ки, О, сизге гъазапланып сизни ёкъ этмеге якъын эди.<sup>9</sup> Мен дагъгъа чыкъып, анда таш леваларыны, РАББИ сизге береджек васиет леваларыны аладжакъ эдим. 40 кунъ ве 40 гедже мен дагъда эдим, аш ашамай, сув ичмей эдим.<sup>10</sup> РАББИ манъа эки таш левасыны берди. Устьлеринде Алланынъ къолунен сёзлер язылгъан эди. РАББИ эписи бу сёзлерни, сиз дагъ янында топлашкъан куню, атеш ичинден айткъан эди.<sup>11</sup> 40 кунъ ве 40 гедже кечкен сонъ, РАББИ манъа эки таш левасы, васиет левасыны берди.

<sup>12</sup>Сонъ РАББИ манъа бойле деди: «Тур, тез-тез мындан тюш, чюнки сен Мысырдан алып чыкъкъан халкъынъ бозулды. Мен оларгъа буюргъан ёлдан тезден четке чыкътылар, озылерине маден иритип путны ясадылар».

<sup>13</sup> Даа РАББИ бойле деди: «Бакъам-корем, бу халкъ — энъсеси къаткъан бир халкътыр. <sup>14</sup> Кет огюмден. Мен оларны ёкъ этерим, коклер тюбюнде адынынъ эсирини биле къалдырмайджагъым. Сенден исе олардан кучьлю ве чокъ сайылы миллетни асыл этерим».

<sup>15</sup> Мен айланып, дагъдан тюшип башладым. Дагъ исе атешнен янмақъта эди. Эки къолумда васиет левалары бар эди. <sup>16</sup> Сиз, иритильген маденден бузавны япып, Алланъыз олгъан РАББИге къаршы гуна къазангъанынъызы корьдим. РАББИ сизге буюргъан ёлдан тезден четке чыкъкъансыз. <sup>17</sup> Бу таш леваларыны алыш, ерге аттым ве козълеринъизнинъ огюнде сындырдым. <sup>18</sup> Соң мен кетип, РАББИнинъ огюнде ерге йыкъылдым. Эвельдеки киби, 40 кунь ве 40 гедже аш ашамай, сув ичмей эдим, чонки сиз буюк гуналарны къазангъан, бу яманлыкъны Онынъ огюнде япып, Оны пек ачувландыргъан эдинъиз. <sup>19</sup> Мен РАББИнинъ ачувиандан ве афакъанындан пек къоркътым, О, сизлерни ёкъ этеджек ола эди. Бу сефер де РАББИ мени динъледи. <sup>20</sup> РАББИ Харунгъя да пек гъазапланды, оны ёкъ этмеге якъын эди. Лякин о вакъыт да мен Харун ичюн дуа эте эдим. <sup>21</sup> Соң сиз япкъан гуналы шейинъиз олгъан бузавны атешке якътым, урып парчаладым ве тоз киби уфакъ олгъандже эздим, соң бу тоzны дагъдан акъкъан дерягъя аттым.

<sup>22</sup> Соң даа Тавера, Масса ве Киврот-Хаттава ерлериnde де РАББИни ачувландырдынъыз.

<sup>23</sup> Кадеш-Барнеадан РАББИ: «Барынъыз да, Мен сизге береджек топракънынъ саиплери олунъыз», — айтып сизни ёллагъан вакъытта, сиз кене Алланъыз олгъан

РАББИге къаршы чыкътынъыз, ишанмадынъыз Онъя, сёзюни тутмадынъыз.

<sup>24</sup> Мен сизни бильген куньден башлап сиз РАББИге къаршы чыкъа эдинъиз.

<sup>25</sup> РАББИнинъ огюнде ерге йыкъылып, 40 кунъ ве 40 гедже ерде ята эдим, чонки РАББИ сизни ёкъ этеджеги акъкъында айткъан эди. <sup>26</sup> РАББИге дуа этип, мен бойле дей эдим: «Эй, РАББИ-ТААЛЯ! Озюнъ халкъынъны, шахсий мулькюнъни ёкъ этме. Улулыгъынъда Сен оны сатын алдынъ, буюк къудретинъ оны Мысырдан алып чыкъты. <sup>27</sup> Ибраим, Исхакъ ве Якъуп къулларынъны унутма. Бу халкъынъ инатлыгъына, яманлыгъына ве гуналарына бакъма. <sup>28</sup> Екъса бизни алып чыкъкъан топракъта яшагъанлар бойле айтарлар: “РАББИ оларны сёз берген топрагъына кирсетип оламагъан. Шунынъ ичон оларны кореджек козю олмайып, сахрада ольдюрмек ичон, оларны алып чыкъкъандыр”. <sup>29</sup> Олар исе — Сенинъ халкъынъ, сенинъ къыйметли мулькюнъ. Сен оларны буюк къудретинънен ве кучюнънен алып чыкъкъансынъ».

## 10

<sup>1</sup> О вакъыт РАББИ манъа бойле деди: «Эки таш левасы кес. Олар биринджилерине ошасын. Сонъ Манъа дагъыга котериль. Даа агъачтан сандыкъ яп. <sup>2</sup> Левалар устюнде Мен, сен сыңдыргъан биринджи леваларда олгъан сёзлерни язаджагъым. Леваларны сандыкъа къой».

<sup>3</sup> Мен акация терегинден бир сандыкъ яптым ве биринджи олгъаны киби таш левалары кестим. Сонъ дагъыга котерилип башладым. Къолумда левалар бар эди.

<sup>4</sup> Левалар устюнде РАББИ, биринджи кере язгъяны киби, он эмирни язды ве манъя берди. Сиз дагъынъ янында топлашкъан куню РАББИ атеш ичинден шу он эмирни сизге айткъан эди. <sup>5</sup> Сонъ мен айланып дагъдан тюштим ве леваларны мен япкъан сандыкъкъа къойдым. РАББИ манъя эмир эткени киби, олар бугунь де андадыр.

### **Алла экинджи кере Озъ эмирлерини бере**

<sup>6</sup> Исраиллилер Беэрот Бене-Яакъандан Мосерагъа ёл алдылар. Анда Харун ольди ве дефн этильди. Онынъ ерине оғылу Элазар руханий олды. <sup>7</sup> Андан Гудгодагъа, Гудгодадан исе сув акъымлары олгъян Ётватагъа ёл алдылар. <sup>8</sup> О заман РАББИ Левий къабилесини айырды. Олар РАББИнинъ Васиети Сандыгъыны ташымакъ, РАББИнинъ оғюнде турып Онъя хызмет этмек ве Онынъ адындан хайыр дуасыны окъумакъ керек олажакъ эди. Бугунь де о, девам эте. <sup>9</sup> Онынъ ичюн левийлининъ агъя-къардашларынынъ арасында пайы ве мулькю ёкътыр. Алланъ олгъян РАББИ онъя айткъаны дайын, РАББИ Озю — онынъ мулькюдир.

<sup>10</sup> Мен, эвельдеки киби, дагъ устюнде 40 кунъ ве 40 гедже эдим. Бу сефер де РАББИ мени динъледи ве сизни ёкъ этмеге истемеди.

<sup>11</sup> РАББИ манъя бойле деди: «Бар да, халкъынъ оғюнде кетип, ёлгъа чыкъ. Мен баба-деделерине бермеге ант эткен топракъкъа барсынлар ве онынъ саиплери олсунлар».

### Раббининъ талаплары

<sup>12</sup> Демек, Исраиль, Алланъ олгъан РАББИ сенден нени истей? Алланъ олгъан РАББИден къоркъ, Онынъ эписи ёлларындан кет, сев Оны ве бутюн гонълюнънен ве бутюн джанынънен Алланъ олгъан РАББИге хызмет эт. <sup>13</sup> РАББИнинъ эмирлерини ве бугунь мен санъа буюргъан къаарарларны тут. Соң санъа яхши олур.

<sup>14</sup> Бакъ! Коклер ве коклернинъ коклери, ер юзю ве ер юзюнде олгъан эписи шейлер — Алланъ олгъан РАББИнинъдир. <sup>15</sup> Лякин РАББИ баба-деделеринъе ашыкъ олгъан, сизни севген ве эписи халкълардан сизни, оларнынъ эвлятларыны сайлап алгъан эди. Бугунь де ойледир.

<sup>16</sup> Бойлеликнен, юреклеринъизни сюннет этинъиз де, энъсеси къаткъан адамлар олманъыз. <sup>17</sup> Чюнки Алланъыз олгъан РАББИ — аллаларнынъ Алласы, раббилиернинъ РАББИсидир, улу, къудретли ве къоркъунчлы Алладыр! О адамларнынъ бетине бакъмай, къапарлар алмай. <sup>18</sup> О, оксюзлернинъ ве тул къадынларнынъ даваларыны адалетли суд эте, ят халкълардан олгъанларны севе ве оларгъа питенен урба бере. <sup>19</sup> Аранъызда яшагъан ят халкъларындан олгъан адамларны севинъиз, чюнки Мысыр топрагъында озылеринъиз де ят единъиз. <sup>20</sup> Алланъ олгъан РАББИден къоркъ, Онъа хызмет эт, япыш Онъа ве Онынъ Адынен ант эт. <sup>21</sup> Макъта Оны! О — сенинъ Алланъ. Сен козълеринънен корыген эписи къудретли ве къоркъунчлы ишлерни япкъан — Алладыр! <sup>22</sup> Баба-деделеринъ Мысыргъа 70 джан олып кельген эди. Шимди исе Алланъ олгъан РАББИ сени кок йылдызлары киби чокъ сайылы япкъандыр!

## 11

### **Алланынъ уулыгъыны акъылда тутунъыз**

<sup>1</sup>Бойлеликнен, Алланъ олгъан РАББИни сев ве омюорбилля О буюргъан низамнамелерни, къаарарларны ве эмирлерни тут. <sup>2</sup>Унутманъыз бугунъ: Алланъыз олгъан РАББИнинъ джезаларыны, Онынъ уулыгъыны, буюк къудретини ве кучь-къуветини бильмеген ве корьмеген огъулларынъызнен лаф этмейим. <sup>3</sup>Олар Алланынъ бельгилерини ве Мысыр падишасы олгъан фыравуннен ве бутюн онынъ топрагъынен Онынъ япкъанларыны корьмелир. <sup>4</sup>Пешинъизден къувалагъан Мысыр ордусыны атларынен ве дженк арабаларынен берабер Къызыл денъизде богъып ольдюргенини де корьмелир. РАББИ бугуньгедже оларны гъайып алында къалдырыды. <sup>5</sup>Бу ерге кельгенинъиздже, сахрада сизге Алла нелер япкъаныны да корьмелир. <sup>6</sup>Рубеннинъ къабилесинден олгъан Элиавнынъ огъуллары Датан ве Авирамнен нелер япкъаныны да олар корьмелир. О заман эписи исраиллиернинъ козълери огюнде ер ярылды да, оларнынъ къоранталарыны, чадырларыны ве бутюн мали-мулькюни ютты. <sup>7</sup>Сиз исе РАББИнинъ япкъан бутюн бу улу ишлерини озъ козълеринъызнен корьдинъиз.

### **Алланынъ эмирлерини беджермеге кереклиги**

<sup>8</sup>Бойлеликнен, мен бугунъ сизге буюргъан бутюн къанунны тутунъыз. Сонъ сиз къуветлешеджексинъиз ве барып, топракъынъ саиплери оладжакъсынъыз. Онынъ саиплери олмакъ ичюн, сиз озенни кечмектесинъиз. <sup>9</sup>Сонъ

сиз сютнен бал акъкъан бу топракъта чокъ вакъыт яшай-джакъсынъыз. Бу топракъны РАББИ баба-деделеринъизге ве оларнынъ эвлятларына бермеге ант эткен.<sup>10</sup> Топракънынъ саиплери олмакъ ичюн, сиз анда барагатасынъыз. Амма бу топракъ сиз чыкъкъан Мысыр топрагъы дайын дегиль. Анда урлукъны сачып, оны озы къолларынъызnen бостан киби сувара эдинъиз.<sup>11</sup> Лякин сиз мульк киби аладжакъ топракъта дагълар ве вадийлер бар. О — кок ягъмуринен суварылгъан топракътыр.<sup>12</sup> Аллань олгъан РАББИ бу топракъны эйбетлей. Йылнынъ башындан сонъунадже Аллань олгъан РАББИнинъ козълери андадыр.

<sup>13</sup> Эгер Мен бугунь сизге буюргъан къанунны динълесенъиз ве Алланъыз олгъан РАББИни севип, джан-юре-гинъизден онъа хызмет этсенъиз,<sup>14</sup> О, дей: «Мен топрагъынъызда вакъты-вакътына кузъ ве баарь ягъмурларыны ёлларым ве сиз ашлыкъны джыярсынъыз, яш шарапны ве зейтюн ягъыны япарсынъыз.<sup>15</sup> Туварларынъыз ичюн тарлаларынъызда отны берерим. Сиз де тойгъандже ашарсынъыз».<sup>16</sup> Сакъынынъыз, юреклеринъиз алданмасын ве сиз четке айланып, башкъя аллаларгъа хызмет этип табынманъыз.<sup>17</sup> Екъса, РАББИнинъ гъазабы сизге къаршы къайнар, ве О, кокни къапатып ягъмур берmez, топракъ да берекетини бермейип, РАББИ сизге береджек яхши топракъта гъайып олурсынъыз.<sup>18</sup> Бойлеликнен, бу сёзлеримни джан-юреклеринъизге къойып сакъланъыз. Бельги олсун деп, оларны къолларынъызгъа багъланъыз. Хатырлатма олсун деп, козълеринъиз арасында олсунлар.<sup>19</sup> Оларны огъулларынъызгъа огратинъиз. Эвинъизде олгъанда, ёлгъа чыкъкъанда, юкъламагъа яткъанда ве

уянып тургъанда олар акъкъында лаф эт.<sup>20</sup> Оларны эвиньнинъ первазларына ве араба къапуларынъ яз.<sup>21</sup> Сонъ РАББИ баба-деделеринъизге бермеге ант эткен топракъта сиз ве эвлятларынъыз, ернен кок тургъандже яшарсынъыз.<sup>22</sup> Чюнки эгер мен сизге буюргъан къанунны тутсанъыз, Алланъыз олгъан РАББИни севсенъиз, ёлларынен юрсенъиз ве Онъя япышсанъыз,<sup>23</sup> РАББИ эписи бу миллетлернинъ мулькюни козюнъиз оғюнде запт этеджек, сизлер де сизден буюк ве чокъ сайылы халкъларнынъ мулькюни аладжакъсынъыз.<sup>24</sup> Аягъынъыз басаджакъ эр ер сизинъ олур. Сахра ве Ливан, Фират дерьясы ве Акъ деньиз топрагъынъызынъ сынъырлары олурлар.<sup>25</sup> Кимсе сизге къаршы турып оламаз. Алланъыз олгъан РАББИ сизге айткъаны киби, сиз басаджакъ бутюн топракъны къоркъу ве дешет къаплайджакъ.

<sup>26</sup> Мына, мен бугунь сизинъ оғюнъизге бахыт ве къаргъышны къоям.<sup>27</sup> Эгер мен бугунь буюргъан Алланъыз олгъан РАББИнинъ эмирлерини динълесенъиз, сизге бахыт олур.<sup>28</sup> Эгер Алланъыз олгъан РАББИнинъ эмирлерини динълемесенъиз, мен сизге бугунь буюргъан ёлдан четке урулып, башкъа, сизге белли олмагъан аллаларнынъ пешинден кетсенъиз, сизге къаргъыш олур.

<sup>29</sup> Саип олмакъ ичюн, бу топракъкъа барайтасынъ. Алланъ олгъан РАББИ сени анда алыш кетиргенинен, бахтлы сёзлерни Геризим дагъынъ тёпесинде, къаргъышны исе Эвал дагъынъ тёпесинде айт.<sup>30</sup> Бу дагълар Иорданынъ башкъа тарафында, кунь баткъан тарафына кеткен ёлда, Аравада яшагъан ханаанлыларнынъ топрагъында, Гилгалнынъ къаршысында, Морэ орманы яныннададыр.<sup>31</sup> Топракънынъ сайплери олмакъ ичюн, сиз Иордан

озенини кечмектесинъиз. Алланың олгъан РАББИ оны сизге бере. Сиз оның саиплери оладжакъсынъиз ве анда ерлешип яшайджакъсынъиз.<sup>32</sup> Мен сизге бугунь буюргъан эписи низамнамелерни ве къаарларны мытлакъа тутунъиз.

## 12

### **Раббиге тек бир ерде ибадет этмек керек**

<sup>1</sup> Мына низамнамелер ве къаарлар. Баба-деделеринъизниң Алласы олгъан РАББИ санъа мульк оларакъ берген топракъта оларны мытлакъа тутунъиз. Топракъта бутюн омрюнъиз девамында оларны тутунъиз. <sup>2</sup> Сиз миллетлеринъ мулькюни запт эткенинъизнен, оларның озь аллаларына хызмет эткен ерлерини: юксек дагъарның ве байырларның устюндеки, эр пытакълы терек тюбюндеки ерлеринъ эписини мытлакъа ёкъ этинъиз. <sup>3</sup> Къурбан чалгъан ерлерини йыкъынъиз, пут ташларыны парланъиз, Ашера путуна табынма диреклерини атешке якъынъиз, аллаларының путларыны да кесинъиз. Шу ерден адларыны ёкъ этинъиз. <sup>4</sup> Олар ибадет эткенлери киби, сизлер Алланың олгъан РАББИге ибадет этменъиз. <sup>5</sup> Амма эписи къабилелеринъизден, анда Оның Намы олсун деп, Алланың олгъан РАББИ бир ерни сайлайджакъ. Анда Алланы къыдырынъиз ве анда барынъиз. <sup>6</sup> Анда къурбан этип, айванларны бутюнлей якъынъиз, башкъа къурбанларынъизны чалынъиз, махсулларынъиздан он пайда бир пайыны кетиринъиз, шахсий баҳышшарынъизны беринъиз, адакъларынъизны япнъиз, озь истегинъиз боюнчада баҳышшарынъизны,

туварлар ве къой-эчкимеринъизниң биринджи несилини кетириңиз.<sup>7</sup> Анда, Алланың олгъан РАББИнъизниң оғюnde къоранталарынъызnen берабер ашаның ве Алланың олгъан РАББИнинъ сизге берген бахшышларына, озы къолларынъызnen осътурген бутюн махсулларынъызгъа шенълениңиз.

<sup>8</sup> Бугунь биз мында, кимге не дөгъру корюльгенини япамыз. О ерде исе мында япкъанымызды япмакъ керекмей. <sup>9</sup> Шимди биз раатлықъ ерине барып етмедин, Алланың олгъан РАББИ сизге береджек мулькни алмадыкъ. <sup>10</sup> Лякин Иорданның башкъа тарафына кечип, Алланың олгъан РАББИ сизге мульк этип берген топракъкъа ерлешеджексиз. О заман О, чевре-четинъиздеки душманларынъызгъа сени теляшландырмагъа ёл бермез, сиз хавфсыз яшайджакъсыз. <sup>11</sup> О заман Алланың олгъан РАББИ, Оның Намы анда олсун деп, бир ерни сайлайджакъ. Мен сизге буюраджакъ шейлерининъ эписини анда алыш кетириңиз: къурбан этип, айванларны бутюнлей якъынъыз, башкъа къурбанларынъызды чалынъыз, махсулларынъыздан он пайда бир пайыны ве шахсий бахшышларынъызны беринъиз ве адакъларынъызгъа коре РАББИге ваде эткенлеринъизни кетириңиз. <sup>12</sup> Алланың олгъан РАББИнинъ оғюnde сиз, оғыулларынъыз ве къызларынъызnen, къулларынъыз ве хызметчи апайларынъызnen берабер шенълениңиз. Араныңда яшагъан левийлилер де шенъленсинг, чюнки оларның шахсий топракъ мирасы ёкътыр. <sup>13</sup> Сакъын, сен истейджек эр ерде къурбан этип, айванларны бутюнлей якъма. <sup>14</sup> Ялынъыз тек къабилелеринъизниң арасында РАББИ сайлайджакъ бир ерде къурбан чалынъыз. Анда

къурбан этип, айванларны бутюнлей якъ ве мен сизге буюраджакъ шейлерниң эписини яп.

<sup>15</sup> Амма, Алланың олгъан РАББИнинъ берекет бергенине коре, джанынъ истеген вакъытта, эписи яшагъан ерлеринъизде, РАББИ сизге берген малны соймагъа ве этни ашамагъа мумкүнсінъиз. Оны әм әлялланмагъан, әм әлялланғъан адамлар әм ала кийикни, әм сыгъынны киби ашамакъ мумкүн. <sup>16</sup> Тек къаныны ашап-ичменъиз, оны сув киби ерге төкөнъиз. <sup>17</sup> Ашлыгъынъынъ, шарабынъынъ, зейтюн ягъынъынъ он пайда бир пайыны, туварларнынъ ве къой-әчкilerининъ бириндже несилини, эписи ваде эткен адакъларынъны, озь истегинънен берген баҳшышларынъны ве шахсий баҳшышларынъны яшагъан ерлеринъде ашамагъа олмаз. <sup>18</sup> Лякин бунынъ эписини Алланың олгъан РАББИ сайлайджакъ ерде, Онынъ оғонде аша. Оғылунъ ве къызынънен, къулунъ ве хызметчи апайынънен берабер аша. Араныңда яшагъан левийли де сеннен ашасын. Аллань олгъан РАББИнинъ оғонде къолларынъынен бутюн япылгъанына къуван. <sup>19</sup> Сакын, топрагъынъда яшагъан эписи куньлеринъде левийлидерни унутма.

<sup>20</sup> Аллань олгъан РАББИ, айткъаны киби, сынтырларынъны кенълештиргенинен, джанынъ эт ашамагъа истегенинен, сен: «Айды, эт ашайым», — десенъ, истегинъе коре этни аша. <sup>21</sup> Намым мында олсун деп, Аллань олгъан РАББИ сайлайджакъ ерден сен узакъ олсанъ биле, бу акъта да мен санъа эмир эткеним киби, РАББИ санъа берген туварлардан ве къой-әчкilerден айванларны алып сой да, яшагъан ерлеринъде истегинъе коре оларны аша. <sup>22</sup> Оларны ала кийик ве сыгъынны киби аша. Эм

эляллангъан адамлар, эм элялланмагъан адамлар оларны ашамакъ мумкюн.<sup>23</sup> Лякин сакъын-сакъын къаны ашап-ичме, чонки къан — джандыр. Джанны этнен бебарер ашама.<sup>24</sup> Оны ашап-ичмек олмаз. Сув киби ерге тёк оны.<sup>25</sup> Оны ашап-ичме. Соң санъа ве сенинъ эвлятларынъа яхши олур. Бойлеликнен, РАББИнинъ козюнде догъру шейни япаджакъсынъ.<sup>26</sup> Лякин азиз шейлеринъни ве ваде эткен адакъларынъны алыш, РАББИ сайлайджакъ ерге кетир.<sup>27</sup> Алланъ олгъан РАББИнинъ къурбан чалынгъан еринде къурбан этип, айванларны бутюнлей якъкъанды, этни ве къанынъ къурбан эт. Къурбанларынънынъ къаныны Алланъ олгъан РАББИнинъ къурбан ери янына тёк, этини исе аша.

<sup>28</sup> Мен санъа буюргъан эписи сёзлеримни динълеп тут. Соңъ, Алланъ олгъан РАББИнинъ козюнде яхшылыкъ ве догърулыкъ этсенъ, санъа ве сенинъ эвлятларынъа эбедиен яхши олур.

### Путларгъа ибадет этменъиз

<sup>29</sup> Миллетлернинъ мулькюни запт этмек ичюн, анда барайтасынъ. Алланъ олгъан РАББИ оларны огюнъизден ёкъ эткенинен, сен, оларнынъ мулькюни алыш, топракъларында ерлешеджексинъ.<sup>30</sup> Олар сенден ёкъ этильген соңъ, сакъын, оларнынъ пешинден кетип, олар тюшкен къапкъангъа тюшме. «Бу миллетлер аллаларына насыл ибадет эткенлер?<sup>31</sup> Мен де ойле япайым!» — деп аллаларыны къыдымра.<sup>31</sup> Алланъ олгъан РАББИге олар киби ибадет этме. Чонки олар аллаларына РАББИге пис олгъан ве кореджек козю олмагъан шейлерни япалар. Олар озъ аллалары ичюн огъулларыны ве

къызларыны атешкѣ якъалар.<sup>32</sup> Мен сизге бутюн эмир эткенимни тутып япынъыз. Онъа бир шейни къошма, бир шейини де четке ташлама.

## 13

<sup>1</sup> Эгер аранъызда пейгъамберлик япкъан я да тюшлерден келеджекни бильген адам пейда олса ве сизге бир бельги я да аджайип шей акъкъында айтып,<sup>2</sup> сизге белли олмагъан аллалар акъкъында: «Айдынъыз, башкъа алларнынъ пешинден кетип, оларгъа хызмет этейик», — десе, бу адам айткъан бельги я да аджайип шей ерине кетирильсе де,<sup>3</sup> шу пейгъамбернинъ я да тюшлерден келеджекни бильген шу адамнынъ айткъанларыны динълеменъиз. Алланъыз олгъан РАББИ, сиз Онъа бутюн джанынъызnen ве бутюн юргинъизнен севгенининъизни бильмек ичюн, сизлерни сынай.<sup>4</sup> Алланъыз олгъан РАББИнинъ пешинден кетинъиз, Ондан къоркъунъыз, Онынъ эмирлерини беджеринъиз, Онынъ сесини динъленъиз, Онъа хызмет этинъиз ве Онъа садыкъ олунъыз.<sup>5</sup> О пейгъамберни я да тюш тарифлеген адамны исе ольдюрмек керек. Алланъыз олгъан РАББИ сизни Мысыр топрагъындан чыкъарып, къуллукъ эвинден сатын алгъан. Шу адам исе сизни Алланъ олгъан РАББИден вазгечтиремеге ве О, буюргъан ёлдан урмагъа истеди. Ёкъ этинъиз аранъыздан бу яманлыкъыны.

<sup>6</sup> Эгер ананъынъ огълу олгъан агъанъ, сенинъ огълунъ, къызынъ, севимли апайынъ, я да джанынъ киби якъын олгъан доступнъ: «Айды, башкъа аллаларгъа хызмет этейик», — деп, сени гизли къандырса, санъа ве баба-делеринъе белли олмагъан аллаларгъа,<sup>7</sup> чевре-четинъде

яшагъан, ер юзюнинъ бир башындан сонъунадже, якъын ве узакъ олгъан халкъларнынъ аллаларына хызмет этмеге чагъырса,<sup>8</sup> онен разы олма, динълеме биле оны. Козюнъ оны аджымасын. Мерамет этме онъа, оны къорчалама.<sup>9</sup> Лякин мытлакъ ольдюр оны. Оны ольдюрмек ичюн къолунъны биринджи олып котер, сонъ да бутюн халкъ къолуны котерсин.<sup>10</sup> Оны ташнен урып ольдюр, чюнки о сени Алланъдан, сени Мысыр топрагъындан, къуллукъ эвинден алыш чыкъкъан РАББИден вазгечтиргеме тырышкъан эди.<sup>11</sup> Бутюн Исраиль буны эшитип къоркъар ве илериде аранъызда бойле яманлыкъ япмаз.

<sup>12</sup> Эгер сен, Алланъ олгъан РАББИ санъа яшамакъ ичюн береджек шеэрлернинъ биринде<sup>13</sup> аранъызда бош, ярамаз адамлар пейда олгъан ве шеэрде яшагъанларны ёлдан урып, сизге белли олмагъан аллалар акъкъында: «Айдынъыз, башкъа аллаларгъа хызмет этейик», — дегенлерини эшитсень,<sup>14</sup> бу шейни яхши этип тешкер, бакъ ве сора. Эгер бу пис шей аранъызда акъикъатен пейда олгъан олса,<sup>15</sup> о шеэрде яшагъанларны мытлакъа къылышнен урып ольдюр. Оларны айырып, бутюнлей ёкъ эт. Шеэрде олгъан эписини де ёкъ эт, туварларыны да къылышнен урып ольдюр.<sup>16</sup> Бутюн запт этильген мал-мулькюни исе мейданнынъ ортасына джыйдай да, шеэрни ве бутюн гъаниметини толусынен Алланъ олгъан РАББИ ичюн атешнен якъ. О эбедиен виране олсун, оны ич бир заман янъыдан къурмасынлар.<sup>17</sup> Айырылып, бутюнлей ёкъ этиледжек шейлерден ич бирини алма. Сонъ РАББИнинъ гъазабы тынчланыр, ве О, санъа мерамет косьтерип, сени аджыр ве баба-деделеринъе ант эткени киби, сени чокълаштырыр.<sup>18</sup> Шунынъ ичюн Алланъ олгъан

РАББИНИНЪ СЕСИНИ ДИНЪЛЕ, ОНЫНЪ МЕН САНЪА БУГУНЬ БЮОРГЪАН ЭМИРЛЕРИНИ ТУТ ВЕ Алланъ олгъан РАББИ-НИНЪ ОГҮНДЕ ДОГЪРУЛЫКЪ ЯПЫП ЯША.

## 14

### Яныгъыны бильдириов акъкъында

<sup>1</sup>Сиз — Алланъыз олгъан РАББИНИНЪ ОГҮУЛЛАРЫСЫНЬЫЗ. Тенинъизни кесменъиз, оюолер ичюн янып козьлеринъизни устюндөн сачларынъызын къыркъманъыз.  
<sup>2</sup>Чюнки Алланъ олгъан РАББИНИНЪ СЕН — АЗИЗ ХАЛКЫСЫНЪ. Ер юзюнде олгъан эписи халкълардан РАББИ СЕНИ ОЗЬ ШАХСИЙ ХАЛКЪЫ ЭТИП САЙЛАГЪАН.

### Аш акъкъында къануннаме

<sup>3</sup>Бир тюрлю пис шейни ашама. <sup>4</sup>Сизге ашамагъа мумкцион олгъан айванлар мына: бугъя, къой, эчки, <sup>5</sup>сыгъын, гъазель, ала кийик, кийик теке, антилоп, джейран, дагъ къою. <sup>6</sup>Түякълары болюнген, я да экиге айырылгъан ве кевшекни кевшеген айванларнынъ эписини ашанъыз. <sup>7</sup>Лякин кевшекни кевшеген ве түякълары экиге болюнген айванлардан мына буларны ашаманъыз: девени, тавшанны ве къая къоянны. Чюнки олар кевшеселер де, түякълары экиге болюнмеген. Олар сиз ичюн арамдыр. <sup>8</sup>Домуэны да ашаманъыз. Онынъ түякълары экиге болюнген, амма о кевшемей. Домуз сиз ичюн арамдыр. Бу айванларнынъ этини ашаманъыз, лешине де токъуманъыз.

<sup>9</sup>Сувда яшагъанларнынъ эписинден ялдавучларынен пуллары олгъанларнынъ эр тюрлю сойларыны ашанъыз.

<sup>10</sup>Пулларынен ялдауучлары олмагъан сойларыны исе ашаманъыз — олар сиз ичюн арамдыр.

<sup>11</sup>Эр бир элял къушны ашанъыз. <sup>12</sup>Лякин буларны сизге ашамагъа мумкүн дегиль: къарталны, акъабаны, денъиз къарталыны, <sup>13</sup>чайлакъны, шайнни, санкъурны ве онынъ ич бир союны, <sup>14</sup>къузгъунны ве онынъ ич бир союны, <sup>15</sup>деве къушуны, миявкъушыны, чагъаланы, къыргъыйны ве онынъ ич бир союны, <sup>16</sup>пугъуны, аджибабаны, акъ байкъушны, <sup>17</sup>къашыкъ къушны, леш къарталыны, бакъланы, <sup>18</sup>лейлекни, балыкъ чильни ве онынъ ич бир союны, опепопны ве яркъанатны.

<sup>19</sup>Учкъан боджеклеринъ эписи сиз ичюн арамдыр, оларны ашаманъыз. <sup>20</sup>Эр бир элял къушны ашанъыз.

<sup>21</sup>Ич бир тюрлю ольген шейни ашаманъыз. Сизинъ шеэрлеринъизде ят халкълардан олгъанларгъа беринъиз оны. О, оны ашасын. Я да бу ольген шейни сатынъыз онъа. Сиз исе — Алланъыз олгъан РАББИнинъ азиз халкъысынъыз.

Улақъыны анасынынъ сютюне пиширменъиз.

### Он пайда бир пай

<sup>22</sup>Тарладан эр йыл джыйгъан берекетинъден он пайда бир пайыны мытлакъа айыр <sup>23</sup>ве оны Алланъ олгъан РАББИнинъ огюнде, Намы олсун деп, сайлагъан ерде аша. Ашлыгъынъынъ, яш шарабынъынъ ве зейтюн ягъынъынъ он пайда бир пайыны, туварлар ве къой-эч-килеринъинъ биринджи несилини де, Алланъ олгъан РАББИден омюрбилля къоркъмагъа огремек ичюн, алыш аша. <sup>24</sup>Алланъыз олгъан РАББИ санъа чокъ берекет берген вакъытта, эгер сен Алланъ олгъан РАББИнинъ,

Намы анда олсун деп, сайлагъан еринден пек узакъ яшасанъ ве шунынъ эписини анда алып кетип оламасанъ,<sup>25</sup> шу шейлеринъни парагъа сат да, о паранен къолунъда Алланъ олгъан РАББИ сайлагъан ерге кель.<sup>26</sup> О парагъа эр тюрлю джанынъ истеген шейлерни: туварлар, къой-эчкiler, шарап ве ичкини, эм де башкъа эр тюрлю джанынъ сорагъан шейлерни, — сатын ал ве анда Алланъ олгъан РАББИнинъ оғонде ашап, эвдекилеринънен бебар бер шенълен.

<sup>27</sup> Сиз яшагъан ерлеринъизде олгъан левийлилерни де унутманъыз, чонки оларнынъ, сенинъ киби, мал-мулькюнинъ пайы ёкътыр.<sup>28</sup> Эр учь йыл кечкенинен йылнынъ эписи берекетининъ он пайды бир пайыны айыр да, яшагъан ерлеринъе къой.<sup>29</sup> Соңъ, сенинъ киби пайлары ве мал-мулькю олмагъан левийлилер кельсинлер. Сизинъ ерлеринъизде ят халкълардан олгъанлар, оксюзлер, тул апайлар да келип, тойгъандже ашасынлар. Соңъ Алланъ олгъан РАББИ санъа эр бир туткъан ишинъде берекет берер.

## 15

### Единджи йыл

<sup>1</sup> Единджи йылнынъ сонъунда борджаларны сорама.

<sup>2</sup> Бу бойле олмакъ керек: башкъасына борджкъа берген эр бир адам борджуны сорамасын, оны башкъа адамдан я да семетдешинден сорамасын, чонки РАББИ ичюн борджны сорамамакъ илин этильгендир. <sup>3</sup> Ябанджыдан сора. Семетдешинънинъ борджуны исе сорама. <sup>4</sup> Лякин аранъызыда фукъаре олмамакъ керек, чонки Алланъ

олгъан РАББИ санъа шахсий мал-мульк киби береджек топракъта мытлакъа санъа буюк баҳыт береджек.<sup>5</sup> Ялынъыз Алланъ олгъан РАББИнинъ сесини дикъ-къатнен динъле, ве мен санъа бугунь буюргъан бу эписи эмирлерни гъайретнен беджер. <sup>6</sup>Чюнки Алланъ олгъан РАББИ айткъаны киби, санъа берекет береджек. Сен башкъа миллетлерге борджкъа береджексинъ, озюнъ исе борджкъа алмайджакъсынъ. Башкъа миллетлерге башлыкъ этеджексинъ, олар исе санъа башлыкъ этмейджек.

<sup>7</sup>Эгер Алланъ олгъан РАББИ санъа береджек топракъта, сен яшагъан ерлеринънинъ биринде семетдешлеринъден бири фукъаре олса, юрегинъни къаттырма, фукъаре семетдешинъден чевирильме. <sup>8</sup>Аксине, къолунъны ачып, мытлакъа онынъ эр бир мухтаджыны эда этмек ичон онъа борджкъа бер. <sup>9</sup>Сакъын, юрегинъде: «Единджи йыл, я да багъышлав йылы, якъынлаша», — деген ярамазлыкъ тюшюнме, фукъаре семетдешинъе мераметсизликнен бакъма, онъа ёкъ деме. Олмаса, о, санъа къаршы РАББИгэ агъланыр, ве башынъа гуна олур. <sup>10</sup>Мытлакъа бер онъа борджкъа, эм бергенинъде юрегинъ къызгъанмасын, чюнки шу ишинъ ичон Алланъ олгъан РАББИ санъа эписи япкъанларынъда ве къолунънынъ эписи ишлеринде берекет береджек. <sup>11</sup>Яшагъан топрагъынъдан фукъарелер ич бир вакъыт ёкъ олып кетмезлер. Онынъ ичон мен санъа эмир этем: топрагъынъдаки семетдешинъе, ёкъсулларгъа ве фукъарелерге мытлакъа къолунъны ач.

### **Къулларгъа оладжакъ мунасебет**

<sup>12</sup> Эгер семетдешлеринъден олгъан еудий акъай я да еудий апай санъа сатылсалар ве сен ичюн алты йыл хызмет этсeler, единджи йылында оларны азат эт. <sup>13</sup> Оны азат эткенде, бош къолнен оны йиберме. <sup>14</sup> Онъа бир пай къой-эчкимеринъден, анбарынъдан ве шарап чапчагъынъдан мытлакъа бер. Аллань олгъан РАББИ санъа бахыш оларакъ береджек шейлеринъден бер онъа бир пай. <sup>15</sup> Унутма: сен де Мысыр топрагъында къул олгъан эдинъ, ве Аллань олгъан РАББИ сени сатын алгъандыр. Шунынъ ичюн де бугунь мен санъа бу шейни эмир этем. <sup>16</sup> Эгер къулунъ сенде яхши олгъаны ве о сени ве эвинъни бегенгени себединде о, санъа: «Мен сенден кетмеге истемейим», — десе, <sup>17</sup> бир биз алып, онынъ къулагъыны бизнен тешип къапугъа мыхла. Сонъ о, эбедиен сенинъ къулунъ олур. Къул апайынъа да ойле яп. <sup>18</sup> Къулунъны азат этмеге санъа къыйын олмасын, чюнки о алты йыл девамында санъа ыргъатнынъ ишине коре эки къат чокъ чалышкъан. Сонъ Аллань олгъан РАББИ санъа эр туткъан ишинъде берекет береджек.

### **Айваннынъ биринджи догъгъан несили**

<sup>19</sup> Туварларынънынъ ве къой-эчкимеринъни бутюн биринджи догъгъан эрекк несилини Аллань олгъан РАББИге багъышла. Биринджи догъгъан бугъаларны чалыштыртма, биринджи догъгъан къой-эчкимерини де къыркъма. <sup>20</sup> Амма эр йыл къорантанънен берабер РАББИ сайлайджакъ ерде, Аллань олгъан РАББИ-нинъ огюнде оларны аша. <sup>21</sup> Лякин эгер о айванларнынъ

бир къусуры олса, о топал, кёр я да башкъа бир къусуры олса, оны Алланъ олгъан РАББИге къурбан чалма.<sup>22</sup> Оны яшагъан ерлеринъде аша. Кийик аланы я да сыгъынны киби, оны эм элялланмагъан, эм эляллангъан адамлар ашамакъ мумкцион.<sup>23</sup> Тек къаныны ашамагъа олмаз. Оны сув киби ерге тёк.

## 16

### Песах Байрамы

<sup>1</sup> Авив айыны унутмайып, Алланъ олгъан РАББИге Песах байрамыны яп, чонки Алланъ олгъан РАББИ сени геджесинен Мысырдан авив айында алып чыкъты.<sup>2</sup> Намы олсун деп, РАББИ сайлайджакъ ерде, туварларынъдан ве къой-эчкимеринъден Алланъ олгъан РАББИ-ге Песах къурбаныны чал.<sup>3</sup> Оны ашап, маянен пиширильген ич бир шейни ашама. Еди кунь оны маясыз пишкен отьmekнен, беля отьмегинен аша, чонки сен ашыкъып, Мысыр топрагъындан чыкъкъансынъ. Буны япып, сен омюрбия Мысырдан чыкъкъан кунюни акъылынъда тутаджакъсынъ.<sup>4</sup> Еди кунь девамында бутюн топрагъынъда мая олмасын. Биринджи куннинъ акъшам чалгъан къурбан этинъден сабагъадже бир шей къалмасын.<sup>5</sup> Алланъ олгъан РАББИ санъя яшамакъ ичон береджек эр бир ерлеринъде Песах къурбаныны соймагъа олмаз.<sup>6</sup> Ялынъыз, Намы олсун деп, Алланъ олгъан РАББИ сайлайджакъ ерде, акъшам вакътында, кунь баткъанда Песах къурбаныны сой. Айны шу вакъытта сен Мысырдан чыкъкъансынъ.<sup>7</sup> Оны Алланъ олгъан РАББИ сайлайджакъ ерде пишир ве аша. Айланыр куню исе эвинъе къайтмакъ

мумкюнсинъ. <sup>8</sup> Алты кунь маясыз пишкен пителерни аша. Единджи куню исе Алланъ олгъан РАББИ ичюн буюк топлашув олсун. Ич бир тюрлю иш этме.

### **Афталар Байрамы**

<sup>9</sup> Озюнъе еди афта сай. Пишкен ашлыкъны оракънен орып башлагъан вакътынъдан бу еди афтаны сай. <sup>10</sup> О заман Алланъ олгъан РАББИ ичюн Афталар Байрамыны яп. Алланъ олгъан РАББИ санъа насыл берекет берген олса, истегинъе коре бахшышларынъны кетир <sup>11</sup> ве Алланъ олгъан РАББИнинъ огюнде шенълен. Сен, огълунъ, къызынъ, хызметчи акъайларынъ ве апайларынъ, сизинъ ерлеринъизде яшагъан левийлилер, аранъызда ят халкълардан олгъанлар, оксюзлер ве тул апайлар, Намы олсун деп, Алланъ олгъан РАББИ сайлайджакъ ерде шенъленинъиз. <sup>12</sup> Мысырда къул олгъанынъны акъылынъда тут ве эписи бу низамнамелерни тут ве беджер.

### **Чалашлар Байрамы**

<sup>13</sup> Арманларынъдан ашлыкъ джыйылгъанынен ве юзюмликлеринъден шарап япылгъанынен, еди кунь девамында Чалашлар Байрамыны яп. <sup>14</sup> Байрамда шенъленинъиз: сен, огълунъ, къызынъ, хызметчи акъайларынъиз ве апайларынъиз, ве сизинъ ерлеринъизде олгъан левийлилер, ят халкълардан олгъанлар, оксюзлер ве тул апайлар. <sup>15</sup> Еди кунь девамында Алланъ олгъан РАББИ сайлайджакъ ерде РАББИге байрам эт. Чюнки Алланъ олгъан РАББИ бутюн япкъанларынъда ве эр туткъан ишлеринъде санъа берекет береджек. Сен керчектен де шенъленеджексинъ.

<sup>16</sup> Йылда учь кере эписи акъайларынъыз Алланъ олгъан РАББИ сайлайджакъ ерге, Онынъ огюоне кельмек кереклер: Маясыз Пишкен Пите Байрамында, Афталар Байрамында ве Чалашлар Байрамында. РАББИнинъ огюоне кимсе бош къолнен кельмесин. <sup>17</sup> Эписи, Алланъ олгъан РАББИ оларгъа берген берекетине коре бахшышларыны кетирип кельсиналер.

### Адалетли укюм

<sup>18</sup> Алланъ олгъан РАББИ санъа береджек эписи ерлеринъизде къабилелериныз ичюн къадыларны ве ре-берлерни къой. Олар халкъны адалетли суд этсинлер. <sup>19</sup> Суд эткенде, Къанунны бозмасынлар, адамлар арасында фаркъ этмесин ве бахшыш-къапарлар алмасынлар, чюнки бахшышлар икметли адамларнынъ козълерини кёр этелер ве инсафлы адамларнынъ сёзлерини ялангъа чевирелер. <sup>20</sup> Адалетни, ялынъыз адалетни къыдырыслар. Соң сен сагъ къаладжакъсынъ ве Алланъ олгъан РАББИ санъа береджек топракънынъ саibi олажакъсынъ.

<sup>21</sup> Озюнъе Алланъ олгъан РАББИ ичюн къурбан ерини къургъанынънен, янында Ашера путуна табынма диреги оларакъ ич бир терек сачма. <sup>22</sup> Пут ташларыны да озюнъе тиклеме. Алланъ олгъан РАББИнинъ оларны кореджек козю ёкъ.

## 17

<sup>1</sup> Алланъ олгъан РАББИге къусуры я да бир де бир эксиклиги олгъан бугъя я да къойны къурбан чалма, чюнки бу, Алланъ олгъан РАББИ ичюн писликтир.

<sup>2</sup>Эгер Алланъ олгъан РАББИ санъа береджек ерлеринъде акъай я да апай Онынъ козю огюнде яманлыкъ япса, бойле этип Алланъ олгъан РАББИнинъ Васиетини бозса <sup>3</sup>ве меним разылыгъыма къаршы башкъа аллаларгъа хызмет этип башласа ве оларгъа, кунешке, айгъя я да бутюн кок ордусына табынса, <sup>4</sup>ве сен бунынъ акъкъында эшитип хабердар олсанъ, оны яхшы этип къыздыр. Эгер бу акъикъатен керчек олса ве бу пислик Исраильде яптылгъан олса, <sup>5</sup>бу яманлыкъыны япкъан акъайны я да апайны шеэр араба къапулары янына кетир ве, о, акъаймы, апаймы, ташларнен урып ольдюр оны. <sup>6</sup>Эки я да учь шаатнынъ сёзюне коре бу адам ольдюрильмек керек. Бир шаатнынъ сёзюне коре ольдюрмеге олмаз. <sup>7</sup>Оны ольдюрмек ичюн, шаатлар биринджи ташлар атсын, сонъ бутюн халкъ ташларны атсынлар. Бойле этип, аранъыздаки яманлыкъыны ёкъ эт.

<sup>8</sup>Эгер бир де бир дава: адам ольдюрюви, тартышма, я да уджюм давасыны санъа чезмеге пек къыйын олса, ве шеэрлеринъизде меселе давалы къалса, бар да, Алланъ олгъан РАББИ сайлайджакъ ерге кет. <sup>9</sup>Левийли руханийларге ве о заман олгъан къадыгъа барып, олардан меселенинъ чезювини сора. Олар санъа меселе акъкъында укум чыкъараджакълар. <sup>10</sup>РАББИ сайлайджакъ ерде олар санъа насыл айтсалар, ойле де яп. Мытлакъа оларнынъ ограткенлерининъ эписини беджер. <sup>11</sup>Олар санъа ограткен къанунгъа ве берген къараргъа коре яп. Оларнынъ айткъанларындан не сагъгъя не солгъа айланма. <sup>12</sup>Ким терс этип, Алланъ олгъан РАББИнинъ огюнде хызмет эткен руханийни я да къадыны динълемесе, о адамны ольдюрмек керек.

Бойлеликнен, яманлыкъны Исраильден ёкъ эт. <sup>13</sup> Бутюн халкъ буны эшитип къоркъар ве илериде бойле терслик этmez.

### **Падишаны сайлав**

<sup>14</sup> Алланъ олгъан РАББИ санъа береджек топракъкъа кельгенинънен ве онынъ саibi олып, анда ерлешкенинънен: «Чевре-четимдеки миллетлерде олгъаны киби, мен де озюме падиша къояйым», — десенъ, <sup>15</sup> озюнъе падишалыкъкъа мытлакъа Алланъ олгъан РАББИ сайладжакъ адамны къой. Падишалыкъкъа семетдешлеринъден олгъан акъайны къой. Санъа семетдеш олмагъан ябанджыны падишалыкъкъа къоймагъа олмаз. <sup>16</sup> Ялынъыз о, озюне чокъча атларны алмасын, ве, чокъча атларны алмакъ ичюн, халкъны Мысыргъа къайтармасын. РАББИ: «Сизге анда кене къайтмагъа олмаз», — деди. <sup>17</sup> Чокъ апайларны да алмасын. Алса, юрегини бозар. Кумюшнен алтынны да озюне пек чокъ топламасын.

<sup>18</sup> Падишалыкъ этмек ичюн, тахткъа минген сонъ, о, озюне левийли руханийлерде олгъан китаптан бу Къанунны кочюрип алмакъ керек. <sup>19</sup> Бу Къанун падишада олсун. Падиша оны омюрбilla окъусын, Алласы олгъан РАББИден къоркъусун ве бу Къануннынъ эписи сёзлерини ве бу низамнамелерни тутсун ве оларны беджерсин. <sup>20</sup> Онынъ юрги семетдешлеринден юксек олмасын ве о бу эмирлеринден не сагъгъа, не согъя айланмасын. Сонъ чокъ куньлер девамында о ве эвлятлары Исраильде падишалыкъ этеджеклер.

## 18

### Руханийлернинъ пайы

<sup>1</sup> Левийли руханийлер, — бутюн Левийнинъ къабилеси, — башкъа исраиллиер аладжакъ топракънынъ пайыны киби бир пайны ве мал-мулькни алмайджакъ. Олар РАББИгэ атеште берильген къурбанларындан ве Онынъ мал-мулькюнден ашайджакълар. <sup>2</sup> Семетдешлерининъ арасында онынъ пайы олмасын. РАББИ оларгъа айткъаны киби, О, Озю — оларнынъ мал-мулькюдир. <sup>3</sup> Ким халкътан бугъаны я да къой-эчкини къурбан чалса, руханийлерге бир пай бермек керек; олар къурбаннынъ курегини, эки янагъыны ве къарныны берсингелер. <sup>4</sup> Оларгъа ашлыгъынънънъ биринджи берекетинден, яш шарабынъдан ве зейтюн ягъынъдан бир пайны, сюрюнъден биринджи къыркъыкан юнъден бир пайны да оларгъа бермек керексинъ. <sup>5</sup> Чюнки Алланъ олгъан РАББИ оларны эписи къабилелеринъден сайлап алгъан; олар ве эвлягълары омюрбилля турып, РАББИнинъ ады ичюн хызмет этсинлер.

<sup>6</sup> Эгер бир левийли, о, вакътындеж яшагъан къасабаларындан биринден, исраиллиер олгъан бутюн топрагъындан кетип, джан-юректен истеп, РАББИ сайлайджакъ ерге кельсе, <sup>7</sup> ве РАББИнинъ оғонде тургъан семетдешлери левийлиер киби, Алласы олгъан РАББИ ичюн хызмет этсе, <sup>8</sup> башкъаларынен берабер айны шу пайны ашамакъ керек. Бабасындан къалгъан мал-мулькюни сатып алынгъан акъчасына бакъмасынлар.

### **Мушрикълердинъ адетлерини огременъиз**

<sup>9</sup> Алланъ олгъан РАББИ санъа береджек топракъкъа киргенинънен, андаки миллетлер япкъан писликни япмагъа огреме. <sup>10</sup> Аранызыда къызыны я да огълуны атешке якъып къурбан чалгъан адамлар, фалджылар, аляметлерни бакъып келеджекни айткъанлар, ырымджылар, этнеджилер, <sup>11</sup> къаргъышлар айткъан, рухларнен лаф эткенлер, джинлерни чагъыргъанлар, ольген адамларнынъ рухларынен лаф эткенлер олмасын. <sup>12</sup> Чюнки буны япкъан эр ким РАББИнинъ огюнде пистир, ве бу писликлер ичюн Алланъ олгъан РАББИ оларны огюнъден къувалай. <sup>13</sup> Алланъыз олгъан РАББИнинъ огюнде къусурсыз ол.

### **Келеджек Пейгъамбер**

<sup>14</sup> Сен бу миллетлерни малыны запт этеджексинъ; олар аляметлерни тарифлегенлерни ве фал бакъкъанларны динълейлер, санъа исе Алланъ олгъан РАББИ бунъа разылыкъ бермеген. <sup>15</sup> Алланъ олгъан РАББИ сизинъ аранызыдан, агъа-къардашларынъыздан, манъа ошагъан бир пейгъамберни сизге асыл этеджек. Оны динъленъиз. <sup>16</sup> Чюнки сен Хорев еринде исраиллиер топлашкъан куню Алланъ олгъан РАББИден: «Бир даа Аллам олгъан РАББИнинъ сесини эшитмеге ве бу буюк атешни корьмеге истемейим. Ойле олмаса, олерим!» — деп сорадынъ. <sup>17</sup> РАББИ манъа о заман бойле деди: «Оларнынъ айткъанлары яхшыдыр. <sup>18</sup> Мен олар ичюн семетдешлерининъ арасындан санъа ошагъан пейгъамберни асыл этерим. Айтаджакъ сёзлерини Мен онъа береджегим. О, оларгъа айтаджакъларынъынъ эписи Меним эмирлериме коре оладжакъ.

<sup>19</sup> Бир де бир адам, Меним адымдан бу пейгъамбернен айтаджакъ сёзлеримни динълемесе, Мен Озюм о адамдан сорайджагъым. <sup>20</sup> Лякин эгер, Мен онъа буюрмайып, бир пейгъамбер, джесарети етип, Меним адымдан бир де бир шей айтса, я да башкъа аллаларнынъ адындан бир де бир шей айтса, шу пейгъамберни ольдюринъиз». <sup>21</sup> Сен: «О айткъаныны РАББИ дегеми, демегенми, насыл танып олурмыз?» — деп тюшюнмек мумкционсинъ. <sup>22</sup> Эгер пейгъамбер бир де бир шейни РАББИнинъ адындан айтып да, лафы догъру олмаса, я да ерине кельмесе, демек, бу сёзлерни РАББИ айтмагъан, ве бу пейгъамбер, джесарети етип, буны озюнден айткъан. Ондан асыл къоркъма.

## 19

### Сыгъынакъ шеэрлери акъкъында

<sup>1</sup> Аллань олгъан РАББИ топракъларыны санъа береджек миллетлерни ёкъ эткенинен, сен топракънынъ саibi олгъанынънен ве шеэрлеринде ве эвлеринде ерлешкенинънен, <sup>2</sup> Аллань олгъан РАББИ санъа мульк оларакъ береджек топракъта учь шеэр айыр. <sup>3</sup> Анда ёл яса ве Аллань олгъан РАББИ санъа мульк оларакъ береджек бутюн топракъны учь къысымгъа боль. Башкъа адамны ольдюрген эр кимнинъ анда къачмагъа чареси олур. <sup>4</sup> Ким-де-ким башкъа адамгъа эвеллери душман олмайып, оны тесадюфен ольдюрсе, бойле къатиль анда къачмакъ ве сагъ къалмакъ мумкцион. <sup>5</sup> Меселя, бир адам биревнен ормангъа одун кесмеге кете. Анда терекни кесмек ичюн балтасыны саллагъанда, балта тюйтесинден тюшип башкъа адамны ура, ве о оле. Ойле адам о шеэрлернинъ бирине къачып

сақъланмакъ мумкюн. <sup>6</sup>Олмаса, акътыманны аладжақъ адам къызгъан алда къатильнинъ пешинден айдап артына етер ве, ёл узакъ олса, ольдюрир оны. Амма о адам олюм джезасына ляйыкъ дегиль, чонки о, онъа не тюневин, не обирскунъ душман дегиль эди. <sup>7</sup>Шунынъ ичюн Мен санъа учь шеэрни айырмагъа буюрам.

<sup>8</sup>Баба-деделеринъе ант эткени киби, Алланъ олгъан РАББИ сынъырларынъны кенълештирип ве баба-деделеринъе береджегини айткъаны киби, бутюн топракъны сизге бергенинен, <sup>9</sup>эгер сен мен санъа бугунь буюргъан эписи бу эмирлерни гъайретнен беджерсенъ, Алланъ олгъан РАББИни севсөнъ ве омюрилля Онынъ ёлла-рындан юрсенъ, о учь шеэрге даа учь шеэрни къош. <sup>10</sup>Алланъ олгъан РАББИ санъа мулык оларакъ береджек топракъта къабаатсыз адамнынъ къаны тёкюльмесин; къан гунасы устюнъде олмасын.

<sup>11</sup>Лякин, эгер бирев башкъа адамгъа душман олып, оны гизлиден беклесе ве, онъа къаршы чыкъып оны урып ольдюрген сонъ, о шеэрлернинъ бирине къачып кетсе, <sup>12</sup>къатильнинъ шеэринден акъсакъаллар, оны андан алмакъ ичюн, адамларны ёлласынлар да, оны къан акътыманыны аладжақъ адамнынъ къолуна берсинглер. О, ольсюн. <sup>13</sup>Онъа мераметнен бакъманызыз. Къабаатсыз адамнынъ къаныны Исраильден юв. Сонъ санъа яхшы олур.

### Сынъырлар

<sup>14</sup>Алланъ олгъан РАББИ санъа мулык оларакъ береджек топракъта, санъа тиеджек топракънынъ пайында деделер къойгъан, башкъа адамнынъ пайынынъ сынъырларыны къыбырдатма.

## Шаатлар

<sup>15</sup> Башкъасыны насылдыр акъсызлыкъта я да гунада къабаатламакъ ичюн бир шаатнынъ сёзлери етерли дегиль. Эр бир ишни эки я да учь шаатнынъ сёзлерине коре чезмек керек. <sup>16</sup> Эгер яман шаат башкъасыны акъсызлыкъта къабаатлап, онъя къаршы чыкъса, <sup>17</sup> бу, давалары олгъан эки адам РАББИнинъ огюне, руханийлернинъ огюне ве о заманларда олгъан къадыларнынъ огюне турсунлар. <sup>18</sup> Къадылар о ишни яхшы бакъсынлар. Эгер о шаат яланджы олып, башкъа адамгъа ботен ялан шаатлыкъ эткен олса, <sup>19</sup> онъя, о башкъа адамгъа не япмагъа истегени озюне япылсын. Бойлеликнен, яманлыкъны араньыздан ёкъ этинъиз. <sup>20</sup> Къалгъанлары да эшитип, къоркъарлар, ве бу яманлыкъны илериде араньызда кимсе япмаз. <sup>21</sup> Онъя мераметнен бакъманъыз. Джан ичюн джан, козь ичюн козь, тиш ичюн тиш, къол ичюн къол, аякъ ичюн аякъ олсун.

## 20

### Дженк этюв къаиделери

<sup>1</sup> Сен душманларынъа къаршы дженк этмек ичюн чыкъып, онъинъ атлары, дженк арабалары ве ордусы сенинъкиден чокъ олгъаныны коръсень, олардан къоркъма, чюнки сени Мысыр топрагъындан чыкъаргъан Алланъ олгъан РАББИ сенненди. <sup>2</sup> Дженк мейданына чыкъкъанынъызда, руханий янынъа якъынлашсын, халкъка бойле айтсын: <sup>3</sup> «Динъле, Исраиль! Сиз бугунъ душманларынъызгъа къаршы дженк этмеге чыкъасынъыз.

Къоркъу юреклеринъизге кирмесин. Къоркъманъыз, теляшланманъыз, олар ичюн дешет тюбюне къалманъыз.<sup>4</sup> Чюнки Алланъыз олгъан РАББИ сизнен берабер барып, сиз ичюн душманларынъызnen дженк этип, сизни къурттармакъ ичюн кете». <sup>5</sup> Реберлер ордугъа бойле айтынлар: «Ким яны эв къурып, анда яшап башламагъан?<sup>6</sup> О адам эвине къайтсын. Ёкъса о барып, дженк мейданында элляк олур ве эвинде башкъасы яшар. <sup>6</sup> Ким юзомликин сачып, бир салкъымыны узьмеген?<sup>7</sup> О адам эвине къайтсын. Ёкъса о барып, дженк мейданында элляк олур ве башкъасы юзомлигинен файдаланыр. <sup>7</sup> Ким къызыны нишанлап, онъа эвленимеген?<sup>8</sup> О адам эвине къайтсын. Ёкъса о барып, дженк мейданында элляк олур ве онъа башкъасы эвленир». <sup>8</sup> Соң реберлер ордугъа бойле айтынлар: «Ким къоркъакъ ве тавшан юреклиди?

О адам эвине къайтсын. Ёкъса о, башкъаларыны да рухтан тюшюрир». <sup>9</sup> Буның эписини ордугъа айткъан соң, реберлер, ордугъа ёлбашчылыкъ этмек ичюн, башлықъларны къойсунлар.

<sup>10</sup> Бир де бир шеэрнен дженклешмек ичюн янына кельгенинен, анда яшагъанларны барышыкъыча чагъыр. <sup>11</sup> Эгер олар сеннен барышмагъа разы олсалар ве санъа шеэр къапуларыны ачсалар, бутюн ичиндеки халкъ сенинъ зорлукъ тюбюнде чалышкъан ишчилеринъ ве сенинъ хызметчилеринъ олсунлар. <sup>12</sup> Эгер олар сеннен барышмагъа разы олмасалар ве санъа къаршы дженк этселер, шеэрни алкъагъа ал. <sup>13</sup> Соң Алланъ олгъан РАББИ шеэрни къолунъа береджек, сен исе анда олгъан акъайларның эписини къылычнен урып ольдюр. <sup>14</sup> Лякин апайлары, балалары, туварлары, шеэрде олгъан эр шей, —

шеэрниң бутюн мал-мулькю сенинъ оладжакъ. Алланъ олгъан РАББИ къюлунъа береджек душманларынынъ гъаниметинен файдалан.<sup>15</sup> Бойле шейни сенден пек узакъ олгъан ве къомшу миллетлерге аит олмагъан шеэрлерниң эписине яп.<sup>16</sup> Амма Алланъ олгъан РАББИ санъа мульк оларакъ береджек бу халкъларнынъ шеэрлеринде бир джан сагъ къалдырыма.<sup>17</sup> Алланъ олгъан РАББИ санъа эмир эткени киби, сен оларнынъ эписини мытлакъа айырып, бутюнлей ёкъ этмеге меджбурсынъ: хитлиерни, аморлыларны, ханаанлыларны, перизлиерни, хивлиерни ве евуслыларны.<sup>18</sup> Ёкъса, олар озылерининъ аллалары ичюн эткен писликлерге сизлерни де огредиирлер, ве сиз Алланызы олгъан РАББИнинъ огюнде гуна къазанырсынъыз.

<sup>19</sup> Эгер сен бир де бир шеэрнен дженклешип, запт этmek ичюн оны чокъыт девамында алкъада тутып къалсанъ, емиш тереклерини балтанен кесме, чюнки оларнынъ емишлерини ашамакъ мумкюнсинъ. Кесме оларны, чюнки оларны алкъагъа алмагъа керекмей!<sup>20</sup> Лякин бир де бир терекнинъ ашамагъа ич бир шей бермегенини бильсенъ, шу терекни бозып кесмек мумкюнсинъ. Сеннен дженклешкен шеэр ىйкъылып тюшкендже, онъа къаршы шу тереклерден дженк алетлерини яп.

## 21

### Ачылмагъан ольдюрювлөр акъкъында

<sup>1</sup> Эгер Алланъ олгъан РАББИ санъа мульк оларакъ береджек топракъта чөльде яткъан ольдюрильген адам тапылып ве оны ким ольдюргени белли олмаса,

<sup>2</sup> акъсакъаллар ве къадылар чыкъып, ольдюрильген адамдан чевре-четинде олгъан шеэрлерине къадар ёлнынъ узунлыгъыны ольчесинлер. <sup>3</sup> Ольдюрильген адамгъа энъ якъын олгъан шеэрнинъ акъсакъаллары, ишлетильмеген ве боюндырыкъ такъмагъан бир тана алсынлар. <sup>4</sup> О тананы алып, ишленильмеген ве устюнде бир шей сачылмагъан, акъкъан суvu олгъан вадийге кетиросинлер. О вадийде олар тананынъ бойнуны сындырсынлар. <sup>5</sup> Сонъ руханийлер олгъан Левийнинъ огъуллары якъынлашсынлар, чюнки Аллань олгъан РАББИ оларны Озюне хызмет этмек, Онынъ адындан хайыр дуасыны окъумакъ ве эр бир тартышма ве уджюм давасыны чезмек ичюн сайлагъан. <sup>6</sup> Сонъ ольдюрильген адамгъа энъ якъын олгъан шеэрнинъ акъсакъаллары келип, вадийде бойну сындырылгъан тананынъ устюнден къолларыны ювсунлар <sup>7</sup> ве бойле айтсынлар: «Бу адамнынъ къаныны къолларымыз тёкмеди, козълеримиз де джинаетни корьмеди. <sup>8</sup> Я РАББИм, Сен Озъ халкъынъны, сатын алгъан Израильни гунадан арындыр, бу къабаатсыз ольдюрильген адамнынъ къаны ичюн Озъ халкъынъдан акъкъыны сорама». Сонъ олар къан гунасындан арынырлар. <sup>9</sup> Бойледже, сен озюнъни къабаатсыз къан гунасындан арындырырсынъ, чюнки РАББИнинъ козю огюнде сен догърулыкъ япмакъ керексинъ.

### Эсирге алынгъан апайлар акъкъында

<sup>10</sup> Душманларынънен дженклешмеге чыкъып, Аллань олгъан РАББИ оларны къолунъа бергенинен, оларны эсир этип алсанъ <sup>11</sup> ве эсир адамларнынъ арасында дюльбер апайнны корип, онъа севда олып эвленмеге истесенъ,

<sup>12</sup> оны эвинъе кетир. О, сачларыны тыраш этсин, тырна-  
къларыны кессин. <sup>13</sup> Соң эсир этильген вакътында ташы-  
гъан урбасыны устюндөн чыкъарып, бир ай девамында  
эвинъде булунып, анасы-бабасы артындан яныкълап  
агъласын. Бир ай кечкен соң, сен онъа кирип акъайы  
олмакъ мумкүнсінъ, о да апайынъ олур. <sup>14</sup> Ондан разы  
олмасанъ эгер, оны истеген ерине йибер. Лякин оны па-  
рагъа сатмагъа олмаз. Оны къул ерине коръме, чюнки  
сен артыкъ онынъ намусыны лекелединъ.

### **Биринджи догъгъан баланынъ мирасы**

<sup>15</sup> Бир акъайынъ эки апайы олып, о, бирини севсе,  
экинджисини исе кореджек козю олмаса, ве олар экиси  
де онъа оғъул тапсалар, эм де о, севмеген апайы бири-  
нджи олып оғъул тапса, <sup>16</sup> шу акъай мал-мульқони пай  
эткен күнүнде о, севмеген апайынъ биринджи догъ-  
гъан оғъулундан биринджилигини алып, севген апайы-  
нынъ оғъулунана бермеге олмаз. <sup>17</sup> Лякин севмеген апайы-  
нынъ оғъулунынъ биринджилигини тасдикълап, бутюн  
мульқонден пайны эки къат чокъ бермек керек, чюнки  
шу оғълу — акъай кучюнинъ биринджи догъгъан бала-  
сыдыр, биринджи догъгъан акъкъы онынъкидир.

### **Бозулгъан оғълан акъкъында**

<sup>18</sup> Эгер биревнинъ оғълу инат, итаатсыз олса ве ана-ба-  
басынынъ сёзюни динълемесе, олар оны догъру ёлгъа  
къойсалар да, о, къулакъ асмаса, <sup>19</sup> анасынен бабасы оны  
тутып, олар яшагъан шеэрнинъ къапуларына, акъсакъал-  
ларгъа кетирсинглер. <sup>20</sup> Акъсакъалларгъа бойле десинлер:  
«Мына бизим оғълумыз инат ве итаатсыз, сёзюмизни

динълемей, акъчаны савура ве иче». <sup>21</sup> О заман шеэр акъайларнынъ эписи оны ташнен урып ольдюрсинглер. Бойле этип, арантыздаки яманлыкъны ёкъ эт. Эписи исраиллилер буны эшитип, къоркъарлар.

### **Ахлякъ къанунлары**

<sup>22</sup> Эгер бирев олюм джезасына ляйыкъ джинает этсе, ве оны ольдюрип терекке ассанъыз, <sup>23</sup> онынъ джеседи тerekte геджелемесин. Мытлакъа оны о куню де дефн эт, чонки тerekte эр бир къалдырылгъан адам Алланынъ огюнде лянетлидир. Аллань олгъан РАББИ санъа мульк оларакъ береджек топракъны арамлама.

## **22**

<sup>1</sup> Семетдешинънинъ джоюлгъан бугъасыны я да къоюны коръсенъ, корымемезликке урма, мытлакъа оны о адамгъа къайтар. <sup>2</sup> Эгер семетдешинъ узакъ яшаса, я да сен айваннынъ саibi ким олгъаныны бильмесенъ, айванны эвинъе ал да, о адам оны къыдырып башламагъандже, сенде турып турсун. Соң айванны онъа къайтар. <sup>3</sup> Башкъа адамнынъ джоюлгъан эшеги, урбасы ве эр бир башкъа шейинен де ойле яп. Санъа корымемезликке урмакъ олмаз. <sup>4</sup> Эгер семетдешинънинъ бугъасы я да эшеги йыкъылгъаныны коръсенъ, корымемезликке урма, мытлакъа семетдешинъе оларны аякъка турсатмагъа ярдым эт.

<sup>5</sup> Апай акъай урба-алетини ташымасын, акъай да апай урбасыны киймесин, чонки буны япкъан эр ким Алланыз олгъан РАББИнинъ огюнде пистир.

<sup>6</sup> Эгер ёл бою кеткенинъде, тerekte я да ерде къуш ювасы расткельсе ве къуш балаларынен я да йымырталарынен

анасы да анда отурса, балаларынен я да йымырталарынен берабер анасыны алма.<sup>7</sup> Мытлакъя йибер анасыны, балаларыны исе озюнъе алмакъ мумкцион. Сонъ санъа яхши олур, куньлеринъ де чокъ оладжакъ.

<sup>8</sup> Янъы эв къургъанынен, таваннынъ чевре-четинде пармакълыкъ да яп. Ёкъса, бирев йыкъылып ольсе, къаны устюнъде олур.

<sup>9</sup> Юзюмлигинъни башкъя урлукъларнен берабер сачма, ёкъса сачкъан урлугъынънынъ махсулы юзюмликлернинъ салкъымларынен берабер арам олур.

<sup>10</sup> Бугъаны эшекнен берабер екип ер сюрме.

<sup>11</sup> Тюрлю шейлерден, юнъ ве кетенден тикильген урбаны бирден кийме.

<sup>12</sup> Кийген урбанънынъ дёрг тарафына пускюллөр яп.

### Къабааты олмагъан апайнынъ къорчаланмасы

<sup>13</sup> Эгер бир акъай озюне апай алыш, онен яткъанынен, оны кореджек козю олмаса <sup>14</sup> ве оны къабаатлап, адыны чыкъарса ве: «Мен онъа эвленим ве онен яткъанымда, о къызы олмагъаны ачылды», — десе, <sup>15</sup> къызынъ ана-бабасы къызыллыкъ аляметлерини алыш, шеэрнинъ араба къапуларында акъсакъалларгъа алыш косътерсингелер. <sup>16</sup> Бабасы акъсакъалларгъа бойле айтсын: «Мен къызыымны бу адамгъа акъайгъа бердим, онынъ исе къызыымны кореджек козю олмады. <sup>17</sup> Мына энди о, къызыымны къабаатлады: “Къызынъда къызыллыкъ намусы тапылмагъан”. Лякин къызыымнынъ къызыллыкъ аляметлери мына!» Сонъ урбаларыны акъсакъалларнынъ козю огюнде тёшесин. <sup>18</sup> О заман шеэр акъсакъаллары акъайыны алыш джезаласынлар. <sup>19</sup> Онъа юз кумюш одемесини юклесингелер, ве

о пара къызнынъ бабасына берильсин, чонки шу адам Исраиль къызынынъ адыны чыкъарды. Къыз исе онинъ апайы олып къалсын ве акъайынынъ ондан айырылмагъа омюрбىлля акъкъы олмаз.<sup>20</sup> Лякин эгер къабаатлав дөгъру олып, къызда къызлыкъ намусы тапылмаса,<sup>21</sup> шеэр акъайлары оны бабасынынъ эви янына кетирип, ташнен урып ольдюрсинар, чонки о, Исраильде юзъсюзлик япкъан: бабасынынъ эвинде яшап, ороспулыкъ эткен эди. Бойле этип яманлыкъны араньыздан ёкъ этинъиз.

<sup>22</sup> Эгер эвли апайнен яткъан акъай тапылса, экисини де ольдюрмек керек: эм апайнен яткъан акъайны, эм апайны. Бойле этип Исраильден яманлыкъны ёкъ этинъиз.

<sup>23</sup> Эгер бир къыз огълангъа нишанлы олып, башкъасы оны шеэрде расткетирип онен ятса,<sup>24</sup> экисини де шеэрнинъ араба къапуларына кетирип, ташнен урып ольдюринъиз. Къызны — шеэрде къычырмагъаны ичюн, огъланнны исе — башкъа адамнынъ апайынынъ намусына токъунгъаны ичюн. Бойле этип, араньыздаки яманлыкъны ёкъ этинъиз.

<sup>25</sup> Эгер бирев, нишанлы къызны чёльде расткетирип, оны зорлап, онен ятса, тек къызны зорлагъан акъайны ольдюрмек керек. <sup>26</sup> Къызгъа исе бир шей этменъиз, онынъ устюнде олюм джезасына ляйыкъ джинает ёкъ. Бу шей бир адам башкъасына къаршы турыйп оны ольдюргенине тенъ келе.<sup>27</sup> Чонки акъай къызны чёльде расткетирген, къыз къычырса да, оны къуртартмагъа кимсе тапылмагъан.

<sup>28</sup> Эгер бирев нишанлы олмагъан къызны расткетирип, оны зорлап, онен ятса, ве оларны тутсалар,<sup>29</sup> къызнен яткъан акъай къызнынъ бабасына 50 кумюш бермек керек,

къыз исе онъа акъайгъа чыкъмакъ керек, чюнки акъай онынъ намусына токъунды. Онынъ омюорбиялла о къыздан айырылмагъа акъкъы ёкъ.

<sup>30</sup> Бабасының апайынен ятмагъа ве бабасыны масхара этмеге кимсениң акъкъы ёкъ.

## 23

### Алланың халкъындан чыкъарымасы акъкъында

<sup>1</sup> Кимниң йымырталары эзильген я да чумийи кесильген олса, онъа РАББИнинъ джемиетине кирмеге олмаз.

<sup>2</sup> Пич балагъа РАББИнинъ джемиетине кирмеге олмаз. Онынъ онундженесилине биле РАББИнинъ джемиетине кирмеге олмаз.

<sup>3</sup> Аммонлыларгъа ве моавлыларгъа РАББИнинъ джемиетине кирмеге олмаз. Оларның онундженесилине биле ич бир вакъыт РАББИнинъ джемиетине кирмеге олмаз. <sup>4</sup>Чюнки сиз Мысырдан кеткенинъизде, олар сизни пите ве сувнен къаршыламагъанлар ве чюнки олар, сизни къаргъамакъ ичюн, Арам-Нахараим еринден, Петор шеэрinden олгъан Беорның оғылу Беламны парагъа туткъанлар. <sup>5</sup>Лякин Алланъ олгъан РАББИ Беламны динълемеге истемеген. Алланъ олгъан РАББИ сени севгени ичюн, О, къаргъышыны бахыткъа чевирген. <sup>6</sup>Омюорбиялла, ич бир вакъыт оларнен барышмагъа ве аранъыз аман олгъаныны истеме.

<sup>7</sup> Эдомлыларгъа нефret беслеме, чюнки олар сенинъ сой-сопларынъдыр; мысырлыларгъа да нефret беслеме,

чюнки сен оларнынъ топрагъында ят олып яшагъансынъ.<sup>8</sup> Оларнынъ учондже несилинде дөгъгъан эвлятлары РАББИнинъ джемиетине кирмек мумкционлер.

### **Ордуда темизлик къаиделери**

<sup>9</sup>Исраиль, душманларынъа къаршы сеферге чыкъкъанынъда, эр яманлықътан сакъын. <sup>10</sup>Эгер аранъызда бир де бир акъай геджесинен тёшегинде олгъанындан арамланса, ордудан чыкъсын ве кирмесин анда. <sup>11</sup>Акъшам тошкенинен ювунсын да, кунь баткъанда ордугъа кирсин.

<sup>12</sup>Ордудан тыш озюнъе косътергич яп ве анда ордудан аджетинъизни япмакъ ичон кет. <sup>13</sup>Алетлеринъде куречигинъ де олмакъ керек. Ордудан четте отургъан сонъ, ерни къаз да, ишинъни битирген сонъ, айланып, оны комип къой. <sup>14</sup>Чюнки сени къуртартгъан, душманларынъны къолунъба берген Алланъ олгъан РАББИ ордунъда юре. Онынъ ичон ордунъ азиз олсун. Ёкъса РАББИ насылдыр къапатылмагъан айыплыкъын корип, сенден кетеджек.

### **Джемиеттеки яшайыш къаиделери**

<sup>15</sup>Эфендисинден санъа къачып кельген къулны эфендисине къайтарма. <sup>16</sup>Сенде, аранъызда, бир де бир яшагъан еринъде озю бегенип сайлагъан ерде яшасын. Оны хорлама.

<sup>17</sup>Исраиль къызларында ве огъулларында не апай, не акъай путхане ороспулары олмасын. <sup>18</sup>Ороспулыкънен къазангъан акъчаны не апайгъа, не акъайгъа бир тюрлю адакъ беджермек ичон Алланъ олгъан РАББИнинъ эвина кирсетмеге ёл берме. Чюнки эм биринджиси, эм экинджиси Алланъ олгъан РАББИнинъ оғюнде писликтир.

<sup>19</sup> Семетдешинъе қумюшни, ашлыкъны, я да башкъа бир шейни борджкъа бергенде, ич бир файыз сорама.

<sup>20</sup> Ябанджыгъа бир де бир шейни борджкъа бергенде, ондан файыз сорамакъ мумкционинъ, амма семетдешинъден дегиль. Бу эмири тутсанъ, Алланъ олгъан РАББИ санъа мульк оларакъ береджек топракъта эр туткъан ишинъде санъа берекет береджек.

<sup>21</sup> Эгер Алланъ олгъан РАББИге адакъ берген олсанъ, оны беджермек вакътыны созма. Ёкъса Алланъ олгъан РАББИ сенден мытлакъа сорар, ве башынъа гуна олур. <sup>22</sup> Эгер адакъ бермеген олсанъ, башынъа гуна олмаз. <sup>23</sup> Агъзынъдан чыкъкан эр бир лафынъа бакъ; Алланъ олгъан РАББИге озъ истегинънен, озъ агъзынънен адагъан шейни ерине кетир.

<sup>24</sup> Башкъа адамнынъ юзюмлигине кирип, юзюмни джанынъ истегенинъ къадар ашамакъ мумкционинъ, савутынъны исе толдурма. <sup>25</sup> Башкъасынынъ пишкен ашлыгъына кирип, башакъларны къолларынънен узьмек мумкционинъ, орагъынъны исе башкъа адамнынъ маҳсүлъина котерме.

## 24

### Айырылув акъкъында къанун

<sup>1</sup> Бир акъай озюне апай алып, эвленсе, амма апайнынъ айыплыгъы ачылгъаны ичон акъайнынъ козюнде урьмет тапмаса, акъай айырылыкъ кягъытыны язып, онынъ къолуна бермек ве сонъ оны озъ эвинден чыкъармакъ мумкцион. <sup>2</sup> О апай, акъайнынъ эвинден чыкъып кетип, башкъасына акъайгъа чыкъмакъ мумкцион. <sup>3</sup> Лякин башкъасы

да оны кореджек козю олмайып, айрылыкъ кягъытыны язып ве къолуна берип, озъ эвинден чыкъарса, я да онынъ экинджи, оны апай оларакъ алгъан акъайы ольсе,<sup>4</sup> оны йиберген биринджи акъайы, апайы арамлангъан сонъ, онъа эвленип олмаз. Бу — РАББИнинъ огунде пислиktир. Аллань олгъан РАББИ санъа мирас оларакъ береджек топракъны гунагъа батырма.

### **Насиатлар**

<sup>5</sup> Ким якъында эвленген олса, дженкке кетмесин, ве бир тюрлю башкъа иш онъа буюрылмасын. О, азат къалып, бир йыл девамында эвленген апайыны къувандырысын.

<sup>6</sup> Дегирмен я да дегирменнинъ юкъары ташыны залоггъа алмагъа олмаз, чонки бу, адамнынъ джаныны залоггъа алмасына тенъдир.

<sup>7</sup> Эгер бир адам, семетдешлеринден, Израиль эвлятларындан олгъан бирини хырсызлап, онен серт олып, оны сатса, ве бу шей ачылса, бойле хырсызны ольдюрмек керек. Бойле этип, аранъыздаки яманлыкъыны ёкъ этинъиз.

<sup>8</sup> Сакъын, тери хасталыкълары пейда олгъанда, левийли руханийлер санъа огretкенлерининъ эписини яп. Мен оларгъа эмир эткенлеримни япынъыз. <sup>9</sup> Сиз Мысырдан кеткен сонъ, Аллань олгъан РАББИ Меръемге не япкъаныны<sup>\*</sup> акъылынъда тут.

<sup>10</sup> Башкъа адамгъа бир шейни борджкъа берсенъ, залог алмақъ ичюн эвине кирмеге акъкъынъ ёкъ. <sup>11</sup> Азбарда

---

\* <sup>24.9</sup> Сайылар китабы, 12.1-5. Меръем Мусанынъ башлыгъында шубеленгени ичюн, джузам хасталыгъына огърагъан эди.

тур; сенден борджкъа алгъан адам исе залогны санъа азбаргъа алып чыкъсын.<sup>12</sup> О, ёкъсул олса, залогыны юкъламагъа яткъанда озюнъде къалдырма.<sup>13</sup> Кунь батмаздан эвель, мытлакъа къайтар онъа онынъ залогыны, ве о, урбасынен япнып юкълар ве санъа яхшылыкъ тилер. Алланъ олгъан РАББИнинъ козю оғонде исе бу иш санъа инсафлыкъ деп сайдыладжакъ.

<sup>14</sup> Топрагъынъда, яшагъан ерлеринъде олгъан ёкъсул ве фукъаре ыргъатны, о, семетдешлеринъден оламы, я ят халкълардан олгъанларданмы, онынъ джаныны агъыртма.<sup>15</sup> Онынъ къазанчыны о куню, кунь батмаздан эвель онъа бер, чюнки о, ёкъсул; джаны онъа багълыдыр. Ёкъса, о, санъа къаршы РАББИге къыямет къопарыр да, сен гуна къазанырсынъ.

<sup>16</sup> Балаларынынъ къабааты ичюн бабалар ольмесинлер, бабаларынынъ къабааты ичюн де балалар ольмесин. Эр бир адам озъ гунасы ичюн ольмек керек.

<sup>17</sup> Ят халкълардан олгъанны ве оксюзни адалетли суд эт, тул апайнынъ урбасыны залоггъа алма.<sup>18</sup> Сен де Мысырда къул олып, Алланъ олгъан РАББИ сени андан сатын алгъаныны унутма. Онынъ ичюн мен санъа буны япмагъа эмир этем.

<sup>19</sup> Тарланъда махсулынъны джыйып, бир талай башакъларны анда унутсанъ, оларны алмакъ ичюн артынъа къайтма. Олар аранъыздаки ят халкълардан олгъанларгъа, оксюзлерге ве тул апайларгъа къалсын. Соң Алланъ олгъан РАББИ санъа эр туткъан ишинъде берекет береджек.<sup>20</sup> Зейтюнни теректен силькиткенинъде, бир даа пытакъларыны көзден кечирме. О, аранъыздаки ят халкълардан олгъанларгъа, оксюзлерге ве тул апайларгъа

къалсын. <sup>21</sup>Юзюмлигинъде юзюм салкъымларны джыйгъанда, къалгъанларыны джыйма. О, аранъыздаки ят халкълардан олгъанларгъа, оксюзлерге ве тул апайларгъа къалсын. <sup>22</sup>Мысыр топрагъында сен де къул олгъанынъны акъылынъда тут. Онынъ ичон мен санъа буны япмагъа эмир этем.

## 25

<sup>1</sup>Эгер эки адам арасында дава чыкъса, олар судгъа кетсинлер. Анда къадылар даваларыны чезсинлер ве акълы союны акъласынлар, къабаатлыны исе къабаатласынлар. <sup>2</sup>Эгер къабаатлы союны урмакъ керек олса, къады оны янында яткъызып, яманлыгъы къач таякъ къазангъан олса, о къадар урмакъны эмир этсин. <sup>3</sup>Онъа 40 таякъ бермек мумкүн. Лякин олардан зияде олмасын. Шулардан чокъча таякъ берильсе, семетдешинъе игренчинен бакъып башларсынъ.

<sup>4</sup>Арман баскъан бугъанынъ агъзыны къапатма.

### Ольген агъа-къардашынъа олгъан бордж

<sup>5</sup>Эгер эки агъа-къардаш берабер яшап, бири, огъул корьмезден кечинсе, онъинъ апайы чет адамгъа чыкъмасын. Къайыны онъа барып, эвленимек ве агъасынъинъ ерине онъа огъул бермек керек. <sup>6</sup>Апайынъ биринджи дөгъгъан огълу кечинген агъасынъинъ адыны алыш, несилини девам эттирирсинъ, ве бойледже онъинъ ады Исраильден гъайып олмаз. <sup>7</sup>Эгер къайын келинине эвленимеге истемесе, келин шеэр араба къапуларына, акъсакъалларгъа барып бойле айтсын: «Къайыннын агъасынъинъ ерине манъа огъул бермектен, агъасынъинъ несилини Исраильде девам

эттиромектен ред эте, агъасынынъ ерине манъа эвленмеге истемей». <sup>8</sup> О заман шеэр акъсакъаллары оны чагъырып, онен лакъырды этсинлер. Эгер о, эписи бир инатланып: «Онъа эвленмеге истемейим», — десе, <sup>9</sup> келини, акъсакъалларнынъ козю огунде янына барып, аягъындан аякъкъапыны чыкъарып, бетине тюкюрсин. Сонъ бойле десин: «Агъасынынъ несилини девам эттиромеге истемегенге бойле япарлар». <sup>10</sup> Ондан сонъ Исаильде о адамнынъ сой ады «Аякъкъапы Чыкъарылгъан» оладжакъ.

### **Мунасебетлер къануны**

<sup>11</sup> Эки акъай-семетдеш бири-биринен котеклешкенде, урулгъан акъайыны къурттармакъ ичюн, апайы янларына барып, къолуны узатып, ургъан адамны масхара еринден тутса, <sup>12</sup> апайынынъ къолуны кесип ташла. Козюнъ оны аджымасын.

<sup>13</sup> Горбанъда эки чекиси догъру олмагъан, балабан ве уфакъ теразе ташлары олмасын. <sup>14</sup> Эвинъде эки тюрлю, балабан ве уфакъ къопкъа ольчиоси олмасын. <sup>15</sup> Ташынънынъ агъырлыгъы там ве догъру олмакъ керек. Къопкъанънынъ ольчиоси де там ве догъру олмакъ керек. Сонъ Алланъ олгъан РАББИ санъа береджек топракъта куньлеринъ узакъ оладжакълар. <sup>16</sup> Бойле акъсызылыкъ эткен эр адам Алланъ олгъан РАББИнинъ огунде пистир.

### **Амалеклилер акъкъында эмир**

<sup>17</sup> Сиз Мысырдан чыкъкъан сонъ, ёл бою амалеклилер санъа нелер эткенини унутма. <sup>18</sup> Сен болдурып ёрулгъанынъда, олар сени ёлда къаршылап, артта къалгъан эписи такъатсызларны урып ольдюргенлер. Олар Алладан

къоркъмагъанлар.<sup>19</sup> Аллань олгъан РАББИ санъа, саип олмакъ ичюн мульк оларакъ береджек топракъта, сени эписи чевре-четиндеки душманларынъдан къуртарып, раат этсе, амалеклиернинъ эсирини биле ер юзюнде къалдырма. Бакъ, унутма буны!

## 26

### **Берекетнинъ биринджи мейвалары**

<sup>1</sup> Аллань олгъан РАББИ санъа мульк оларакъ береджек топракъка келип, онынъ саibi олгъанынънен ве анда яшап башлагъанынънен, <sup>2</sup> Аллань олгъан РАББИ санъа береджек еринъ, топракънынъ эписи биринджи махсулларындан пай ал да, сепетке къойып, Аллань олгъан РАББИ, Намы олсун деп сайлап аладжакъ еринъе бар. <sup>3</sup> О заман олгъан руханийге барып бойле айт: «Бугунь Аллань олгъан РАББИнинъ огюнде айтам: РАББИ баба-деделеримизге ант эткени киби, бизге береджек олгъан топракъка кирдим».

<sup>4</sup> Руханий къолунъдан сепетни алып, Аллань олгъан РАББИнинъ огюне къояр. <sup>5</sup> Сен исе Аллань олгъан РАББИнинъ огюнде бойле айт: «Дедем гъурбетликтеке кочеяткъан арамлы экен. О, Мысыргъа кеткен ве анда аз союнен гъурбетликтеке яшап башлагъан. Анда ондан буюк, къудретли ве чокъ сайылы миллет асыл олгъан. <sup>6</sup> Мысырлылар исе бизге ярамай бакъа ве хорлай, агъыр ишлер буюра эдилер. <sup>7</sup> Биз баба-деделеримизнинъ Алласы олгъан РАББИге къыямет къопардыкъ, РАББИ бизим давушымызыны эшиitti, беля алымызыны, агъыр ишлеримизни ве азапларымызыны коръди. <sup>8</sup> РАББИ буюк

къудретинен ве күчюнен, буюк дешетнен, бельгилер косьтерип ве аджайип шейлерни яптып, бизни Мысырдан чыкъарды.<sup>9</sup> Соң бизни бу ерге кетирип, бу топракъны, балнен сют акъкъан топракъны бизге берди.<sup>10</sup> Мына, РАББИ, Сен манъа берген топракъның биринджи махсулларыны мен энди кетирдим». Соң сепетни Аллань олғыан РАББИнинъ оғынен къой ве РАББИге ибадет эт.<sup>11</sup> Соң Аллань олғыан РАББИ санъа ве эвинъе берген эписи яхшылықълар ичюн левийлилер ве аранъызда ят халкълардан олғынларнен берабер шенълен.

<sup>12</sup> Учонджи йылында, он пайда бир пай бериледжек йылында, берекетинъден он пайда бир пайыны айырып битирген соң, оны левийлилерге, аранъыздаки ят халкълардан олғынларға, оксюзлерге ве тул апайларға бер, олар оны сен яшагъан ерлеринъде тойғыандже ашасынлар.<sup>13</sup> Соң Аллань олғыан РАББИге бойле айт: «Мен мукъаддес пайны алтып, оны эвимден чыкъардым. Сен манъа буюргъаның киби, оны левийлилерге, арамыздаки ят халкълардан олғынларға, оксюзлерге ве тул апайларға бердим. Мен эмирлеринъни бозмадым, оларны унутмадым.<sup>14</sup> Матем туткъанымда ондан ашамадым, элял олмайтып оны джыймадым, ондан олюлерге бир шей бермедин. Мен Аллам олғыан РАББИнинъ сёзюни туттым, эписи буюргъанларының беджердим.<sup>15</sup> Коклерде булуңгъан Озы еринъден бакъып, Озы халкъынъа Израильге ве, бизге бермеге баба-деделеримизге ант эткенинъ киби, берген топракъкъа, сютнен бал акъкъан топракъкъа берекет бер».

### **Раббининъ халкъы**

<sup>16</sup> Бугунь Алланъ олгъан РАББИ эписи бу низамнамелерни ве къаарларны беджермеге эмир эте. Оларны тутып, бутюн джан-юректен беджер. <sup>17</sup> Сен бугунь РАББИге айткъансынъ ки, РАББИ — сенинъ Алланъдыр, Онынъ ёлундан юреджексинъ, низамнамелерини, эмилерини ве къаарларыны тутаджакъсынъ ве Онынъ сёзюни динълейджексинъ. <sup>18</sup> Санъа сёз бергени киби, РАББИ бугунь, сен, санъа айткъаны киби, Онынъ шахсий халкъы олгъанынъны ве шунынъ ичюн Онынъ эписи эмилерини тутмагъа борджлугъынъны илин этти. <sup>19</sup> Соң О, сени эписи яраткъан миллетлерден устюн къояджакъ, ве сен макътав, нам ве улу шанлыкъ аладжакъсынъ. О, айткъаны киби, сен Алланъ олгъан РАББИнинъ азиз халкъы оладжакъсынъ.

## **27**

### **Къурбанлыкъ акъкъында Мусанынъ эмири**

<sup>1</sup> Соң Муса ве Исраиль акъсакъаллары халкъка бойле эмир эттилер:

— Мен бугунь сизге берген эписи эмилерни тутунызы. <sup>2</sup> Алланъыз олгъан РАББИ сизге береджек топракъкъа, Иордан озенининъ башкъа тарафына кечкен күню озюнье балабан ташлар къойып, устьлерини киречнен сыла. <sup>3</sup> Деделеринънъ Алласы олгъан РАББИ айткъаны киби, О, санъа сютнен бал акъкъан топракъны береджек. Бу топракъкъа кирмек ичюн, озенин кечкенинънен, шу ташларнынъ устюнде бу Къануннынъ сёзлерини яз.

<sup>4</sup>Мен санъа бугунь буюргъаным киби, Иорданнынъ башкъа тарафына кечкен сонъ, шу ташларны Эвал дагъы устюне къой ве устьлерини киречнен аяла. <sup>5</sup>Анда Алланъ олгъан РАББИге къурбан ери де, ташлардан япылгъан къурбан ерини къур, амма ташларны демир алетинен ишлеме. <sup>6</sup>Алланъ олгъан РАББИнинъ къурбан ерини бутюн ташлардан яп ве сонъ Алланъ олгъан РАББИ ичюн айванларны къурбан чалып, бутюнлей якъ. <sup>7</sup>Анда аманлыкъ къурбанларыны да чалып, оларны аша ве Алланъ олгъан РАББИнинъ огюнде шенълен. <sup>8</sup>Ташлар устюнде бу Къанун сёзлерини ачыкъ ве окъунакълы яз.

### Къаргъышлар

<sup>9</sup>Муса ве левийли руханийлер бутюн Исраильге бойле дедилер:

— Исраиль, сюкют олып, динъле! Бугунь сен Алланъ олгъан РАББИнинъ халкъы олдынъ. <sup>10</sup>Алланъ олгъан РАББИнинъ сесини динълемек ве мен санъа бугунь буюргъан эмирлерни ве низамнамелерни тутмакъ керексинъ.

<sup>11</sup>Сонъ о куню Муса халкъкъа бойле эмир этти:

<sup>12</sup> — Иорданнынъ башкъа тарафына кечкенинъизнен, халкъкъа бахыт тилемек ичюн, Геризим дагъында бойле къабилелер турсунлар: Шимеон, Левий, Ехуда, Иссасхар, Юсуф ве Бинъямин. <sup>13</sup>Бу къабилелер исе къаргъыш айтмакъ ичюн Эвал дагъында турсунлар: Рубен, Гад, Ашер, Зевулун, Дан ве Нафтали. <sup>14</sup>Сонъ левийлилер бутюн исраиллиләргә къычырып бойле айтсынлар:

<sup>15</sup> «Агъачтан я да иритильген маденден путны япкъан ве оны гизли ерге къойгъан адамгъа лянет! Устанынъ

къолундан чыкъкъан бу шей РАББИнинъ козунде  
пистир».

Бутюн халкъ джевап берип: «Амин!» — десин.

<sup>16</sup> «Ана-бабасыны урьмет этмеген адамгъа лянет!»

Бутюн халкъ: «Амин!» — десин.

<sup>17</sup> «Башкъа адам топрагъынынъ сыйыр ташыны къы-  
бырдаткъан адамгъа лянет!»

Бутюн халкъ: «Амин!» — десин.

<sup>18</sup> «Кёрни ёлдан ургъан адамгъа лянет!»

Бутюн халкъ: «Амин!» — десин.

<sup>19</sup> «Ят халкълардан олгъанларгъа, оксюзлер ве тул  
апайларгъа адалетсиз янашкъан адамгъа лянет!»

Бутюн халкъ: «Амин!» — десин.

<sup>20</sup> «Бабасынынъ апайынен яткъан адамгъа лянет,  
чюнки о, бабасыны масхара этти».

Бутюн халкъ: «Амин!» — десин.

<sup>21</sup> «Бир де бир айваннен джынсий багъда олгъан  
адамгъа лянет!»

Бутюн халкъ: «Амин!» — десин.

<sup>22</sup> «Татасынен я да къызы къардашынен, бабасынынъ  
къызынен я да анасынынъ къызынен яткъан адамгъа  
лянет!»

Бутюн халкъ: «Амин!» — десин.

<sup>23</sup> «Къайнанасынен яткъан адамгъа лянет!»

Бутюн халкъ: «Амин!» — десин.

<sup>24</sup> «Башкъа адамны гизли ольдюрген адамгъа лянет!»

Бутюн халкъ: «Амин!» — десин.

<sup>25</sup> «Къабаатсыз адамны ольдюрмек ичюн къапар ал-  
гъан адамгъа лянет!»

Бутюн халкъ: «Амин!» — десин.

<sup>26</sup> «Бу Къануннынъ сёзлерини тутмагъан ве, бойле этип, оны устюн къоймагъан адамгъа лянеттири!»

Бутюн халкъ: «Амин!» — десин.

## 28

### Итаат ичюн багъышлавлар

<sup>1</sup> Эгер сен керчектен де Алланъ олгъан РАББИни динълесенъ ве мен санъа бугунь буюргъан Онынъ эписи эмирлерини беджерсенъ, Алланъ олгъан РАББИ сени эписи ер юзюндеки миллетлерден устюн къояджакъ.

<sup>2</sup> Алланъ олгъан РАББИни динълесенъ, мына бу эписи яхши бахшышлар санъа бол-бол келеджеклер.

<sup>3</sup> Сен эм шеэрде, эм тарлада огъурлы оладжакъсынъ.

<sup>4</sup> Балаларынъ, топрагъынънынъ махсулы, айванларынънъ несили: бузавларынъ, улакъларынъ ве къозуларынъ берекетли оладжакъ. <sup>5</sup> Сепетинъ ве хамыр текненъ берекетли оладжакъ. <sup>6</sup> Яшайышынъда эр бир япъян ишинъде бахыт тападжакъсынъ. <sup>7</sup> Санъа къаршы чыкъаджакъ эписи душманларынъны РАББИ сенинъ козюнъ огюнде ураджакъ. Олар санъа бир ёлнен келип уджюм этсeler, сенден еди ёлнен къачарлар. <sup>8</sup> Эр бир туткъан ишинъ ве анбарларынъ РАББИ буюраджагъына коре берекетли оладжакъ. Алланъ олгъан РАББИ санъа береджек топракъта санъа берекет береджек.

<sup>9</sup> Эгер сен Алланъ олгъан РАББИни эмирини туутып, ёлларындан юрсень, РАББИ ант эткени киби, сени Озы азиз халкъы деп къояджакъ. <sup>10</sup> О заман ер юзюнде-ки халкъларынъ эписи, сен РАББИни шахсий мульку олгъанынъны корип, сенден къоркъарлар. <sup>11</sup> РАББИ

санъя эр шейде: балаларынъда, айванларынънынъ төлөнде ве санъя бермеге деделеринъе ант эткен топракъ таралаларынъ махсуслында, — бол берекет береджек.

<sup>12</sup> РАББИ санъя Озъ зенгинг хазинесини, кок къапуларыны ачаджакъ, топрагъынъа вакъты-вакътына ягъмур ягъаджакъ ве къолунъ эр бир япкъан ишини берекетли япаджакъ. Сен чокъ миллетлерге борджкъа береджексинъ, озюнъ исе борджкъа алмайджакъсынъ. <sup>13</sup> РАББИ сени къуйрукъ дегиль, баш япаджакъ. Эгер мен санъя бугунь къорчалап беджермеге буюргъан, Аллань олгъан РАББИнинъ эмирлерини тутсанъ, сен мытлакъа ашагъыда олмайып, тек юкъарыда оладжакъсынъ. <sup>14</sup> Мен санъя бугунь буюргъан сёзлеримден сагъгъа-солгъа урулма, башкъа аллаларынъ пешинден кетип оларгъа хызмет этме.

### Итаатсызлыкъ ичон къаргъышлар

<sup>15</sup> Лякин эгер сен Аллань олгъан РАББИни динълемесенъ ве мен санъя бугунь буюргъан эмирлерни ве низамнамелерни беджермесенъ, башынъа къаргъышлар тюшеджек, олар сени къаплап аладжакълар.

<sup>16</sup> Сен эм шеэрде, эм тарлада лянет оладжакъсынъ. <sup>17</sup> Сепетинъ ве хамыр текненъ лянет оладжакъ. <sup>18</sup> Балаларынъ, топрагъынънынъ махсуллары, бузавларынъ, улакъларынъ ве къозуларынъ лянет оладжакъ. <sup>19</sup> Киргенинъде де, чыкъкъанынъда да лянет оладжакъсынъ.

<sup>20</sup> РАББИ башынъа эр бир туткъан ишинъде къаргъыш, теляш ве беля ёллайджакъ. Сен ёкъ этиледжексинъ ве тезден гъайып оладжакъсынъ, чонки сен Оны къалдырып, яман ишни яптынъ. <sup>21</sup> Сен саип олмакъ ичон

кетеяткъян топрагъынъдан сени къырмагъандже, РАББИ башынъа ольдюриджи хасталықълар ёллайджакъ.<sup>22</sup> РАББИ санъа верем, сыйтма, янгъы, умма хасталықъларыны, къургъакъ, якъып яндыргъан ель ве куф ىибереджек. Сен гъайып олмагъандже, олар сени къувалайджакълар.<sup>23</sup> Башынъ тёпесинде кок бакъыргъа, аягъынъ тюбюндеки ер де демирге айланыр.<sup>24</sup> Ягъмур ерине РАББИ топрагъынъа тоз ве куль береджек, ве сен гъайып олмагъандже, о, коктен башынъа тюшеджек.

<sup>25</sup> РАББИ душманларынъа сени енъмеге ёл ачаджакъ. Оларгъа къаршы бир ёлнен чыкъсанъ, олардан еди ёлнен къачаджакъсынъ, ве ер юзюндеки бутюн падиша-лықъларда сенинъ алынъ дешет дөгъураджакъ.<sup>26</sup> Олю беденлеринъ тюрлю кок къушларына ве кийик айванларгъа аш олур, ве оларны къувмагъа кимсе тапымаз.<sup>27</sup> РАББИ санъа мысырлы ишлеген яралар, шишиклер, чибанлар ве къашынты ёллайджакъ. Сен олардан яхшы оламазсынъ.<sup>28</sup> РАББИ сени делиликнен, кёрлукънен ве акъылдан таювнен ураджакъ.<sup>29</sup> Кёр адам къаранлықъта къармаланып юргени дайын, сен де купе-кунъдюз къармаланып юреджексинъ. Эписи туткъан ишлеринъ оғъурсыз олур, эр кунъ сени хорлайджакъ ве чайпайджакълар, кимсе де сени къорчаламаз.

<sup>30</sup> Нишанлы оладжакъсынъ, лякин башкъа акъай нишанлынъны зорлап онен ятар; эв къуарарсынъ, лякин ичинде яшамазсынъ; юзюмлик сачарсынъ, лякин бир салкъымыны узьмезсинъ.<sup>31</sup> Козюнъ оғонде бугъанъны сояджакълар, сен исе бир кесек эт ашамайджакъсынъ. Эшегинъни сенден сенинъ козюнъ оғонде алып кетеджеклер ве санъа кери къайтармайджакълар. Къой-эчкилеринъни

душманларынъа береджеклер, кимсе де сени къорчала-  
<sup>32</sup>маз. Огъул ве къызларынъ башкъа халкъкъа бериле-  
 джеклер. Козълеринъ шуны кореджек ве сонъ оларны  
 кунь-куньден къыдырып зайыф оладжакълар. Амма  
 сен ич бир шей япып оламазсынъ. <sup>33</sup>Топрагъынънынъ  
 махсулыны ве ишлеринънинъ эписи берекетлерини сен  
 бильмеген халкъ ашайджакъ, сени исе омюрбиялла хор-  
 лап мазлум этеджеклер. <sup>34</sup>Козълеринъ корыгенлеринден  
 сен акъылдан айырыладжакъсынъ. <sup>35</sup>РАББИ тизлеринъ-  
 ни ве аякъларынъны агъырткъан ве тюзельмеге бильме-  
 ген чибанларнен ураджакъ. Олар сени баштан-аякъ ус-  
 тюнъни къаплап аладжакълар.

<sup>36</sup>РАББИ сени ве озюнъе сайлагъан падишаны, санъа  
 ве деделеринъе белли олмагъан халкъларгъа алып кете-  
 джек. Анда сен башкъа, таштан ве агъачтан ясалгъан  
 аллаларгъа хызмет этеджексинъ. <sup>37</sup>РАББИ сени алып  
 къуваджакъ халкъларнынъ арасында сенинъ алынъ де-  
 шет догъураджакъ, сен лятифelerинъ кульюси ве мас-  
 хара оладжакъсынъ.

<sup>38</sup>Тарлаларгъа чокъ урлукъ сачып, аз махсул джия-  
 джакъсынъ, чонки оны сарынчкъа ашар. <sup>39</sup>Юзюмликлер-  
 ни сачып ишлейджеексинъ, шарабыны исе ичмейджеексинъ  
 ве салкъымларыны джыймайджакъсынъ, чонки эписини  
 къурт ашар. <sup>40</sup>Бутюн яшагъан ерлеринъде зейтюн терек-  
 лери оладжакълар, амма зейтюн ягъынен сюртюльмей-  
 джеексинъ, чонки зейтюнлер ерге пишмейип тюшер. <sup>41</sup>Се-  
 нинъ огъул ве къыз балаларынъ догъаджакъ, лякин олар  
 сенде къалмазлар, чонки эписи эсирилкке алынаджакъ-  
 лар. <sup>42</sup>Эписи тереклеринъни ве топрагъынънынъ махсул-  
 ларыны чыр-чыр мазинлер къаплап аладжакълар.

<sup>43</sup> Араньызда ят халкълардан олгъанлар сизден эп юкъары котериледжеклер, сен исе эп ашагъы тюшеджексинъ. <sup>44</sup> Олар санъа борджкъа береджеклер, сен исе оларгъа борджкъа бермейджеексинъ. Олар, баш олып, сен къуирукъ олурсынъ.

<sup>45</sup> Бу къаргъышларның эписи башынъа тюшеджек; сен гъайып олгъандже, олар пешинъден къувалап, сени къаплап аладжакълар, чонки сен Аллань олгъан РАББИни динълемегенсинъ ве О санъа буюргъан эмирлерини ве низамнамелерини тутмагъансынъ. <sup>46</sup> Бу къаргъышлар санъа ве эвлятларынъа эбедиен бельги ве адхайип шей оладжакълар.

<sup>47</sup> Эр шейинъ бол олгъанда, къуванып ве джан-юректен Аллань олгъан РАББИге хызмет этмегенинъ ичюн, <sup>48</sup> сен ач, сувсуз, чыр-чыплакъ ве эр шейге мухтадж олып, РАББИ санъа ёллайджакъ душманларынъа хызмет этеджексинъ. О, сени ёкъ эткендже, бойнунъа демир боюндырыкъ такъаджакъ.

<sup>49</sup> РАББИ санъа ерининъ о бир четинден узакъта яшагъан миллетни ёллайджакъ. Сен тилини анъламагъан миллет къартал киби санъа учып келеджек. <sup>50</sup> Козълери къан баскъан миллет къартларны урьмет этмейдженек, яшларны аджымайджакъ. <sup>51</sup> Олар, ич бир шей къалмагъандже, айванларынънынъ несилини ве топрагъынънынъ маҳсулыны ашайджакълар. Сени ёкъ этмегендже, олар санъа не ашлыкъ, не яш шарап, не зейтюн ягъы, не бузав, не улакъ, не къозунъны къалдырмайджакълар. <sup>52</sup> Бутюн топрагъынъда сен юксек ве пекитильген диварларгъа умют эткенсинъ. Олар исе, эписи яшагъан ерлеринъни сарып аладжакъ ве бу диварларны йыкъаджакълар. Аллань

олгъан РАББИ санъа берген бутюн топрагъынъда яшагъан ерлеринъни сарып аладжакъ.

<sup>53</sup>Сонъ сен Алланъ олгъан РАББИ санъа берген эвлятларынъны, оғъул ве къызларынънынъ беденлерини ашайджакъсынъ, чонки душманынъ эткен къамачавы ве сенинъ алынъ пек ағъыр оладжакъ. <sup>54</sup>Аранъызда йымшакъ ве пек дүйгүлы олгъан акъайлар яман козълеринен ағъасына, севимли апайына ве сагъ къалгъан балаларына бакъаджакълар. <sup>55</sup>Олар озь балаларынъни беденини ашайджакълар, амма бир кесек биле кимсеге бермейджендер, чонки къамачав ичюн онынъ ич бир шейи къалмайджакъ. Эписи яшагъан ерлеринъде душманынънынъ къамачавы ве сенинъ алынъ пек ағъыр оладжакъ. <sup>56</sup>Эмде аранъызда назик ве тербиели олгъан апайлар шуны япаджакълар. Назиклиги ве тербиеси ичюн олар аягъынен ерге басмагъан биле, энди исе севимли акъайына, оғълуна ве къызына, <sup>57</sup>аякъларынъни арасындан чыкъкъян эшке ве озь тапкъан уфакъ баласына яман козълеринен бакъаджакълар. Олар, эр шейнинъ ёкъсуузлыгъында, оны гизли ашамагъа ниетленеджеклер, чонки яшагъан ерлеринъде душманынънынъ къамачавы ве сенинъ алынъ пек ағъыр оладжакъ.

<sup>58</sup>Эгер бу китапта язылгъан бу Къануннынъ эписи сёзлерини тутып беджермесенъ ве Алланъ олгъан РАББИнинъ шуретли ве къоркъунчлы адындан къоркъмасанъ, <sup>59</sup>РАББИ сени ве эвлятларынъни олмайджакъ белляларнен, буюк ве узагъан белляларнен, къоркъунчлы ве кечмеген хасталыкъларнен ураджакъ. <sup>60</sup>РАББИ башынъя сен къоркъкъян эписи Мысыр хасталыкъларыны тюшюреджек, ве олар санъа япышаджакълар. <sup>61</sup>Бундан

гъайры, сен гъайып олмагъандже, РАББИ бу Къанун китабында язылмагъан эр бир хасталықыны ве эр бир беляны сенинъ башынъа тюшюреджек.<sup>62</sup> Сизлер кок йылдызлары киби чокъ олгъан олсанъыз да, аз сайыда къаладжакъсынъыз, чонки сен Алланъ олгъан РАББИни динълемегенсинъ.<sup>63</sup> Сизге яхшылыкъ япкъанда ве сизни чокълаштыргъанда, РАББИ пек севинген эди. Сизни ёкъ эткенде ве сизни къыргъанда да шай пек севинеджек. Саип олмакъ ичюн кетеяткъан топракътан сен чекип чыкъарыладжакъсынъ.

<sup>64</sup> РАББИ сени эписи халкъларда, ер юзюнинъ бир четинден башкъа четинедже даркъатаджакъ. Анда сен башкъа, санъа ве деделеринъе белли олмагъан аллаларгъа, агъачтан ве таштан япылгъан аллаларгъа хызмет этеджексинъ.<sup>65</sup> Лякин бу миллетлер арасында да сен раатлыкъ тапалмайджакъсынъ, ве раат-раат басмагъа да ер тапалмайджакъсынъ, чонки анда РАББИ санъа теляшлы юрек, зайыфлашкъан козълер ве умутсиз рух береджек.<sup>66</sup> Эр вакъыт озъ яшайышынъны тюшюнип къасаветленеджексинъ, гедже-кунъдюз къоркъудан къалтырайджакъсынъ ве ярынки кунюнъде эмин олмайджакъсынъ.<sup>67</sup> Саба сен: «Ах, тездже акъшам кельгейди!» — дейджеексинъ, акъшам исе: «Ах, тездже саба ачылгъайды!», чонки козълеринъ къоркъунчлы шейлер кореджеклер ве юргинъни къоркъу къаплап алажакъ.<sup>68</sup> Соң РАББИ сени, «бир даа бу ёлны корымезсинъ», деген ёлнен гемилер устюнде Мысыргъа къайтараджакъ. Анда душманларынъа къуллукъкъа сатылышыз да, лякин сизни кимсе сатын алмаз.

**29**

**Алланынъ Исраильге  
Моав топрагъында  
берильген васиет**

<sup>1</sup>Мына РАББИ Мусагъа буюргъан васиетнинъ сёзлери. Муса оны Исраиль огъулларына Моав топрагъында бермек керек эди. Бу васиет, Хорев еринде берген васиеттен башкъа эди.

<sup>2</sup>Муса эписи исраиллиерни чагъырып, оларгъа бойле деди:

— Мысыр топрагъында фыравуннен, къулларынен ве бутюн топрагъынен РАББИ козюнъиз огунде нелер япкъаныны коръдинъиз. <sup>3</sup>Буюк джезаларны, буюк бельгилерни ве аджайип шейлерни озъ козълеринъизнен коръдинъиз. <sup>4</sup>Лякин бу куньгедже анълагъан акъыл, коръген козъ ве эшиткен къулакъ РАББИ сизлерге бермеди. <sup>5</sup>40 йыл девамында мен сизни алып сахра бою юре эдим. Устюнъиздеки урба ипранмады, аякъларынъыздаки аякъкъап тешильмеди. <sup>6</sup>Мен — Алланъыз олгъан РАББИ олгъанымны бильмек ичюн, пите ашамадынъыз, шарап ве башкъа ички ичмединъиз.

<sup>7</sup>Бу ерге келип чыкъкъанымызнен, Хешбон падишасы Сихон ве Башан падишасы Ог дженк этмек ичюн къаршымызгъа чыкътылар, лякин биз оларны енъдик.

<sup>8</sup>Сонъ биз оларнынъ топракъларыны алып, мульк оларакъ рубенлилерге, гадлыларгъа ве Менашше къабилесининъ ярысына бердик.

<sup>9</sup> Шуның ичюн, бу васиеттүн сёзлери тутунтыз ве оларны беджеринъиз. Соң эписи япкъан ишлеринъиз онъундан келеджек.

<sup>10</sup> Бугунь сиз эпинъиз Алланъыз олгъан РАББИнинъ огюнде турасынтыз — башлықъларынтыз, къабилелеринъиз, акъсакъалларынтыз, реберлеринъиз, эписи исраилли акъайлар, <sup>11</sup> уфакъ балаларынтыз, апайларынтыз, ордунтызда ят халкълардан олгъанлар: одун парлагъанлар ве сув ташыгъанлар. <sup>12</sup> Бугунь сиз Алланъыз олгъан РАББИнинъ санъа беректкъан васиетини ве Онынъ антыны аласынтыз. <sup>13</sup> Бугунь О, буны тасдикълай: сиз — Онынъ халкъысыз, О исе — сизинъ Алланъыз. О, шу акъкъында сизге сөз берген, шу акъкъында да баба-деделеринъизге Ибраим, Исхакъ ве Якъупкъа ант эткен эди.

<sup>14</sup> Бу васиетни ве Меним антымынъ Мен тек сизлерге дегиль, <sup>15</sup> амма эм де мында, Алламыз олгъан РАББИнинъ огюнде бугунь бизнен турған адамларгъа, эм де бугунь мында бизнен олмагъанларгъа да берем. <sup>16</sup> Мысырда насыл яшагъанымызын ве ёлда расткельген милләтлерден насыл кечкенимиизни билесинъиз. <sup>17</sup> Оларнынъ писликлерини ве оларда олгъан агъач ве таштан, кумюш ве алтындан япылгъан путларыны коръдинъиз. <sup>18</sup> Сакъынның, арантызда ич бир акъай ве апай, сой ве къабиле бугунь Алламыз олгъан РАББИден айланып, шу милләтлерниң пешинден кетип, оларнынъ аллаларына хызмет этмесин. Сакъынның, арантызда зеэрли ве аджджы махсулны осъюторген тамыр олмасын. <sup>19</sup> Шу адам бу антынъ сёзлери эшитип, юргинде озюне оғъурлар тилеп: «Юргимде инатлыкъынен яшасам да, эписи бир манъа селяметлик олур», — айтса, шу шей,

къабаатлынен берабер къабаатсызыны да ёкъ этер<sup>\*</sup>.

<sup>20</sup> РАББИ оны багъышламагъя истемез, онъя къаршы РАББИнинъ гъазабы ве куньджюлиги янаджакъ. Бу китапта язылгъан эписи къаргъышлар башына тюшип, РАББИ онынъ адыны ер юзюнден силип ташлар. <sup>21</sup> Бу Къанун китабында язылгъан васиетнинъ къаргъышларына коре РАББИ оны ёкъ этмек ичюн, Исраиль къабилелерининъ эписинден айыраджакъ.

<sup>22</sup> Сизден соң олгъан несиллер, сенден соң дөгъгъан эвлятларыныз ве узакъ мемлекеттен кельген ябанджылар, топракънынъ беляларыны ве РАББИ онъя ёллагъан хасталықъларны корип, айтарлар: <sup>23</sup> «Кукорт ве туз; бутюн топракъ яна; устюне бир шей сачылмай, ве о, бир шей осьтурмей; онда бир шей осьмей; бир от да осьмей. Содом, Гомора, Адма ве Цевоим шеэрлерине ошай. РАББИ оларны гъазабында ве афакъанында йыкъып ёкъ эткенди».

<sup>24</sup> Соң эписи миллетлер бойле деп сорарлар: «Бу топракъкъа РАББИ не ичюн бойле япкъандыр? Онынъ буюк янгъан афакъаны не ичюндир?»

<sup>25</sup> Джевабы да бойле олур: «Баба-деделерининъ Алласы олгъан РАББИ оларны Мысыр топрагъындан чыкъаргъан вакъытта, РАББИ оларгъа васиет берген, олар

оны исе къалдыргъанлар. <sup>26</sup> Олар кетип, башкъа аллаларгъа хызмет ве ибадет этип башлагъанлар, оларгъа белли олмагъан ве РАББИ разылыкъ бермеген аллаларгъя.

<sup>27</sup> Бунынъ ичюн РАББИнинъ афакъаны бу топракъкъа

---

\* <sup>29.19</sup> Къадимий еудийдже «шу шей, сувлу ве сувсуз олгъаныны ёкъ этер».

къаршы къайнағын, ве О, бу китапта язылгъан эписи къаргъышларны башларына тюшюрген.<sup>28</sup> Бугунь белли олгъаны киби, РАББИ гъазапланып, афакъанланып ве пек океленип, бу халкъны шу топракътан чыкъаргъан, башкъа топракъкъа алыш къувгъан».

<sup>29</sup> Эр гизли шейни бильмеге — Алламыз олгъан РАББИнинь ишиди, ачыкъ олгъан шейлер исе — бизим ве эвлятларымыз ичон. Бизлер бу Къанунның сёзлерини әбедиен беджермек керекмиз.

## 30

### Аллагъа къайтув

<sup>1</sup> Мен санъа айткъан эписи бу сёзлер — огъурлар ве къаргъышлар — башынъа тюшеджек вакъытта, сен олар акъкъында, Алланың олгъан РАББИ сизни къувгъан миллетлер арасында тюшюнеджексинь. <sup>2</sup> Мен санъа бугунь буюргъаным киби, эгер сен ве эвлятларынъ Алланъ олгъан РАББИге къайтып, джан-юректен Оны динълесенъ, <sup>3</sup> Алланъ олгъан РАББИ сени эсирилкten къуртаджакъ ве санъа мерамет эйлейджек. Айланып, Алланъ олгъан РАББИ сени даркъаткъан эписи халкълардан кене сени топлайджакъ. <sup>4</sup> Сен ернинь о бир чети-недже дагъылгъан олсанъ биле, Алланъ олгъан РАББИ андан да сени джыяр, андан да алыр. <sup>5</sup> Соң Алланъ олгъан РАББИ сени деделеринъ саип олгъан топракъка кетиреджек, сен де онынъ саиби оладжакъсынъ, ве РАББИ санъа яхшылыкълар япып, сени деделеринъден зияде чокълаштыраджакъ. <sup>6</sup> Алланъ олгъан РАББИ сенинъ ве эвлятларынъның юреклерини сюннет этеджек, ве сен

Алланъ олгъан РАББИни джан-юректен севеджексинъ ве узакъ яшайджакъсынъ.<sup>7</sup> Сонъ Алланъ олгъан РАББИ бу къаргъышларнынъ эписини душманларынънынъ, сени къувалагъанларнынъ ве кореджек козълери олмагъанларнынъ башларына тюшюреджек.<sup>8</sup> Сен исе РАББИге къайтып, Оны динълейджеексинъ ве мен бугунь санъа буюргъан эписи эмиирлерни беджереджеексинъ.<sup>9</sup> Алланъ олгъан РАББИ эр бир туткъан ишинъде бол-берекет береджек, эвлятларынъны да, эм де туварларынънынъ несилини, эм де топрагъынънынъ маҳсулларыны берекетли этеджек. Чюнки РАББИ деделеринъ акъкъында къувангъан киби, кене къуванчнен санъа яхшылыкъ япаджакъ.<sup>10</sup> Амма сен Алланъ олгъан РАББИни динълемек ве бу Къанун китабында язылгъан эмиирлерни ве низамнамелерни тутмакъ, Алланъ олгъан РАББИге джан-юректен къайтмакъ керексинъ.

### **Яшайыш я да олюм**

<sup>11</sup>Мен санъа бугунь буюргъан Къанун сен ичюн пек ағыыр ве иришильмейджеек киби дегиль.<sup>12</sup> О коклерде дегиль. Олмаса, «Биз къанунны эшитейик ве беджерейик деп, ким коклерге чыкъып, оны бизге кетиреджек?» — айтып олур.<sup>13</sup> О, деньизнинъ о бир тарафында да дегиль. Олмаса, «Биз къанунны эшитейик ве беджерейик деп, ким деньизнинъ о бир тарафына барып, оны бизге кетиреджек?» — айтып олур.<sup>14</sup> Амма бу шей санъа пек якъындыр. О, ағызынъда ве юрегинъдедир. Сен оны беджерип олурсынъ!

<sup>15</sup>Мына мен бугунь сенинъ огюнъе яшайыш ве яхшылыкъ, олюм ве яманлыкъ къойдым.<sup>16</sup> Мен сизге бугунь

буоргъан шей будыр: Алланъ олгъан РАББИни сев-  
мек, Онынъ ёлларындан юрмек ве Онынъ эмирлерини,  
низамнамелерини ве къаарларыны тутмакъ. О заман  
яшайджакъсынъ, чокълашаджакъсынъ ве саип олмакъ  
ичюн кетеяткъан топрагъынъда Алланъ олгъан РАББИ  
санъа берекет береджек.<sup>17</sup>Лякин эгер юргинъ четке ай-  
ланып, сесини динълемесе, ёлдан урулса ве башкъа алла-  
ларгъа хызмет этип табынса,<sup>18</sup>мен бугунь сизге ачыкъ  
айтам: сиз мытлакъа гъайып оладжакъсынъыз, Иордан  
озенини кечип саип олмакъ ичюн кеткен топрагъынъызда  
чокъ яшамайджакъсынъыз.

<sup>19</sup>Коклер ве ер юзю бизге шаат олсунлар: мен сенинъ  
огюнъде яшайыш ве олюм, огъурлар ве къаргъышлар  
къойдым. Шунынъ ичюн, сен ве эвлядынъ яшасын деп,  
яшайышны сайлап ал,<sup>20</sup>Алланъ олгъан РАББИни сев,  
Оны динъле, Онъа япыш, чонки О, санъа яшайышынъ  
ве узакъ куньлеринъни ве Ибраим, Исхакъ ве Якъуп  
деделеринъе бермеге ант эткен топракъта яшамагъа им-  
кяныны бере.

## 31

### Нун огълу Ехощуа – Мусанынъ издеши

<sup>1</sup>Муса бутюн Израильге бойле сёэзер айтып битир-  
ген сонъ,<sup>2</sup>оларгъа шай деди:

— Мен энди 120 яшындам, сизге ёлбашчылыкъ даа  
этип оламайым. РАББИ манъа: «Сен Иорданынъ баш-  
къа тарафына кечмейджексинъ», — деди.<sup>3</sup>Алланъ олгъан  
РАББИ огюнъден кечип, эписи огюнъдеки миллетлерни  
ёкъ этеджек, ве сен топрагъынъни саibi оладжакъсынъ.

РАББИ айткъаны киби, Ехощуа да сенинъ огюонъде кечеджек.<sup>4</sup> РАББИ аморлы падишалары Сихонны ве Огны ёкъ эткен. Оларгъа ве топракъларына не япъян олса, бу миллелтерге де ойле япаджакъ.<sup>5</sup> РАББИ оларны къолунъызгъа береджек, сиз исе мен сизге эписи буюргъан эмирлериме коре япмакъ керексинъиз.<sup>6</sup> Къуветли ве джесаретли олунъыз, олардан къоркъманъыз ве чекинменъиз, чюнки Алланъ олгъан РАББИ сизнен кетеята. О, сизни къалдырмайджакъ ве ташламайджакъ.

<sup>7</sup>Сонъ Муса Ехощуаны чагъырып, бутюн Исраильнинъ огюонде онъя шай деди:

— Къуветли ве джесаретли ол, чюнки сен бу халкънен, РАББИ деделеринъе бермеге ант эткен топракъкъа кирип, оларгъа пайлыштыраджакъсынъ.<sup>8</sup> Огюонъден кетеяткъан РАББИ сеннен оладжакъ. О сени къалдырмайджакъ ве ташламайджакъ. Къоркъма ве дешет тюбюне къалма.

### Къануннынъ окъулмасы

<sup>9</sup>Муса бу Къанунны язды ве оны РАББИнинъ Васиет Сандыгъыны ташыгъан, Левий къабилесинден олгъан руханийлерге ве Исраильнинъ эписи акъсакъалларына берди.<sup>10</sup> Муса оларгъа бойле эмир этти:

— Единджи йылынынъ сонъунда, борджаларны бағышлав йылында, Чалашлар Байрамында,<sup>11</sup> бутюн Исраиль Алласы олгъан РАББИ сайлагъан ерге РАББИнинъ огюоне кельгенинен, бу Къанунны, оны эписи эшитсин деп, бутюн Исраильнинъ огюонде окъу.<sup>12</sup> Халкъны топла — акъайларны, апайларны ве балаларны, ве аранъызда яшагъан ят халкълардан олгъанларны. Олар

динълесин ве огренсингелер, Алланъыз олгъан РАББИден къоркъсунлар ве бу Къануннынъ эписи сёзлерини ту-тып беджерсингелер.<sup>13</sup> Бу Къанунны бильмеген балалары да эшитирлер ве Иорданнны кечип саип олмакъ ичюн кетеяткъан топрагъынъызыда бутюн яшагъан вакътынъызыда Алланъыз олгъан РАББИден къоркъмагъа огриенирлер.

### **Раббининъ Мусагъа сонъки насиаты**

<sup>14</sup> Сонъ РАББИ Мусагъа бойле деди:

— Мына, олом кунюнъ якъынлаша. Ехощуаны чагъыр ве Корюшов Чадырында турунъыз. Мен онъа эмир берейим.

Муса ве Ехощуа келип Корюшов Чадырында турдышлар.<sup>15</sup> РАББИ Чадырда булут дирегинде пейда олды. Булут диреги Чадырнынъ кириши янында турды.

<sup>16</sup> Сонъ РАББИ Мусагъа бойле деди:

— Мына тезден сен баба-деделеринъе къошуладжақъсынъ. Бу халкъ, ороспу киби олып, кетеяткъан топракъларында эджнебий аллаларнынъ пешинден бараджакъ. Олар Мени къалдыраджакълар ве Мен оларгъа берген васиетимни бозаджакълар.<sup>17</sup> О куню Меним гъазабым оларгъа къаршы къызаджакъ, ве Мен оларны къалдыраджагъым. Мен бетимни олардан сакълайджагъым, ве олар ютуладжакълар. Башларына пек чокъ беля ве къаза тюшер, ве олар о куню: «Керчектен де, бу белялар башымызгъа тюшкенлернинъ себеби арамызыда Алла олмагъаны ичюн!» — дерлер.<sup>18</sup> Мен исе о вакъыт мытлакъа бетимни олардан сакълайджагъым, чюнки оларнынъ башкъа аллаларгъа чевирильгени пек яман оладжакъ.

<sup>19</sup> Энди исе, бу йырны язып ал ве Исаиль огъулларына огret. Оларгъа къаршы шаатлыгъым олсун деп, оны агъызларына къой. <sup>20</sup> Мен баба-деделерине ант эткеним киби, оларны сютнен бал акъкъан топракъка кирсетеджегим. Олар исе тойып ашагъан сонъ, семиз оладжакълар ве башкъа аллаларгъа айланып, оларгъа хызмет этеджеклер. Олар Мени терк этеджеклер ве васиетимни бозаджакълар. <sup>21</sup> Сонъ, оларнынъ башларына чокъ беляларнен къазалар тюшкенинен, бу тюркю оларгъа къаршы шаатлыкъ олур, чонки эвлятлары оны унутмайджакълар. Мен деделерине ант эткен топракъка оларны кирсетмезден эвель, оларнынъ бугуньки ниетлерини билем.

<sup>22</sup> О куню Муса бу йырны язып алды ве оны эписи исраиллилерге огretти.

<sup>23</sup> Нун огълу Ехощуагъа РАББИ бойле эмир этти:

— Къуветли ве джесаретли ол, чонки сен Исаиль огъулларыны Мен оларгъа ант эткен топракъка кирсетеджексинъ, Мен де сеннен олурым.

<sup>24</sup> Муса бу Къанунны бутюнлей китапкъа язып алгъан сонъ, <sup>25</sup> РАББИнинъ Васиет Сандыгъыны ташыгъан левийлилерге шай эмир берди:

<sup>26</sup> — Бу Къанун китабыны алыш, оны Алланъыз олгъан РАББИнинъ Васиет Сандыгъы янына къюнъыз. О, анда сизге шаатлыкъ олур. <sup>27</sup> Чюнки сиз исъянкяр ве инат олгъанынъызы мен билем. Мына шимди де, мен даа сагъ олгъанымда, сиз РАББИнинъ огюnde исъянджылыгъынъызыны косътересинъиз, я мен ольген сонъ даа бетер олмазсынъызы? <sup>28</sup> Манъя эписи къабилелеринъизни акъсакъалларыны ве эписи реберлеринъизни

топланъыз. Мен оларгъа бу сёзлерни айтарым ве оларгъа къаршы коклерни ве ер юзюни шаатлыкъкъа чагъырыым.<sup>29</sup> Чюнки билем ки, мен ольгенимден сонъ, сиз бозулып, мен сизге буюргъан ёлдан урулырсынъыз. Сонъунда кельген куньлерде башынъызгъа яманлыкъ олур, чюнки сиз РАББИнинъ козю оғюнде яманлыкъ япып, сизинъ арекетлеринъизнен Оны ачувлатаджакъсынъыз.

### Мусанынъ тюркюси

<sup>30</sup> Сонъ Муса бу йырнынъ эписи сёзлерини, исраиллиернинъ бутюн джемааты эшиитсин деп, айтты:

## 32

- <sup>1</sup> Къулакъ асынъыз, коклер,  
мен айтаджагъым,  
динъле, ер юзю,  
агъзымдан чыкъаджакъ лафларны.
- <sup>2</sup> Сагъанакъ киби огretкеним ягъар,  
чыкъ киби лафым тюшер,  
ягъмур киби янъы откъа ислер,  
ягъмурчыкъ киби ешилликке олур.
- <sup>3</sup> Чюнки мен РАББИнинъ адыны шуретлейджеим,  
сиз де Алламызнынъ уулыгъыны танынъыз!
- <sup>4</sup> О – Къаядыр! Япкъанлары къусурсыз,  
ве ёллары адалетлидир.  
О – ишанчлы Алла, акъикъатсызлыкъ Онда ёкъ,  
догъру ве инсафлы О!
- <sup>5</sup> Олар Онъа къаршы ахлякъсыз арекет этти;  
Онынъ балалары киби дегиль,

- олар къусур олды, бозукъ ве яланджы  
несиль олар.
- <sup>6</sup> РАББИнъизге бойле къайтарасызмы,  
ахмакъ ве акъылсыз халкъ?  
О — сенинъ Бабанъ дегильми?  
Сени яратъян, ясагъан ве асыл эткенди!
- <sup>7</sup> Къадимий заманларны акъылынъа кетир,  
эвельки несиллерниң ىйллары акъкъында  
тюшон.  
Бабанъдан сора, о санъа айттар,  
къартларынъыздан сора,  
олар санъа анълатырлар.
- <sup>8</sup> Юдже Алла миллетлерге мульк бергенде  
ве адамларны больгенде,  
О, Алланынъ огъулларынынъ сайысына коре  
халкъларгъа сынъырлар къойгъан.
- <sup>9</sup> РАББИнинъ пайы Онынъ халкъы олды,  
Якъуп — Онынъ шахсий мулькюдир.
- <sup>10</sup> О, оны бош сахрада,  
кiiик увулдагъан чёльде тапкъан.  
Оны къорчалай, акъыл берген,  
козъ бебеги киби оны сакълай эди.
- <sup>11</sup> Озъ ювасыны къыбырдаткъан,  
балаларынынъ устюнден  
къалтырап учкъан къартал киби,  
О да, къанатларыны керип, оны алгъан,  
къанатлары устюнде ташыгъан эди.
- <sup>12</sup> Ялынъыз РАББИ онъа ёлбашчылыкъ эте эди;  
эджнебий алла онен ёкъ эди.
- <sup>13</sup> О, оны ер юзюнинъ тёпелерине котерген,

тарлаларнынъ берекетинен тойдуратынъ эди оны.

О, онъа ташлардан — балны,  
чакъмакъташтан — зейтюн ягъыны ашкъа  
бере эди,  
<sup>14</sup> эм де тувардан иримчикни,  
къой-эчкилерден сютни,  
къозуларнынъ, Башан еринден  
къочкъарларнынъ ве текелернинъ ягъыны,  
ве энъ яхши богъдайны.

Юзюм къаныны, шарапны сен иче эдинъ.

<sup>15</sup> Ешурун\* семиз олгъан ве тепе башлагъан.  
Семиз олгъансынъ, шишманлангъансынъ,  
толушкъансынъ!

Сонъ о, оны яраткъан Алланы къалдыргъан,  
озъ къуртулыш Къаясындан игренген.

<sup>16</sup> Олар Алланы эджнебий аллаларынен  
ачувландыргъан,  
озъ писликлеринен Оны гъазапландыргъан.

<sup>17</sup> Озъ къурбанларыны Аллагъа чалмайып,  
шайтанларгъа, оларгъа белли олмагъан,  
янъы кельген,  
деделерининъ хаберлери олмагъан аллаларгъа  
чалгъанлар.

<sup>18</sup> Сени дюньягъа кетирген Къаяны  
унуткъансынъ,  
сени дертнен дөгъгъан Алланы акъылынъдан  
чыкъаргъансынъ.

---

\* <sup>32.15</sup> Ешурун — Израильнинъ шайране ады, «догъру, намуслы олгъан».

- <sup>19</sup> Буны коръген РАББИ олардан игренген,  
чюнки оғъуллары ве къызлары Оны  
гъазапландыргъан.
- <sup>20</sup> «Бетимни олардан гизлерим, — деди О. —  
Сонъ аллары не оладжакъ бакъарым.  
Олар — бозукъ несиль,  
отуз олмагъан балалардыр.
- <sup>21</sup> Олар Мен танымагъан аллаларынен Мени  
кунъджю эткен,  
бош путларынен Мени ачувландыргъанлар.  
Мен де олар танымагъан халкънен  
оларны кунъджю этеджегим,  
ахмакъ бир миллетнен оны  
ачувландыраджагъым.
- <sup>22</sup> Чюнки Меним гъазабым атеш алевлендириди,  
онынъ янгъаны олюнернинъ дюньясына ете,  
о, ер юзюни ве берекетини якъып юта,  
дагъларнынъ этеклерини де якъа.
- <sup>23</sup> Башларына чокъ яманлықълар тюшюреджегим,  
эписи окъларымны оларгъа атаджагъым.
- <sup>24</sup> Ачлыкъ оларны бошатыр,  
веба оларны ашар,  
аджджы тишлемелер келир.  
Оларгъа къаршы кийик айванларны ёлларым,  
эм де тозда сюйрекленген зеэр  
махлюкъларны.
- <sup>25</sup> Тышарыда къылыч акъайларны ураг,  
ичериде дешет айны шу шейни этер:  
йигитлерни ве къызларны,  
бебейлерни, чал къартларны.

- 
- <sup>26</sup> Айтмагъа истер эдим:  
“Оларны парчалайджагъым  
адамлар оларны ич бир  
вакъыт хатырламайджакълар”.
- <sup>27</sup> Амма душманларынынъ ачуwy ичюн  
шуны япмам.  
Ёкъса, душманлары буны янълыш анълап,  
айтар:  
“Бизим къудретимиз улу,  
РАББИНИНЪ иши дегильдир бу!”»
- <sup>28</sup> Олар — акъылны джойгъан миллет,  
ве араларында анълайыш да ёкъ.
- <sup>29</sup> Ах, акъыллы олып, олар буны анълап бильсeler,  
оларнен не оладжагъыны анъласалар экен!
- <sup>30</sup> Эгер оларнынъ Къаясы оларны сатмагъан олса,  
ве РАББИ оларны душманларынынъ  
къолуна бермеген олса,  
бир адам бинъ адамны къувалап олур эдими?  
Я да эки адам он бинъ адамны къувып олур  
эдими?
- <sup>31</sup> Чюнки оларнынъ къаясы  
бизим Къаямыз киби дегиль.  
Душманларымыз биле буны анълайлар.
- <sup>32</sup> Оларнынъ юзюм пытакълары —  
Содом чубугъындан,  
ве юзюми Гоморанынъ тарлаларындан.
- Юзюм данелери зеэр тёкелер,  
салкъымлары исе аджджы оть шырасы киби.
- <sup>33</sup> Шарабы — аждархаларнынъ зеэри,  
йыланларнынъ ольдюриджи зеэридир.

- 
- <sup>34</sup> РАББИ шай айта:  
«Мен буны сакъламадым?  
Озъ анбарларымда килитлемедим?»
- <sup>35</sup> Аякълары тайгъанда,  
Мен акътыман ве интикъам алырым,  
чюнки беля-къаза куню якъындыр,  
азырландырылгъан шейлер оларгъа ашыкъып  
келелер».
- <sup>36</sup> Лякин РАББИ Озъ халкъыны акълайджакъ.  
Къолларында такъат къалмайджакъ  
вакътында,  
не къул, не азат къалмайджагъыны корыгенде,  
Озъ къулларына мерамет этеджек.
- <sup>37</sup> О айтар: «Къайда аллалары,  
олар сыгъынакъ къыдырғъан къаялары?»
- <sup>38</sup> Оларның къурбан ягъларыны ким ашагъан,  
шарап бахшышларыны ким ичен?»
- Олар турсунлар да, сизге ярдым этсингелер,  
сиз ичюн орьтю олсунлар!
- <sup>39</sup> Энди корюнъиз: Керчектен де, Мен — Одыр!  
Менден гъайры алла ёкъ!  
Мен ольдюрем, Мен де яшайыш берем,  
Мен яралайым, Мен де тедавийлейим.
- Меним къолумдан кимсе къуртарып оламаз.
- <sup>40</sup> Емин этип, къолумны кокке тараф котерем ве  
айтам:  
Мен, Эбедий, Озюмнен ант этем:
- <sup>41</sup> парылдагъан къылычымны къайрарым,  
суд этип къолум оны тутар,  
душманларымның акътыманыны алырым,

Мени кореджек козълери олмагъанларны  
джеzаларым.

<sup>42</sup> Окъларымны къангъа бояларым,  
къылышым беденлерни ашар,  
ольдюрильген ве эсирге тюшкенлернинъ  
къаныны ичер,  
душман башлыкъларының башларына тояр».

<sup>43</sup> Алланы бильмеген миллетлер  
Онынъ халкъынен берабер къуваныныз!  
Чюнки О, къулларының къаны ичюн  
акътыманыны алыр,  
ве душманларының интикамыны алып,  
Озъ топрагъы ве халкъы ичюн  
акъларыны берер.

<sup>44</sup> Бойледже, Муса Нунның оғылу Ехощуанен берабер келип, бу йырның эписи сёзлерини халкъка айттылар.

### Муса халкъны къандыра

<sup>45</sup> Бу сёзлернинъ эписини бутюн Исраильге айтып битирген сонъ, <sup>46</sup> Муса оларгъа шай деди:

— Мен сизге бутунъ айткъан бу сёзлерни акъылларынызыда тутунныз, бу Къанун сёзлерининъ эписини тутып беджермеге балаларынызгъа эмир этинъиз. <sup>47</sup> Чюнки бу сёзлер сиз ичюн бош лаф дегиль, олар — сизинъ яшайышынызыдыр. Иорданны кечип саип олмакъ ичюн кетеяткъан топракъта оларның ярдымынен чокъ вакъыт яшарсыныз.

### **Муса Ханаангъа кирмез**

<sup>48</sup> О куню де РАББИ Мусагъа бойле деди:

<sup>49</sup> — Аварим дагъларындаки, Ерихонынъ къаршысында Моавда ерлешкен Нево дагъына котериль ве Мен Исраиль огъулларына мульк оларакъ береджек Ханаан топрагъына бакъ. <sup>50</sup> Хор дагъында ольген ве баба-деделерине къошуулгъан агъань Харун киби, сен де котериджек дагъынъ устюнде оледжексинъ ве баба-деделеринъ къошуладжакъсынъ. <sup>51</sup> Чюнки сиз Цин сахрасында, Мерива Кадеш сувлары янында Исраиль огъулларынынъ огюнде Манъа къаршы имансыз арекет эттингъиз, оларнынъ арасында Меним мукъаддеслигимни къорчаламадынъыз. <sup>52</sup> Сен огюнъде олгъан топракъны кореджексинъ, амма Мен Исраиль огъулларына береджек бу топракъкъа кирмейджексинъ.

## **33**

### **Муса Исраиль къабилелерини багъыштай**

<sup>1</sup> Ольмезден эвель, Алланынъ адамы Муса Исраиль огъулларына бойле огъурлар тиледи. <sup>2</sup> О, шай деди:

— РАББИ Синайдан кельди,  
 Сеир дагъларында оларгъа ачылды,  
 Параң дагълы топрагъындан нурнен пейда  
 олды,  
 азизлернинъ ордуларынен О, кельди,  
 онъ къолунда Къанун атеши бар эди.  
<sup>3</sup> О, халкъыны керчектен севе.

- Эписи ализлер Сенинъ къолунъда;  
олар аякъларынъда топлашалар,  
айткъанларынъа къулакъ асалар.
- <sup>4</sup> Муса бизге Къанунны буюрды,  
о — Якъуп джемиетининъ мулькю.
- <sup>5</sup> Халкъынъ башлыкълары  
къабилелернен берабер топлашкъанда,  
о, Ешуруннынъ падишасы эди.
- <sup>6</sup> Яшасын Рубен ве ольмесин,  
лякин акъайлары аз сайылы олсун.
- <sup>7</sup> Буны о, Ехуда къабилесине айтты:  
— Я РАББИ, Ехуданынъ сесини эшиит  
ве оны халкъына кетир.  
Озиони Озъ къолларынен къорчалай;  
сен онъя душманларына къаршы ярдымдожы ол.
- <sup>8</sup> Левий къабилесине шай деди:  
— Тум ве Ур<sup>\*</sup> алетлери сенинъ инсафлы  
адамынъдадыр.  
Сен оны Масса еринде сынадынъ,  
Мерива сувлары янында онен давалаштынъ.
- <sup>9</sup> О, ана-бабасы акъкъында бойле деди:  
«Мен оларны бакъмадым».  
О, агъа-къардашларыны танымагъан,  
озъ балаларыны бильмеген,

---

\* <sup>33.8</sup> Ур ве Тум — къадимий еудий тилинде «ярыкъ» ве «къусурсызлыкъ» маналарыны анълата. Чыкъыш 28.30 бакъынъыз.

лякин о, Сенинъ сёзлеринъни сакълагъан,  
vasиетинъни къорчалагъан.

- <sup>10</sup> Олар Якъупны къаарларына огretирлер,  
Исраильни — Сенинъ Къанунынъа.  
Олар огюнъде къокъулы отларны якъарлар,  
къурбан еринье айванларны бутюнлей къоярлар.  
<sup>11</sup> РАББИ, онынъ къудрети огъурлы олсун,  
туткъан ишлеринден разы ол.  
Онъа къаршы тургъанларны  
ве оны кореджек козълери олмагъанларны,  
аякъ устюнде турып оламасынлар деп,  
аякъларындан ур.

- <sup>12</sup> Бинъямин къабилесине шай деди:  
— РАББИнинъ севгилиси янында хавфсыз яшар.  
О, оны эр кунь сакълай,  
ве о, Онынъ омузлары ортасында раат отура.

- <sup>13</sup> Юсуф къабилесине шай деди:  
— РАББИ онынъ топрагъына коклернинъ,  
чыкъларнынъ ве ашагъыда акъкъан сувларнынъ  
энъ яхшы берекетини берсин,  
<sup>14</sup> кунеште осъкен ве айлар кетирген  
энъ яхшы махсулларны,  
<sup>15</sup> къадимий дагъларнынъ энъ яхшысыны  
ве эски байырларнынъ энъ яхшысыны,  
<sup>16</sup> топракъынъ энъ яхшысыны ве онынъ  
боллугъыны берсин.  
Тикенли чалыда Булунгъаннынъ разылыгъы  
Юсуфнынъ башына,

агъа-къардашларындан сайлангъан  
бирисининъ манълайына олсун.

<sup>17</sup> Онынъ биринджи дөгъгъан бугъасы — онынъ  
сайгъысы,  
бойнузлары — кийик бугъанынъ бойнузлары  
киби,  
оларнен о, ернинъ башкъя четинедже олгъан  
халкъларны тюртеджек.

Бу — Эфраимнинъ он бинълери ве Менашшенинъ  
бинълеридир.

<sup>18</sup> Зевулун къабилесине шай деди:

— Къуван, Зевулун, эвинъден чыкъкъанынъда,  
ве сен, Иссасхар, — озъ чадырларынъда.

<sup>19</sup> Олар халкъларны дагъгъа тараф чагъырырлар,  
анды дөгъру къурбанларны чаларлар.

Олар денъизнинъ боллугъынен  
кеїфленеджеклер.

<sup>20</sup> Гад къабилесине шай деди:

— Гаднынъ топракъларыны кенълештирген  
адам баҳтлы олсун!

О, арслан киби яшай,  
къолны ве башны парчалай.

<sup>21</sup> О, озюне ернинъ биринджисини сайлап алды,  
чюнки анда башлыкънынъ пайы оны бекледи.  
Халкъынъ башлыкъларынен о кельди,  
о, РАББИнинъ дөгъру ирадесини

ве Исаильге берильген къаарларыны  
беджерди.

<sup>22</sup> Дан къабилесине шай деди:

— Дан — арслан яврусыдыр;  
о, Башан еринден секирип тюше.

<sup>23</sup> Нафтали къабилесине шай деди:

— Нафталинен РАББИнинъ бол разылыгъы  
ве Онынъ номай берекети.  
О, денъизнинъ ве дженюптеки топракънынъ  
саibi.

<sup>24</sup> Ашер къабилесине шай деди:

— Огъуллардан энъ бахтлы — Ашердир.  
Агъа-къардашларынынъ разылыгъы онен олсун,  
аягъыны зейтюн ягъына батырсын.  
<sup>25</sup> Къапуларынъдаки мандаллары —  
демир ве бакъырдандыр,  
къудретинъ куньлеринъе тенъ оладжакъ.

<sup>26</sup> Ешуруннынъ Алласына ошагъан ёкъ!

О, коклер устюндөн санъа ярдымгъа  
Озъ Шуретинде буулутлар устюнде келе.

<sup>27</sup> Эбедий Алла — сени сакълагъан ерdir,  
сени эбедиен къудрети къорчалай.

О, душманларынъны огюнъден къувалай ве:  
«<sup>28</sup> Ёкъ эт!» — айта.

<sup>28</sup> Исаиль хавфсыз яшай,  
Якъуп янъгъызлықта тура

ашлықъ ве шарапкъа толу топрагъында;  
ве коклерден онъа чыкълар тюшелер.

<sup>29</sup> Исраиль, сен не де бахтлысынъ!  
Санъа ошагъан ким бар?  
РАББИ къуртартынъ!  
О — сени къорчалагъан къалкъанынъдыр  
ве шуретинънинъ къылышыдыр.  
Душманларынъ огюнъде ялтакъланалар,  
сен исе оларнынъ ибадет тёпелерини  
аяқъларынънен басасынъ.

## 34

### Мусаның олюми

<sup>1</sup>Сонъ Муса Моав тюзлюгинден Нево дагъына, Ерихонынъ къаршысында олгъан Фисганынъ тёпесине котерильди. Анда РАББИ онъа Гилад ерини, Дангъадже олгъан топракъны косытерди. <sup>2</sup>Нафталининъ оладжакъ топрагъыны, Менашше ве Эфраимнинъ топрагъыны, тап гъарбий денъизгедже баргъан бутюн Ехуданынъ топрагъыны, <sup>3</sup>Негевни ве Ерихо (Пальмалар шеэри) вадиининъ тюзлюгини, тап Цоар шеэринедже олгъан топракъны.

<sup>4</sup>Сонъ РАББИ онъа бойле деди:  
— Мен Ибраим, Исхакъ ве Якъупкъа: «Оны несильдеринъизге берерим», деп ант эткен топракъ мына. Мен санъа оны козьлеринънен корымеге разылыкъ берерим, лякин о топракъкъа сен кирмезсинъ.

<sup>5</sup>Сонъ РАББИ айткъаны киби, РАББИнинъ къулу Муса Моав еринде ольди. <sup>6</sup>О, оны вадийде, Моав

еринде, Бет-Пеорнынъ къаршысында дефн этти, лякин аля бу кунь онынъ къабри къайда олгъаныны кимсе бильмей.<sup>7</sup> Муса ольгенде 120 яшында эди, лякин онынъ козьлери зайдифлашмагъан, бедени де такъаттан кесильменген эди.<sup>8</sup> Израиль огъуллары Моав тюзлюгинде 30 кунь девамында Мусанынъ артындан агъладылар. Соң Мусанынъ артындан агълап яныкълангъан матем кунълери биткен эди.

### **Мусанынъ ерине кечеджек Ехощуа**

<sup>9</sup> Нун огълу Ехощуа икмет рухуна толгъан, чюнки Муса онынъ устюне къолларыны къойгъан эди. Израиллилер онынъ сесини динъледи ве, РАББИ Мусагъа эмир эткени киби, ойле де япа эдилер.

### **Мусанынъ буюклиги**

<sup>10</sup> О вакъыттан соң РАББИни юзьме-юзь бильген Муса киби пейгъамбер Израильде бир даа олмады. <sup>11</sup> Муса, РАББИнинъ ёллагъанына бойсунып, Мысыр топрагъында фыравунгъа, къулларына ве бутюн топрагъына къаршы адҗайип шейлерини япкъан ве бельгилер косътерген эди. <sup>12</sup> Буюк къудретинен ве къоркъунчлы ишлеринен Муса буларны бутюн Израильнинъ козю огюнде япкъан эди.